

王右丞集注

冊四

王右丞集卷之十四

仁和趙殿成松谷箋註

近體詩三十三首

田園樂七首

詩林廣記作鞞川六言

出入千門萬戶經過北里南鄰蹀躞鳴珂有底崆峒

散髮何人

顧元緯本凌本出入俱作厭見蹀躞俱作官府

北里南鄰

左思詩南鄰擊鐘磬北里吹笙竽

再見封侯萬戶立談賜璧一雙詎勝耦耕南畝何如

高臥東牕

立談

解嘲或立談間而封侯

賜璧

史記虞卿躡屣擔簦一見趙王賜白璧一雙黃金百鎰再見拜為上卿三見卒受相印封萬戶侯

採菱渡頭風急策杖村西日斜杏樹壇邊漁父桃花

源裏人家

急一本作起村顧元緯本作林

杏壇

莊子孔子遊于緇帷之林休坐乎杏壇之上弟子讀書孔子絃歌鼓琴奏曲未半有漁父者下船而來鬚眉文白被髮揄袂行原以上拒陸而止左手據膝右手持頤以聽

萋萋芳草春綠落落長松夏寒牛羊自歸村巷童稚

不識衣冠

首句諸本皆作萋萋芳草秋綠惟唐詩品彙作萋萋芳草春綠今從之又綠字凌本作碧不字萬首唐人絕句作未

長松

孫綽遊天台山賦藉萋萋之纖草蔭落落之長松呂延濟註萋萋草美貌落落松高貌

夏寒

王巾頭陀寺碑文桂深冬燠松疎夏寒

山下孤烟遠村天邊獨樹高原一瓢顏回陋巷五柳

先生對門

高原

揚雄羽獵賦相與列乎高原之上

桃紅復含宿雨柳綠更帶春烟花落家僮未掃鶯啼

山客猶眠

宿萬首唐人絕句作夜春唐詩品彙作朝鶯凌本唐詩品彙俱作鳥○皇甫冉集亦載此首題作閑居六言

酌酒會臨泉水抱琴好倚長松南園露葵朝折東谷

黃梁夜春

東谷凌本唐詩品彙俱作西舍

黃梁

爾雅翼今梁有二種青梁殼穗有毛粒青米亦微青而細于黃白米也夏月食之極為清涼但以味短色惡不如黃白梁故人少種之亦早熟而收少作錫青白勝餘米黃梁穗大

毛長穀米俱麤于白梁而收子少不耐水旱食之香味逾于諸梁人號為竹根黃白梁穗亦大毛多而長殼麤扁長不似粟圓米亦白而大其香美為黃梁之亞古天子之飯所以有白梁黃梁者明取黃白二種耳

少年行四首

新豐美酒斗十千咸陽遊俠多少年相逢意氣為君

飲繫馬高樓垂柳邊萬首唐人絕句本多作皆意氣作氣味

斗十千曹植詩歸來宴平樂美酒斗十千

出身仕漢羽林郎初隨驃騎戰漁陽孰知不向邊庭

苦縱死猶聞俠骨香一作苦死

羽林郎後漢書羽林郎比三百石無員掌宿衛侍從常選漢陽隴西安定北地上郡西河凡六郡良家補驃騎史記元狩二年春以冠軍侯去病為驃騎

將軍將萬騎出隴西有功正義曰漢書霍去病征匈奴有絕幕之勳始置驃騎將軍位至三司品秩同大將軍漁陽章懷太子後漢書註漁陽郡在漁水之陽今幽州俠

骨香張華遊俠曲生從命子遊死聞俠骨香成按詩意謂死于邊庭者反不如俠少之死而得名蓋傷之也與太白縱死俠骨香不慚世上英同用張華遊俠曲中語而命意不同矣

一身能擘兩彫弧虜騎千重只似無偏坐金鞍調白

羽紛紛射殺五單于 樂府詩集擊作臂重作羣

擘 顏師古漢書註今之弩以手張者曰擘張以足蹋者曰蹶張 彫弧 玉篇弧木弓也彫弧謂有彫畫之弧 白羽 上林賦鸞蓄弱滿白羽文穎註以白羽羽

箭故言白羽也鮑照詩留我一白羽李善註白羽矢名國語曰吳素甲白羽之矰望之如荼 五單于 漢書宣帝紀匈奴虛閭權渠單于病死右賢王屠耆堂代立骨肉大臣立

虛閭權渠單于子為呼韓邪單于擊殺屠耆堂諸王並自立分為五單于更相攻擊死者以萬數

漢家君臣歡宴終高議雲臺論戰功天子臨軒賜侯

印將軍佩出明光宮

雲臺 江淹上建平王書結綬金馬之庭高議雲臺之上 臨軒 後漢書崔寔傳天子臨軒百僚畢會

寄河上段十六 此詩亦載盧象集中

與君相見即相親聞道君家在孟津為見行舟試借

問客中時有洛陽人 盧集見作識在作住

贈裴旻將軍

腰間寶劍七星文臂上瑠弓百戰勳見說雲中擒黠

虜始知天上有將軍

裴旻

唐書裴旻嘗與幽州都督孫佗北伐為奚所圍旻舞刀立馬上矢四集皆迎刃而斷奚大驚引去後以龍華軍使守北平北平多虎旻善射一日得虎三十一休山下有老父曰此

彪也稍北有真虎使將軍遇之且敗旻不信怒馬趨之有虎出叢薄中小而猛據地大吼旻馬辟易弓矢皆墜自是不復射李翰裴旻將軍射虎圖贊敘開元中山戎寇邊元宗命將軍守北平州且充

龍華軍使以捍薊之北門公嘗率偏軍橫絕漢策匹馬陷重圍搖鞦韆而百萬洞開馳驍馳而沙場一掃聲振北狄氣懾東胡胡人服藝畏威不敢南牧願充麾下者五百餘人

七星

吳越春秋子胥乃解百金之劍以與漁者此吾前君之劍中有七星價值百金

琯弓

張衡東京賦彫弓斯

孔稚珪詩文犀六屬錯寶劍七星光吳均詩刀含四尺影劍抱七星文

九月九日憶山東兄弟

原註時年十七○凌本作九日憶東山兄弟

獨在異鄉為異客每逢佳節倍思親遙知兄弟登高

處徧插茱萸少一人

茱萸

爾雅翼風土記曰俗尚九月九日謂為上九茱萸至此日氣烈熱色赤可折其房以插頭云辟惡氣禦冬劉禹錫嘉話茱萸二字經三詩人皆已道亦有能否焉杜公言更把茱萸

仔細看王右丞云遍插茱萸少一人朱放云學他年少插茱萸杜公為最優也

戲題輞川別業

柳條拂地不須折松樹梢雲從更長藤花欲暗藏猱

子柏葉初齊養麝香樹凌本作枝梢二顧本凌本俱作披

猱邢昺爾雅疏猱一名獲善攀援樹枝麝香埤雅陶氏云麝形似獐今謂之香獐常食柏葉故養生論云麝食柏而香也

戲題盤石

可憐盤石臨泉水復有垂楊拂酒杯若道春風不解

意何因吹送落花來盤一作警臨顧元緯本凌本俱作鄰拂一作梢何因一作因何

與盧員外象過崔處士興宗林亭

綠樹重陰蓋四鄰青苔日厚自無塵科頭箕踞長松

下白眼看他世上人重一作垂松文苑英華作林看他世上人一作看君是甚人

科頭章懷太子後漢書註科頭謂以髮縈繞成科結也揚伯岳臆乘俗謂不冠為科頭箕踞漢書尉佗難結箕踞見陸賈師古曰箕踞謂伸其兩脚而坐亦曰箕踞其

形似白眼見十二卷青眼註

同詠

盧象

映竹時聞轉轆轤當牕只見網蜘蛛主人非病常
高臥環堵蒙籠一老儒

環堵

禮記儒有一畝之宮環堵之室鄭康成註環堵面一堵也五板為堵孔穎達正義環謂周圍也東西南北唯一堵也淮南子環堵之室茨之以生茅高誘註堵長一丈高一丈面環

一堵為方一丈故曰環堵言其小也

同詠

王 縉

身名不問十年餘老大誰能更讀書林中獨酌鄰
家酒門外時聞長者車

長者車

史記陳平家乃貧郭窮巷以弊席為門然門外多有長者車轍

同詠

裴 迪

喬柯門裏自成陰散髮牕中曾不簪逍遙且喜從
吾事榮寵從來非我心

牕中劉本顧可久本俱作空中唐詩品彙作空牕

喬柯

劉孝綽詩喬柯貫簷上垂條拂戶陰

酬王摩詰過林亭

唐詩紀事作喜羣公訪林亭

崔興宗

窮巷空林常閉關悠悠獨臥對前山今朝忽枉嵇

生駕倒屣開門遙解顏

空唐詩紀事作深

嵇生駕

世說嵇康與呂安善每一相思千里命駕

解顏

列子夫子始一解顏而笑

送王尊師歸蜀中拜掃

二顧本俱無拜掃字

大羅天上神仙客濯錦江頭花柳春不為碧雞稱使

者惟令白鶴報鄉人

大羅天

雲笈七籤最上一天名曰大羅在元都玉京之上紫微金闕七寶樹麒麟獅子化生其中三世天尊治在其內

濯錦江

太平寰宇記濯錦江

即蜀江水至此濯錦錦影鮮潤于他水故曰濯錦江九域志峽橋江水亦名濯錦江俗云以此水濯錦鮮明

碧雞

漢書郊祀志或言益州有金馬碧雞之神可醮祭而致于是遣

諫大夫王褒使持節而求之如淳註金形似馬碧形似雞水經註蜻蛉縣有禺同山其山神有金馬碧雞光景儵忽民多見之漢宣帝遣諫大夫王褒祭之欲致其雞馬褒道病而卒是不果焉故左太

沖蜀都賦曰金馬聘光而絕影碧雞儵忽而耀儀王褒碧雞頌曰持節使者敬移金精神馬影

白

鶴 搜神後記丁令威本遼東人學道于靈虛山後化鶴歸遼集城門華表柱時有少年舉弓欲射之鶴乃飛徘徊空中而言曰有鳥有鳥丁令威去家千年今來歸城郭如故人民非何不學仙

冢纍纍遂
高上沖天

送元二使安西

詩人玉屑作贈別樂府詩集作渭城曲

渭城朝雨裊輕塵，客舍青青柳色新。勸君更盡一杯

酒，西出陽關無故人。

次句劉本萬首唐人絕句樂府詩集俱作客舍青青柳色春。又一本作客舍依依楊柳春。

成按詩人玉屑以此詩為折腰體，謂中失粘而意不斷也。唐人歌入樂府以為送別之曲，至陽關句反覆歌之，謂之陽關三疊，亦謂之渭城曲。白居易晚春欲攜酒尋沈四著作詩云：最憶陽關唱真珠

一串歌。註云：沈有謳者，善唱西出陽關無故人詞。又對酒詩云：相逢且莫推辭醉，聽唱陽關第四聲。註云：第四聲勸君更盡一杯酒。西出陽關無故人也。劉禹錫與歌者詩云：舊人惟有何載在，更與殷

勤唱渭城渭城陽關之名，蓋因詩中辭云。

送別

萬首唐人絕句題作齊州送祖三

送君南浦淚如絲，君向東州使我悲。為報故人顛顚

盡，如今不似洛陽時。

州顧元緯本凌本俱作周

南浦

江淹別賦送君南浦傷如之何

淚如絲

梁武帝詩臉下淚如絲

東州

後漢書樊準傳雖有西屯之役宜先東州之急章懷太子註東州謂

冀兗州

送韋評事

欲逐將軍取右賢沙場走馬向居延遙知漢使蕭關外愁見孤城落日邊

評事

唐書百官志大理寺有評事八人從八品下

右賢

史記元朔之五年春漢令車騎將軍衛青將三萬騎出高闕匈奴右賢王當衛青等兵以為漢兵不能至此飲

醉漢兵夜至圍右賢王右賢王驚夜逃獨與其愛妾一人壯騎數百馳潰圍北去漢輕騎校尉郭成等逐數百里不及得右賢裨王十餘人

靈雲池送從弟

金杯緩酌清歌轉畫舸輕移豔舞迴自歎鵲鴿臨水別不同鴻雁向池來

靈雲池

高適集有陪寶侍御泛靈雲池陪寶侍御靈雲南亭讌詩二首其序云涼州近胡高下其池亭蓋以耀蕃落也意此池即涼州之靈雲池矣

鵲鴿

張華禽經注鵲鴿雀屬也爾雅曰鵲鴿雛渠毛詩曰水鳥也大如雀高足長尾尖喙頸黑青灰色腹下正白飛則鳴行則搖又曰鵲鴿在原兄弟急難鵲鴿共母者飛吟不相離詩人取以喻兄弟相友之道也

送沈子福歸江東

二顧本俱無福字歸萬首唐人絕句唐詩品彙俱作之

楊柳渡頭行客稀
罟師盪漿向臨圻
惟有相思似春色
江南江北送君歸

臨圻 謝靈運詩臨圻阻參錯李善註
埤蒼曰確曲岸頭也確與圻同

寒食汜上作 文苑英華作寒食汜水山
中作國秀集作途中口號

廣武城邊逢暮春
汶陽歸客淚沾巾
落花寂寂啼山

鳥楊柳青青渡水人

汜上 元和郡縣志河南府有汜水縣西南至府一百八十里汜水出
縣東南三十二里浮戲山經武牢城東漢破曹咎于此
廣武城 杜氏通典
河南府汜

水縣古東虢國爲鄭滅之鄭爲制邑左傳曰制巖邑也有故虎牢城卽周穆王
獲虎命畜之故曰虎牢漢謂之成皋縣後漢置成皋關其側有廣武城
汶陽 漢書地理
志魯國有

汶陽縣元和郡縣志故汶陽城在兗州龔邱縣東北五十四里其城
側土田沃壤故魯號汶陽之田成二年齊歸我汶陽之田謂此地也

劇嘲史寔

清風細雨濕梅花
驟馬先過碧玉家
正直楚王宮裏

至門前初下七香車

菩提寺禁裴迪來相看說逆賊等凝碧池上作

音樂供奉人等舉聲便一時淚下私成口號誦

示裴迪萬首唐人絕句作菩提寺禁聞逆賊凝碧池上作樂

萬戶傷心生野煙百官何日再朝天秋槐葉落空宮

裏凝碧池頭奏管絃官唐詩紀事全唐詩話珊瑚鉤詩話俱作察再二顧本明皇雜錄唐詩紀事全唐詩話唐詩品彙俱作更葉珊瑚鉤詩話作花

空唐詩紀事珊瑚鉤詩話俱作深

菩提寺

長安志平康坊南門之東有菩提寺隋開皇二年隴西公李敬道及僧惠英所奏立寺唐昭陵圖菩提寺在麻池之下與香積寺近賈氏談錄賈君嘗自說太原軍前衛

命至永興軍催發馬草舍于菩提寺僧有智滿者言祖師宏道天寶末為寺主值祿山犯闕王右丞為賊所執囚于經藏院與左丞裴迪密相往來裴說賊會蕃漢兵馬宴于太極西內王聞之泣下遂

為詩二絕書于經卷麻紙之後祖師收得之相傳至智滿賈君既獲披閱遂錄得其辭云萬戶傷心生野煙云云又示裴迪安得捨塵網云云

賊陷兩京大掠文武朝臣及黃門宮嬪樂工騎士每獲數百人以兵仗嚴衛送于雒陽至有逃于山谷者而卒能羅捕迫脅授以冠帶祿山尤致意樂工求訪頗切于旬日獲梨園弟子數百人羣賊因

相與大會于凝碧池宴僞官數十人大陳御庫珍寶羅列于前後樂既作梨園舊人不覺歎歎相對泣下羣逆皆露刃持滿以脅之而悲不能已有樂工雷海青者投樂器于地西向慟哭逆黨乃縛海

青于戲馬殿支解以示眾聞之者莫不傷痛王維時為賊拘于菩提佛寺聞之賦詩云云唐禁苑圖凝碧池在西內苑重元門之北飛龍院之南

涼州賽神

原註時為節度判官在涼州作

涼州城外少行人百尺峯頭望虜塵健兒擊鼓吹羌
笛共賽城東越騎神

健兒

唐六典天下諸軍皆有健兒成按稱軍士為健兒蓋本于三國時考吳志陳表傳云權以表能得健兒之心甘寧傳云能厚養健兒健兒亦樂為用命凌統傳云統為前鋒與所厚

健兒數十人共乘一船呂範傳云範親客健兒篡取以歸之類

羌笛

成按說文笛七孔簫也羌笛三孔馬融笛賦曰近世雙笛從羌起羌人伐竹未及已龍鳴水中不見後裁竹吹之聲

相似刻其上孔通洞之裁以當槨便易持易京君明識音律故本四孔加以一君明所加孔後出是為商聲五音畢然則羌笛本三孔後人加一孔京房又加一孔與今之六孔者不同也

哭殷遙

國秀集唐詩紀事俱作送殷四葬

送君返葬石樓山松柏蒼蒼賓馭還埋骨白雲長已
矣空餘流水向人間

石樓山

元和郡縣志京北府渭南縣西南有石樓山太平寰宇記隰州石樓縣有石樓山唐書地理志汝州梁縣有石樓山一統志西安府盩厔縣有石樓山鳳翔府寶雞縣有

石樓山未知孰是

歎白髮

宿昔朱顏成暮齒須臾白髮變垂髻一生幾許傷心事不向空門何處銷

暮齒

隋書王劭傳爰自志學誓乎暮齒篤好經史遺落世事

垂髻

玉篇髻小兒髮也魏志毛玠傳垂髻執簡累勤取官

王右丞集卷之十四

王右丞集卷之十五

仁和趙殿成松谷箋註

外編四十七首

東溪翫月

顧元緯外編錄此首文苑英華亦作王維詩唐文粹作王昌齡詩

月從斷山口遙吐柴門端萬木分空霽

分唐文粹作紛

流陰中

夜攢光連虛象白氣與風露寒谷靜秋泉響巖深青

靄殘清澄入幽夢

清澄唐文粹作澄清

破影抱空巒

破影唐文粹作影破

恍惚琴牕

裏松溪曉思難

過太乙觀賈生房

顧元緯外編及凌本俱錄此首文苑英華亦作王維詩

昔余棲遁日之子烟霞鄰共攜松葉酒俱簪竹皮巾

攀林遍雲洞

雲一作巖

採藥無冬春謬以道門子徵為驂御

臣常恐丹液就先我紫陽賓天促萬塗盡哀傷百慮

新蹟峻不容俗才多反累真泣對雙泉水還山無主人

松葉酒

庾肩吾詩方欣松葉酒自和遊仙吟
王績詩春釀煎松葉秋盃浸菊花

竹皮巾

漢書高帝為亭長乃以竹皮為冠
韋昭曰竹皮竹筠也今南夷

取竹幼時續以為帳師古註竹皮筍皮謂筍上所解之籜耳非竹筠也今
人亦往往為筍皮巾古之遺製也王績詩橫裁桑節杖直翦竹皮巾

丹液

漢武內傳其次藥有九丹金液

子得服之白日昇天此飛仙之所服地仙之所見也

紫陽賓

周氏冥通記第一紫陽左真人治葛衍山周君第二紫陽右真人治潘冢山王君

送孟六歸襄陽

一作送孟浩然○顧元緯外編錄此首文苑英華亦作王維詩瀛奎律髓作張子容詩

杜門不欲出

欲瀛奎律髓作復

久與世情疎以此為長策長一作良勸君

歸舊盧醉歌田舍酒笑讀古人書好是一生事無勞

獻子虛

淮陰夜宿二首

以下五首俱見顧元緯外編註云宋本作公詩又載唐孫逖集文苑英華俱編入行邁類亦稱逖作蓋與右丞早入滎陽界諸

詩同紀遂誤作右丞詩耳

水國南無畔扁舟北未期鄉情淮上失歸夢郢中疑

木落知寒近山長見日遲客行心緒亂不及洛陽時
永絕臥烟塘蕭條天一方秋風淮木落寒夜楚歌長
宿莽非中土鱸魚豈我鄉孤舟行已倦南越尚茫茫

宿莽

楚辭夕攬中洲之宿莽王逸註章冬生不死者楚人名之曰宿莽

南越

杜氏通典自嶺而南當唐虞三代為蠻夷之國是百越之地亦謂之南越古謂之雕

題非禹貢九州之域又非周禮職方之限在天文牽牛婺女則越之分野兼得楚之交

下京口埭夜行

孤帆度綠氛寒浦落紅曛江樹朝來出吳歌夜漸聞
南溟接潮水北斗近鄉雲行役從茲去歸情入雁羣

京口埭

按唐書地理志潤州丹徒縣有京口埭

山行遇雨

驟雨晝氛盪空天望不分暗山惟覺電窮海但生雲
涉澗猜行潦緣崖畏宿氛夜來江月霽棹唱此中聞

夜到潤州

夜入丹陽郡天高氣象秋海隅雲漢轉江畔火星流
城郭傳金柝閭閻閉綠洲客行凡幾夜新月再如鉤

潤州

按唐書地理志江南道有潤州丹陽郡武德三年以江都郡之延陵縣地置取潤浦為州名

金柝

顏延年詩臥伺金柝響起候亭燧烟又延年陽給事誅金柝夜

擊和門書局李善註金謂刁斗也衛宏漢舊儀曰晝漏盡夜漏起城門擊刁斗周廬擊木柝李周翰註柝打更木也

冬夜寓直麟閣

顧元緯外編錄此首唐詩品彙亦作王維詩文苑英華作宋之問詩成按題中麟閣之名乃是天授時所改神龍時無復此稱

則此詩自應歸宋耳

直事披三省

省一作閣

重關秘七門廣庭憐雪淨

淨一作靜

深屋喜

鑪温

深屋一作狹室

月幌花虛馥

花一作雲

風牕竹暗喧東山白雲意

茲夕寄琴樽

樽一作言

麟閣

杜氏通典天授初改秘書省為麟閣神龍初復舊掌經籍圖書

七門

後漢書百官志宮掖門每門司馬一人比千石本註曰南宮南屯司馬主平城門北宮門蒼龍

司馬主東門元武司馬主元武門北屯司馬主北門北宮朱雀司馬主南掖門東明司馬主東門朔平司馬主北門凡七門

月幌

玉篇幌戶廣切帷幔也王勃九成宮頌序風闐夕敞

攜少女于歌筵月幌
宵臚下姮娥于舞席

賦得秋日懸清光
詩雋類函唐詩類苑俱作王維
詩唐詩品彙作無名氏詩

寥廓涼天靜晶明白日秋圓光含萬象碎影入閑流

迴與青冥合遙同江甸浮晝陰殊衆木斜影下危樓

宋玉登高怨張衡望遠愁餘暉如可託雲路豈悠悠

江甸
宋書蕭思話傳仗順
沿流席卷江甸 宋玉
宋玉九辯悲哉秋之為氣也蕭瑟兮草木搖落
而變衰懷慄兮若在遠行登山臨水兮送將歸 張衡

張衡作四愁詩有側身東望涕霑翰側身南望涕霑襟側身西望涕霑裳側身北望涕霑巾之句

山中
顧元緯外編凌
本俱錄此首

荆溪白石出天寒紅葉稀山路元無雨空翠濕人衣

荆溪
一作藍田
一作玉關

荆溪
長安志荆谷水一名荆溪來自藍田縣至康村入萬年縣界西流二
十里出谷至平川合庫谷採谷石門水為荆谷水一名產水

冷齋夜話云吾弟超然喜論詩其為人純至有風味嘗曰陳叔寶絕無肺腸然詩語有警絕者如曰
午醉醒未晚無人夢自驚夕陽如有意偏傍小牕明王摩詰山中詩曰溪清白石出天寒紅葉稀山

路元無雨空翠濕人衣舒王百家夜休曰相看不忍發慘澹暮潮平欲別更攜手月明洲渚生此皆
得于天趣予問之曰句法固佳然何以識其天趣超然曰能言蕭何所以識韓信則天趣可言余竟
不能詰曰微超
然誰知之

蘇東坡書摩詰藍田烟雨圖云味詰摩之詩詩中有畫觀摩詰之畫畫中有詩詩曰藍溪白石
出玉川紅葉稀山路元無雨空翠濕人衣此摩詰之詩也或曰非也好事者以補摩詰之遺

從軍行二首

顧元緯本凌本俱錄此首樂府詩集亦作王維詩萬首唐人絕句唐詩紀事俱作王涯詩○行顧元緯本作辭

戈甲從軍久

戈樂府詩集作旌

風雲識陳難今朝拜韓信計日斬

成安

後二句凌本樂府詩集俱作今朝韓信計日下斬成安

拜韓信

漢書高帝紀漢王齋戒設壇場拜韓信為大將軍問以計策

計日

魏志司馬懿臨危制變禽公孫淵可計日待也

斬成安

史記韓信與張耳以兵數萬欲東下井陘擊趙趙王成安君陳餘聞漢且襲之也聚兵井陘口號稱二十萬信引兵遂下未至井陘口三十里止舍夜半傳發選輕騎二千人持一赤幟從間道葦山

而望趙軍誠曰趙見我走必空壁逐我若疾入趙壁拔趙幟立漢赤幟謂軍吏曰趙已先據便地為壁且彼未見吾大將旗鼓未肯擊前行恐吾至阻險而還信乃使萬人先行出背水陣趙軍望見大

笑平且信建大將之旗鼓鼓行出井陘口趙開壁擊之大戰良久于是信佯棄旗鼓走水上軍水上軍開入之復疾戰趙果空壁爭漢旗鼓逐韓信信已入水上軍軍皆殊死戰不可敗信所出奇兵二

千騎共候趙空壁逐利則馳入趙壁皆拔趙旗立漢赤幟二千趙軍已不勝不能得信等欲還歸壁壁皆漢赤幟大驚以為漢皆已得趙王將矣兵遂亂遁走於是漢兵夾擊大破虜趙軍斬成安君泚

水上禽趙王歇

燕頷多奇相，狼頭敢犯邊。寄言班定遠，正是立功年。

燕頷

後漢書班超行誥相者曰祭酒布衣諸生耳而當封侯萬里之外超問其狀相者指曰生燕頷虎頭飛而食肉此萬里侯相也後使西域西域五十餘國悉皆納質內屬焉下詔封

超為定遠侯

狼頭

北史突厥者其先居西海之右獨為部落蓋匈奴之別種也姓阿史那氏後為隣國所破盡滅其族有一兒年且十歲兵人見其小不忍殺之乃刖足斷其臂

棄草澤中有牝狼以肉餌之及長與狼交合遂有孕焉彼王聞此兒尚在重遣殺之使者見在狼側并欲殺狼于時若有神物投狼于西海之東落高昌國西北山山有洞穴狼匿其中遂生十男十男

長外託妻孕其後各為一姓阿史那即其一也最賢遂為君長故牙門建狼頭纛示不忘本也

遊春曲二首

顧元緯本凌本俱錄此首樂府詩集亦作王維詩唐詩紀事作張仲素詩萬首唐人絕句作王涯詩

萬樹江邊杏，新開一夜風。滿園深淺色，照在綠波中。

上苑無窮樹，花開次第新。香車與絲騎，風靜亦生塵。

無凌本唐詩紀事樂府詩集俱作何

相思

顧元緯外編凌本俱錄此首凌本作江上贈李龜年萬首唐人絕句作相思

紅豆生南國，秋來發幾枝。勸君多採擷，此物最相思。

萬首唐人絕句豆作杏幾作故多作休凌本勸作贈

紅豆

資暇錄豆有圓而紅其首為者舉世呼為相思子即紅豆之異名也其木斜斫之則有文可為彈博局及琵琶槽其樹也大株而白枝葉似槐其花與皂莢花無殊其子若櫻豆處

于英中通身皆紅李善云其實赤如珊瑚是也雲溪友議明皇幸岷山百官皆竄辱李龜年奔迫江潭杜甫以詩贈之曰岐王宅裏尋常見崔九堂前幾度聞正值江南好風景落花時節又逢君龜年曾于湘中採訪使筵上唱紅豆生南国秋來發幾枝贈君多採擷此物最相思又曰清風明月苦相思蕩子從戎十載餘征人去日殷勤囑歸雁來時數附書此辭皆王右丞所製至今梨園唱焉歌闕

合座莫不望南幸而慘然

太平樂二首

顧元緯本凌本俱錄此首樂府詩集亦作王維詩萬首唐人絕句作王涯詩唐詩紀事作張仲素詩○樂顧元緯本凌本俱作辭

風俗今和厚君王在穆清行看探花曲盡是泰階平

和顧元緯本作何探唐詩紀事作採

太平樂

樂府詩集樂苑曰太平樂商調曲也

穆清

史記漢興以來至明天子獲符瑞建封禪改正朔易服色受命于穆清如淳註受天命清和之氣正義曰

穆美也言天子有美德而教化清也

泰階平

長楊賦玉衡正而太階平李善註黃帝六符經泰階者天之三階也上階上星為男主下星為女主中階上星為諸侯三公下

星為卿大夫下階上星為士下星為庶人三階平則陰陽和風雨時歲大登民人息天下平是謂太平李周翰註太階三階星也此三星正平則天下太平也

聖德超千古皇威靜四方蒼生今息戰無事覺時長

威唐詩紀事作風

送春辭

顧元緯本凌本俱錄此首萬首唐人絕句作王涯詩唐詩紀事全唐詩話並作張仲素詩

日日人空老年年春更歸相歡在尊酒不用惜花飛

書事

顧元緯外編凌本俱錄此首

輕陰閣小雨深院晝慵開坐看蒼苔色欲上人衣來

詩人玉屑王維書事云輕陰閣小雨深院晝慵開坐看蒼苔色欲上人衣來舒王云若耶溪上踏莓苔與盡張帆載酒迴汀草岸花渾不見青山無數逐人來兩詩皆含不盡之意子由謂之不帶聲色楊升菴詩話王摩詰詩今所傳僅六卷如輕陰閣小雨深院晝慵開坐看蒼苔色欲上人衣來一首見于洪覺範天廚禁燴人家在仙掌雲氣欲生衣見于董道晝跋而本集不載則知其詩遺落多矣

塞上曲二首

顧元緯本凌本俱錄此首樂府詩集亦作王維詩萬首唐人絕句作王涯詩唐詩紀事前首作張仲素詩後首作王涯詩

天驕遠塞行出鞘寶刀鳴定是酬恩日今朝覺命輕

出鞘樂府詩集作鞘裏

塞虜常為敵邊風已報秋平生多志氣箭底覓封侯

隴上行

顧元緯本凌本俱錄此首萬首唐人絕句唐詩紀事俱作王涯詩

負羽到邊州鳴笳度隴頭雲黃知塞近草白見邊秋

羽萬首唐人絕句作箭

負羽

江淹別賦或乃邊郡未和負羽從軍呂延濟註箭有羽從軍負之于背而行

閨人贈遠五首

顧元緯本凌本俱錄五首萬首唐人絕句唐詩紀事唐詩品彙並作王涯詩○又唐詩紀事題作閨人寄遠

花明綺陌春柳拂御溝新為報遼陽客流芳不待人

陽一作東芳一作光

綺陌

梁簡文帝詩二條綺陌平

遼陽

漢書地理志遼東郡有遼陽縣

遠成功名薄幽閨年貌傷妝成對春樹不語淚千行

功名薄

陸機詩但恨功名薄竹帛無所宣

幽閨

江淹別賦慚幽閨之琴瑟

啼鶯綠樹深語燕雕梁晚不省出門行沙場知近遠

啼鶯一作鶯啼語燕一作燕語

雕梁

昭明太子十二月啓魚遊碧沼疑呈遠道之書燕語雕梁狀對幽閨之話

形影一朝別烟波千里分君看望君處祇是起行雲

作朝一相

洞房今夜月如練復如霜為照離人恨亭亭到曉光

洞房長門賦懸明月以自照兮徂清夜于洞房呂向註洞深也如練沈約詩秋月光如練照耀三爵臺如霜謝朓樂府夜月如霜金風方嫋

亭亭謝靈運詩亭亭曉月映冷冷朝露滴謝惠連詩亭亭映江月李善註亭亭迴貌呂向註亭亭月明貌

過友人莊此本孟浩然八言律詩今萬首唐人絕句減去後四句作一絕作王維不知何據顧元緯外編亦錄此首

故人具雞黍邀我至田家綠樹村邊合青山郭外斜

感興此本鄭谷詩詩學權輿以為王摩詰作顧元緯外編亦錄此首

禾黍不豔陽競栽桃李春翻令力畊者半作賣花人

遊春辭二首顧元緯本凌本俱錄此首樂府詩集亦作王維詩萬首唐人絕句唐詩紀事俱作王涯詩○洪邁萬首唐人絕句序云王涯在翰林同學

士令狐楚張仲素所賦宮詞諸章乃誤入于王維集又于王維詩下註云別本維又有遊春詞等詩十五篇并五言十五篇皆王涯所作今已入涯詩中

曲江絲柳變烟條寒谷冰隨暖氣銷纔見春光生綺

陌已聞清樂動雲韶

雲韶

雲韶黃帝樂大韶虞舜樂陸雲詩鸞樓高罔耳想雲韶曹毗宗廟歌詩惜惜雲韶盡美盡善

經過柳陌與桃谿尋逐春光著處迷鳥度時時衝絮

起花繁滾滾壓枝低

谿唐詩紀事樂府詩集俱作踐春樂府詩集作風

秋思二首

顧元緯本凌本俱錄此首樂府詩集作王維詩萬首唐人絕句唐詩紀事作王涯詩

網軒涼吹動輕衣夜聽更生玉漏稀月渡天河光轉

濕鵲驚秋樹葉頻飛

網一本作綠生萬首唐人絕句唐詩紀事樂府詩集俱作長

網軒

沈約詩網軒映朱轡張銑註軒屋檐也以網及珠綴而飾之

宮連太液見滄波暑氣微消秋意多一夜輕風蘋末

起露珠翻盡滿池荷

消凌本樂府詩集俱作清

太液

史記建章宮其北治大池漸臺高二十餘丈名曰太液池有蓬萊方丈瀛州壺梁象海中神山龜魚之屬漢書昭帝紀黃鵠下建章宮太液池中如淳註謂之液者言天地和液之

氣所爲也臣瓚曰太液池言承陰陽津液以作池也三輔黃圖太液池在長安故城西建章宮北未央宮西南太液者言其津潤所及廣也長安志大明宮蓬萊殿後有含涼殿後有太液池池內有太

液亭子柳惲詩太液滄波起

蘋末

宋玉風賦夫風生于地起于青蘋之末

秋夜曲二首

顧元緯本凌本俱載此首樂府詩集作王維詩萬首唐人絕句作王涯詩全唐詩話唐詩紀事俱作張仲素詩

丁丁漏水夜何長漫漫輕陰露月光秋逼暗蟲通夕

響寒衣未寄莫飛霜

陰凌本萬首唐人絕句唐詩紀事樂府詩集俱作雲逼凌本樂府詩集俱作壁

桂魄初生秋露微輕羅已薄未更衣銀箏夜久殷勤

弄心怯空房不忍歸

從軍辭

顧元緯本凌本俱載此首樂府詩集并前從軍辭二首亦作王維詩萬首唐人絕句唐詩紀事作王涯詩

鬣頭夜落捷書飛來奏軍門着賜衣白馬將軍頻破

敵黃龍戍卒幾時歸

軍凌本萬首唐人絕句唐詩紀事樂府詩集俱作金敵樂府詩集作鏞非

鬣頭

史記天官書昂曰鬣頭胡星也正義曰昂一星為鬣頭胡星亦為獄事明天下獄訟平暗為刑罰濫六星明與大星等大水且至其兵大起搖動若跳躍者胡兵大起一星不見皆

兵之憂也

白馬將軍

三國志龐德常乘白馬羽軍謂之白馬將軍皆憚之

塞下曲二首

顧元緯本凌本俱載此首萬首唐人絕句唐詩紀事並作王涯詩

辛勤幾出黃花戍迢遞初隨細柳營塞晚每愁殘月

苦邊愁更逐斷蓬驚

愁凌本唐詩紀事樂府詩集俱作秋驚唐詩紀事作聲

黃花戍

唐書地理志河北道平州北平郡有黃花戍

年少辭家從冠軍金裝寶劍去邀勳不知馬骨傷寒

水惟見龍城起暮雲

金裝

梁簡文帝登山馬詩問樹識金裝

馬骨

陳琳詩飲馬長城窟水寒傷馬骨

龍城

漢書車騎將軍衛青至龍城獲首虜七百級又匈奴

傳五月大會龍城祭其先天地鬼神史記索隱崔浩云西方胡皆事龍神故名大會處為龍城後漢書云匈奴俗歲有三龍祠祭天神

平戎辭二首

顧元緯本凌本俱載此首作平戎辭萬首唐人絕句作王涯詩唐詩紀事前首作王涯詩後首作張仲素詩

太白秋高助漢兵長風夜卷虜塵清男兒解却腰間

劍喜見從王道化平

漢顧元緯本萬首唐人絕句俱作後唐詩紀事作發從樂府詩集作君

卷旆生風喜氣新早持龍節靜邊塵漢家天子圖麟

閣身是當今第一人

龍節

唐書大將出賜旌以顯賞節以顯殺旌以絳帛五丈粉畫虎有銅龍一首纏緋幡紫緋為袋油囊為表節懸畫木盤三相去數寸隅垂赤麻餘與旌同

麟閣

漢書甘露三年單于始入朝上思股肱之美乃圖畫其人于麒麟閣法其形貌署其官爵姓名惟霍光不名曰大司馬大將軍博陸侯姓霍氏次曰衛將軍富平侯張安世次曰車騎將軍龍頰侯韓增次曰後將軍營平侯趙充國次曰丞相高平侯魏相次曰丞相博陽侯丙吉次曰御史大夫建平侯杜延年次曰宗正陽成侯劉德次曰少府梁邱賀次曰太子太傅蕭望之次曰典屬國蘇武皆有功德知名當世是以表而揚之以著中興輔佐列于方叔召虎仲山甫焉張晏註武帝獲麒麟時作此閣圖畫其像于閣遂以為名師古曰漢宮閣疏名云蕭何造

閨人春思

顧元緯本凌本俱載此首萬首唐人絕句作王涯詩全唐詩話唐詩紀事並作張仲素詩

愁見遙空百丈絲春風挽斷更傷離閒花落遍青苔

地盡日無人誰得知

遙唐詩紀事萬首唐人絕句俱作遊挽唐詩紀事作惹遍凌本萬首唐人絕句作盡

百丈絲

庾信詩洛陽游絲百丈連黃河春冰千片穿

贈遠二首

顧元緯本凌本俱載此首萬首唐人絕句作王涯詩唐詩紀事作張仲素詩

當年只自守空帷夢見關山覺別離不見鄉書傳雁

足惟看新月吐蛾眉

自一作是關唐詩紀事作江

雁足

漢書天子射上林中得雁足有係帛書

厭攀楊柳臨青閣閒採芙蓉渠傍碧潭走馬臺邊人不

見拂雲堆畔戰初酣

青閣 江淹詩朝與佳人期
日夕望青閣

芙渠 毛萸詩傳荷花芙渠也其花齒齒陸璣詩
疏荷其花未發為齒齒已發為芙渠

走馬臺

漢書張敞傳時罷朝會過走馬臺
街孟康註章臺街在長安中

拂雲堆 唐書地理志豐州中受降城有拂雲堆祠接靈
州境元和郡縣志朔方軍北與突厥以河為界

河北岸有拂雲堆祠突厥將入寇必先詣祠祭酌求福因牧馬料兵
而後渡河太平寰宇記拂雲堆在勝州榆林縣北百七十里

酣 韓非子酣戰之時可
馬子反渴而求飲

獻壽辭 顧元緯本凌本俱載此首萬首唐人
絕句唐詩紀事俱作王涯詩

宮殿參差列九重祥雲瑞氣捧階濃微臣欲獻唐堯

壽遙指南山對袞龍 殿唐詩紀
事作觀

唐堯壽 莊子堯觀乎華華封人曰嘻聖人請祝聖人使聖人壽堯曰辭使
聖人多男子堯曰辭封人曰壽富多男子人之所欲也女獨不欲何邪堯曰多男子

則多懼富則多事壽則多辱是三者非所以養德也故辭封人曰天生萬民必授之職多男子而授
之職則何懼之有富而使人分之則何事之有夫聖人鶉居而鷄食為行而無彰天下有道則與物
皆昌天下無道則修德就閑千歲厭世去而上僊乘
彼白雲至于帝鄉三患莫至身常無殃則何辱之有

失題 顧元緯本凌本俱載此首亦見萬首唐人絕句○顧元緯本萬首唐
人絕句作李龜年所歌凌本作雜詩樂府詩集作伊州歌第一疊

清風明月苦相思蕩子從戎十載餘征人去日殷勤

囑歸雁來時數寄書

清凌本作秋明萬首唐人絕句作朗苦相思一作獨離居戎凌本作軍寄凌本萬首唐人絕句俱作附

疑夢

見事文類聚

莫驚寵辱空憂喜莫計恩讐浪苦辛黃帝孔邱何處問安知不是夢中身

成讀諸家所刻右丞詩集惟劉須谿評本為最善然其中亦往往雜以他人之作如錢起盧象崔與宗諸公所賦皦然明白者亦亂則其間况其他乎洪邁辯遊春詞等三十首為王涯所作而諸本儼然猶載集中雖其詩亦佳麗可誦較之魚目混珠玳瑁亂玉大有徑庭然究非摩詰本來面目矣若文苑英華雲溪友議冷齋夜話詩人玉屑樂府詩集等書所載右丞詩章有集中所不載者而別書又以為某某所作疑不能定也存之懼其亂真因別彙為一卷謂之外編以明非劉氏所較集內之詩故耳蓋亦存而不論之意至于分涇渭之殊流別淄澠之異味于聲調體格微似之間而辨正其某首為真某首為誤則請以俟淹雅之君子

王右丞集卷之十五

王右丞集卷之十六

仁和趙殿成松谷箋註

賦表八首

白鸚鵡賦

若夫名依西域族本南海同朱喙之清音變綠衣於

素彩

于一作而

惟茲鳥之可貴諒其美之斯在

鳥文苑英華作禽

爾其入

翫於人見珍奇質狎蘭房之妖女去桂林之雲日易

喬枝以羅袖代危巢以瓊室

兩以字文苑英華俱作于

慕侶方遠依人

永畢託言語而雖通顧形影而非匹

而唐文粹作之

經過珠網

出入金鋪單鳴無應隻影長孤偶白鸚於池側對皓

鶴於庭隅愁混色而難辨願知名而自呼

願文苑英華作每

明心

有識懷思無極

無文苑英華作何

芳樹絕想雕梁撫翼時矚花而

不言每投人以方息慧性孤稟雅容非飾含火德之

明輝被金方之正色至如海燕呈瑞有玉筐之可依

麗奉日月之光輝羽毛文苑英華作毛羽山雞學舞向寶鏡而知歸寶文苑英華作瑤皆羽毛之偉

紈質彩奪繒衣深籠久閉喬木長違開一作閑儻見借其

羽翼與遷鶯而共飛其文苑英華作于

白鸚鵡初學記廣州記曰根杜出五色鸚鵡曾見其白者大如母雞南方異物志曰鸚鵡有

鳥四指三向前一向後此鳥兩指向後桂海虞衡志白鸚鵡大如鸚鵡一種五色大于青者交州巴南盡有之凡

如小鸚亦能言羽毛玉雪以手撫之有粉粘着指掌如蚊蝶翅西域爾衡鸚鵡賦惟西域之靈

西域謂隴坻出南海史記始皇本紀略取陸梁地為桂林象郡南海杜氏通典南海今南海始

此鳥也蘭房宋玉諷賦乃更于蘭房芝室止巨其中桂林漢書地理志鬱林郡故秦桂林郡屬尉陀武帝

陵懷德等郡是依人庾信詩愛靜魚爭樂珠網元鼎六年開更名杜氏通典桂林今始安平樂

蒙山開江潯江蒼梧臨江鬱林平琴安城賀水常林象郡
龍城融水朗寧懷澤寧浦橫山修德龍池永定等郡是
江淹詩結眉向珠網憑思視青苔王
融詩雕雲度綺錢香風入珠網
金鋪長門賦擠玉戶以撼金鋪李延濟註金鋪扉上有金花中作鈕鑲以貫鎖左思蜀都賦金鋪交映劉淵

林註金鋪明鋪首以金爲之韻會鋪說文著門鋪首也從金甫聲增韻所以銜環者作龜蛇之形以銅爲之故曰金鋪

鶴謝惠連雪賦皓鶴奪鮮白鵬失素 **投人**晉書載記鳥雀投人尚宜濟免 **火德**禰衡鸚鵡賦體金精之妙質含火德之明輝李善註西方爲金毛有白者

故曰金精南方爲火蒼有赤者故曰火德李周翰註西方金也質寄于西故云體金精也朱鳥南方火也鳥皆稟之故云含火德也 **玉筐**宋書符瑞志高辛氏之世妃曰簡狄以春

分元鳥至之日從帝祀郊禘與其妹浴于元邱之水有元鳥銜卵而墜之五色甚好二人競取覆以玉筐簡狄先得而吞之遂孕胸剖而生契 **山雞**異苑山雞愛其

魏武時南方獻之帝欲其鳴舞而無由公子蒼舒令置大鏡其前雞鑿形而舞不知止遂死 **遷鶯**本小雅出谷遷喬義然詩人是泛指凡鳥而言後人多作鶯事使所未詳也

成按文苑英華載白鸚鵡賦凡三首第一卽右丞作第二不著姓氏第三郝名遠作皆于題下註云以容日上飾孤飛色媚爲韻而本集無之又第一第二並止賦五韻缺餘三韻豈當時之制雖限八

韻亦聽士子爲盈縮耶

賀古樂器表

臣維言伏見今月七日中書門下敕牒道士申太芝奏稱伏奉恩旨令臣往名山修功德去載六月二十日於南海葛洪居處至誠祈請中夜恍惚見一老人云是茅山羅浮神人常於七曜洞來往昔曾九疑山

於桂陽石室中藏天樂一部歲月久遠變爲五野猪
彼郡百姓捉獲汝可往取獻皇帝每祈祭但依方安
置奏之卽五音自和天仙百神應聲降福所求必遂
壽命延長臣奉神言卽往桂陽尋問百姓云天寶二
載村人常見有五野猪逐之便走入石室就裏尋覓
化爲石物五枚衆共驚異臣取以扣之音律相和與
神人言不異今將奉進者臣聞陰陽不測之謂神變
化無方之謂聖惟神與聖感而遂通伏惟開元天寶
聖文神武應道皇帝陛下居皇建之極中得混成之
大道奉先天之聖祖元化協於無爲育率土之羣生
至仁侔於陰騭然猶精意不倦聖祀逾崇遍禮羣仙
思祐九服故得龐眉皓髮遙同入昴之人真訣元言

來告馭風之客棲身七曜以俟唐堯藏樂九疑不傳
虞舜留茲石室思獻玉墀憑野豕以呈形表洞仙之
屬意且神物思變古亦有之龍躍平津實爲寶劍鳧
飛葉縣空餘素履器非上品人纔下仙猶能精誠聿
修神變浚若況殊庭致貺天老効祥願授至尊以享
上帝亦旣考擊動諧律呂韶濩慚其九奏雲咸失其
八音翠鳳入于洞簫殊非雅韻朱鷺傳于鼗鼓敢比
仙聲天地同和神祇降福無窮之壽永撫寶圖無疆
之休以康庶績實由至德斯感大道元通神人親告
於休徵靈仙不秘其空樂稽之古昔實未見聞臣等
限以留司不獲隨例抃舞不任踴躍喜慶之至

敕牒

唐六典凡上之所以逮下其制有六曰制敕冊令教符凡下之所以達上其制亦有六曰表狀牋啓辭牒李林甫註天子曰制曰敕曰冊皇太子曰令親王公主曰教尚書省下於

州州下於縣縣下於鄉皆曰符表上於天子其近臣亦為狀牒啓于皇太子然于其長亦為之非公文所施九品已上公文皆曰牒庶人曰辭

申太芝

神仙彙紀申太芝字

元芝洛陽人其母楊夢吞芝而孕故名與元宗同日生稍長去家學道嘗遊南嶽至祝融峯頂遇異人授金丹火龍之術遂能乘虛元宗感夢以像求得之召至京師命住元真觀神遊隱顯出入不可

測開元中中秋夜與元宗同遊月宮過一大門在玉光中見宮榜曰廣寒清虛之府守門兵衛甚設太芝引帝躍起煙霧上俯視玉城嵯峨若萬頃琉璃田僊人道士乘雲駕鶴往來其間下見素娥十

餘皓衣乘白鸞笑舞於廣庭大樹下樂音清麗帝歸因製霓裳羽衣之曲天寶初奉詔祭羅浮山訪尋朱明洞道遇異人告以天樂甚異後應安祿山之亂即所奏于凝碧池頭者太芝道術最高醮祭

輒動風雨所著有服食要訣世稱天師又曰僊翁後坐妖妄伏誅道流謂為兵解競傳在大余湖山白晝冲舉云

葛洪居處

廣東志羅浮山朱明洞前有冲虛觀即都

虛觀故址晉咸和中葛洪于此煉丹以從學者衆乃于此置四庵山南曰都虛又曰元虛又改名冲虛至唐朝天寶初置守祠十家仍度道士賜額內有葛洪祠葛洪丹竈

太平實字記茅山在昇州句容縣南五十里本勾曲山其山形如勾字三曲晉茅山君得道于此山後人遂名為茅山其山接句容金壇延陵三縣界

羅浮

擊文類聚羅浮山記

曰羅浮者蓋總稱焉羅羅山也浮浮山也二山合體謂之羅浮在增城博羅二縣之境舊說羅浮高三千丈有七十石室七十二長溪神明神禽玉樹朱草太平實字記羅浮山本名蓬萊山一峯在海

中與羅山合體因名之山有洞通句曲又有璇房瑤室七十二所裴淵廣州記云羅浮二山隕天唯石樓一路可登謝靈運羅浮山賦序客夜夢見延陵茅山在京之東南明且得洞經所載羅浮山事

云茅山是洞庭口南通羅浮正與夢中意相會遂感而作羅浮山賦

九疑山

方輿勝覽九疑山在道州寧遠縣南六十里亦名蒼梧山九峯相似望而疑之謂之九疑山有

九峯峯各有一水四水流灌於南海五水北注合為洞庭其一曰朱明峯其下湘水源二曰石城峯其下沅水源女冠魯妙典所居三曰石樓峯其下巢水源四曰娥皇峯其下池水源五曰舜源峯其

下瀑水源亦曰華蓋此峯最高六曰女英峯其下秋水源七曰簫韶峯其下澗水源八曰桂林峯其下泝水源九曰梓林峯其下澗水源

桂陽石室

唐書地理志郴州桂

陽郡屬江南西道方輿勝覽道州有高士巖在舜祠西二里間舊名野豬巖邱順甫欽若改曰高士巖昔有獵者見羣豕逐入巖不見因得樂器一部無為觀道士以獻之朝事見唐王維賀表

尊號 歐陽修唐書本紀天寶七載五月壬午羣臣上 **皇建** 書洪範五皇極皇建其有極孔安國傳皇大極中也大中之道

大立其有 **混成** 老子有物混成先天地生寂兮寥兮獨立而不改周行而不殆可以為天下母中 吾不知其名字之曰道強為之名曰大河上公註謂道無形混沌而成萬物乃

在天地之 **聖祖** 唐會要乾封元年三月二十日追尊老君為太上元元皇帝至永昌元年却稱前 老君神龍元年二月四日依舊號太上元元皇帝天寶二年正月十五日加號

太上元元皇帝為大聖祖元元皇帝八載閏六月十五日加號為大聖祖 **元化** 張華詩先王統大道元元皇帝十三年二月七日加號大聖高上大道金闕元元皇帝 大業元化漸八

陰隲 書洪範惟天陰隲下民孔安國 傳隲定也不言而默定下民 **龐眉皓髮** 後漢書劉寵傳山陰縣有五老

出章懷太子註龐雜 **入昴** 見十一卷 **馭風** 莊子列子御風而行泠然 **龍躍平津** 也老者眉雜白黑也 五老註 善也旬有五日而後反

晉書初吳之未滅也斗牛之間常有紫氣道術者皆以吳方強盛未可圖也惟張華以為不然及吳平之後紫氣愈明華聞豫章人雷煥妙達緯象乃要煥宿屏人曰可共尋天文知將來吉凶因登樓

仰觀煥曰僕察之久矣惟斗牛之間頗有異氣華曰是何祥也煥曰寶劍之精上徹于天耳華曰在何郡煥曰在豫章豐城華曰欲屈君為宰密共尋之可乎煥許之華大喜即補煥為豐城令煥到縣

掘獄屋基入地四丈餘得一石函光氣非常中有雙劍並刻題一曰龍泉一曰太阿其夕斗牛間氣不復見焉煥以南昌西山北巖下土以拭劍光芒豔發大盆盛水置劍其上視之者精芒炫目遣使

送一劍并土與華留一自佩或謂煥曰得兩送一張公豈可欺乎煥曰本朝將亂張公將受其禍此劍當繫徐君墓樹耳靈異之物終當化去不永為人服也華得劍寶愛之常置坐側華以南昌土不

如華陰赤土報煥書曰詳觀劍文乃干將也莫邪何復不至雖然天生神物終當合耳因以華陰土一斤致煥煥更以拭劍倍益精明華誅失劍所在煥卒子華為州從事持劍行經延平津劍忽于腰

間躍出墮水使人沒水取之不見劍但見兩龍各長數丈蟠縈有文章沒者懼而反須臾光彩照水波浪驚沸於是失劍華嘆曰先君化去之言張公終合之論此其驗乎

鳧飛

葉縣後漢書王喬者河東人也顯宗世為葉令喬有神術每月朔望常自縣詣臺朝帝怪其來數而不見車騎密令太史伺望之言其臨至輒有雙鳧從東南飛來于是候鳧至舉羅張

之但得一雙為焉乃詔上方診視則殊庭漢書郊祀志上親禪高里祠后土臨勃海將以望祀蓬萊之屬幾至殊庭焉師古註殊庭蓬萊中仙人庭

也 韶濩雲咸蔡邕獨斷五帝三代樂之別名黃帝曰雲門顓頊曰六莖帝嚳曰五英堯曰咸池舜曰大韶夏曰大夏殷曰大濩周曰大武 九奏

初學記凡樂作謂之奏九奏乃終謂之九成孔穎達尚書正義成謂樂曲成也鄭云成猶終也每曲一終必變更奏故經言九成傳言九奏周禮謂之九變其實一也 八音晉書金石

龍革絲竹土木 翠鳳用列仙傳 朱鷺陸璣詩疏威王時有朱鷺合沓飛翔而來舞舊鼓吹朱鷺曲是也 寶圖徐陵文帝

登祚尊皇太后詔復子明辟還承寶圖 無疆之休商書實萬世無疆之休 庶績虞書庶績咸熙 休徵出尚書洪範孔安國

傳休徵美行之驗也

賀元元皇帝見真容表

臣維言伏見中書門下奏上黨郡奏啓聖祖大道元

元皇帝玉石真容主上聖容今月十五日三元齊開

光明其日戌後道士陳希玉等十三人同朝禮見內

殿有光非常照耀及開殿門其光彌盛滿堂如晝久之方散其時檢校官及押官等皆共瞻覩者臣聞仙祖行化真氣臨關聖人降生祥光滿室固知仙聖必有景光伏惟開元天地大寶聖文神武應道皇帝陛下大道爲心上元同體挾風雲之質敬想猶龍寫日月之儀欽承大象仍廻舊邸以奉清都真容聖容旣明四日照殿照室忽類三光藥宮自明初謂上天無夜桂殿如晝還疑就日而朝琪樹韜華瑤池奪暎實由陛下宏敷本際大啓元宗明君潤色于真源聖祖和光于帝載表文明之在御六合以清知臨照之無疆億載多慶臣等限以留司不獲隨例抃舞無任踴躍喜慶之至

上黨郡

唐書地理志潞州上黨郡屬河東道

玉石真容

唐會要天寶元年正月七日陳王府參軍田同秀上言元皇帝降于丹鳳門之通

衢告賜靈符在尹喜之故宅上遣使就函谷故關尹喜臺而得之于是置元元皇帝廟于大寧坊西南角東都置于積善坊臨淄舊邸廟初成命工人于太白山砥石為元元皇帝聖容又採白石為元

宗聖容侍立于元元皇帝之右衣以王者袞冕之服 三元 唐六典齋有七名其四曰三元齋註云正月十五日天官為上元七月十五日地官為中元十月十五日水官為下元皆法身

自讎讐罪 檢校官 杜氏通典神龍二年三月又置員外官二千餘人于是遂有員外檢校試攝判知之官攝者言勅攝非州府板署之命檢校者云檢校某官判官者

云判某官事知者云知某官事皆是詔除而非正命 真氣 水經註老子西出關關令尹喜候氣知真人將有西遊者遇老子強令之著書耳不得已為著道德二經 祥光

宋書符瑞志光武皇帝父為濟陽令濟陽有武帝行宮常封閉哀帝建平元年十二月甲子日光武將產乃開而居之時有赤光室中盡明皇考異焉南史宋高祖武皇帝諱裕字德興以晉哀帝興寧

元年歲在癸亥三月壬寅夜生神光照室盡明宋世祖孝武皇帝諱駿字休龍文帝第二子也元嘉七年八月庚午夜生有光照室魏書高祖孝文皇帝諱宏獻文皇帝之太子也皇興元年八月戊申

生于平城紫宮 猶龍 史記孔子謂弟子曰鳥吾知其能飛魚吾知其能遊獸吾知其能走走者神光照室可以為網遊者可以為綸飛者可以為鱗至于龍吾不能知其乘風雲而

上天吾今日見老子其猶龍乎 清都 列子王實以為清都紫微鈞天廣樂帝之所居 藥宮 真靈位業圖有太和殿寥陽殿藥珠宮 桂殿 沈約詩恩

暢蘭席歡 就日 用帝堯就之如日事 琪樹 孫綽游天台賦琪樹璀璨而垂珠呂延濟註琪樹玉樹也 瑤池 穆天子傳天子

池之上集仙錄九層元室紫翠丹房左帶瑤池右環翠水 宏敷 宏大也敷布也 帝載 尚書有能奮庸熙帝之載出周書君牙篇

賀神兵助取石堡城表

臣維等言伏奉中書門下牒伏見絳郡太平縣百姓
王英杞狀稱去載七月於萬春鄉界頻見聖祖空中
有言曰我以神兵助取石堡城當時具經郡縣陳說
並有文狀申奏訖今載正月又于舊處再見云我昔
于梓州威洞造一龕尊像在獨坐山東北公成山左
側年代已遠其處傾陷像在土中可報吾孫令人往
取斯乃蒼生之福國祚無疆者近奉進止差直省往
彼求覓昨見梓潼郡奏稱去年某月二十六日郡縣
官吏并道士父老百姓等一千餘人與直省李萬德
依此尋求其日諸山盡皆晴朗惟公成山上雲霧暗
合遍尋不知所在遂結壇齋戒祈請經宿至二十七
日辰時有五色雲見于霧合之處遂卽分人子細尋

覓乃見山半腹有少土傾處其上竹樹非常蒙密并見一石角出土一寸便穿掘深三尺已來乃是一石龕龕中有尊像一左右真人六并師子崑崙各二遂以水洗沃儀相儼然事實吐符並如真誥其石龕重大非人力所能運轉今于龕上造屋宇便差精誠道士三人專修香火供養謹畫圖奉進者臣聞元德升聞與至降監必錫靈貺彰厥有成不秘祥符昭其克享伏惟開元天地大寶聖文神武應道皇帝陛下以道理國以奇用兵先天而法自然終日不離輜重故得仙君居九霄之上屢降中州聖祖在千古之前還臨後葉視之不見者今見聽之不聞者今聞仍敕神兵以助王旅天丁力士潛結鸛鵝星劍雲旗暗克貔

虎遂殲逆命之虜果屠難拔之城加以言必有徵德
無不報指尊像之所在爲寶祚之休徵周流六虛言
于晉而驗于蜀混成一氣出于有而入于無未達齋
心初迷三里之霧旣符真氣俄成五色之雲山腹洞
開仙容儼若萬物今覩千劫未逢昔河啓綠圖綠顧本作
錄非是今
校正山輸元女尙謂得天之助藏爲受命之符况真誥
人聞聖容神造照臨下土不住大羅之天保佑羣生
爰啓小有之洞實感明主縮地而來豈比漢時乘空
而去元后欽崇之福遠至邇安聖祖昭報之心天長
地久臣等限以留司不獲隨例抃舞不勝踴躍喜慶
之至

石堡城

劉昫唐書本紀天寶八載六月隴右
節度使哥舒翰攻吐蕃石堡城拔之

太平縣

唐書地理志河東道
絳州絳郡有太平縣

獨坐

山

太平寰宇記獨坐山在梓州射洪縣東南二十五里周回一里高一百丈卓然孤峻南枕涪梓二水一統志獨坐山在射洪縣東南二十里射洪涪江左右合流此山卓然孤立故名

崑崙

唐人多以蠻人為奴謂之崑崙劉昫唐書南蠻傳自林邑以南皆拳髮黑身通號為崑崙

元德

釋典元德升聞乃命以位孔安國傳元謂幽潛潛行道德升聞

天朝遂見

以奇用兵

老子以正治國以奇用兵

法自然

見十一卷

不離輜重

老子重為

輕根靜為躁君是以聖人終日行不離輜重河上公註輜靜也聖人終日行道不離其靜與重也離音利

鶴鵝

左傳丙戌與華氏戰于楮邱鄭翻願為鶴其御願為鵝杜預註鶴鵝皆陣

名

貔虎

牧誓勗哉夫子向桓桓如虎如貔如熊如羆于商郊

周流六虛

借用周易繫詞句

出有入無

孫綽遊天

台山賦騁神變之揮霍忽出有而入無

二里霧

後漢書關西人裴優亦能為三里霧

劫

魏書道家稱劫數頗類佛經其延康龍漢赤明開皇之屬皆其名也及其

劫終稱天地俱壞

綠圖

淮南子洛出丹書河出綠圖高誘註黃帝云夢見兩龍挺白圖即帝以授于河之都天老曰天其授帝圖乎黃帝乃齋河洛之間至于翠嬌泉大盧魚折溜而

至汎白圖蘭采朱文以授黃帝舒受之故曰綠圖

元女

桓麟西王母傳黃帝討蚩尤之暴威所未禁而蚩尤幻變多方徵風召雨吹煙噴霧師衆大迷帝歸息太山之阿昏然憂寢王

母遣使者被元狐之裘以待授帝曰太一在前天一在後得之者勝戰則克矣佩符既畢王母乃命一婦人人首為身謂帝曰我九天元女也授帝以三宮五意陰陽之略太一遁甲六壬步斗之術陰

符之機靈寶五符五勝之文遂克蚩尤于中冀龍魚河圖黃帝攝政蚩尤兄弟八十一人並獸身人語銅頭鐵額食沙石造兵仗刀戟大弩威震天下誅殺無道不仁不慈萬民欲令黃帝行天子事黃

帝仁義不能禁止蚩尤遂不敵帝仰天而嘆天遣元女下授兵信神符而令制伏蚩尤歸臣帝因使鎮兵以制八方

元后

元后大君也見大禹謨

欽崇

商書欽崇

天道

遠至邇安

左傳怨思以明德則令各載而行之是以遠至邇安

天長地久

老子天長地久天地所以能長且久者以其不自生

故能
長生

門下起赦書表

伏奉制書如右好生之德洽于人心奉天之時以行
春令體元作則惟聖裁成伏惟乾元大聖皇帝陛下
道凝庶績功深廣運極孝敬於至誠致雍和於允穆
狹其祝網陋彼畫衣寧失不經況乎輕繫大赦戮餘
之罪益寬流宥之典人謂無寃何如捨而不問殺而
有禮豈若至于無刑加以親減庶羞無祭肺之膳下
除冗食贍餬口之人買犢設□藏彼無歸之骨歲取
畝收本乎盍徹之稅巨猾止于一惡貧人免于十夫
思折券者寬其暴征嘗書勳者賞其宿負道德齊禮
成其有恥之心悔咎思愆開其自新之路道之一變

將使比屋可封守在四夷庶夫外戶不閉風俗忠厚禮讓興行六府孔修萬代永賴臣等忝居門下不任鳧藻抃躍之至

赦書 唐書肅宗本紀上元元年三月丙子降死罪流以下原之二年正月甲寅降死罪流以下原之 **好生** 虞書大禹謨好生之德洽于民心 **春令**

月令仲春之月命有司省囹圄去桎梏毋肆掠止獄訟 **體元** 東都賦體元立制繼天而作杜預左傳註凡人君即位欲其體元以居正 **尊號** 唐書肅宗本紀乾元

二年正月己巳羣臣上尊號曰乾元大聖光天文武孝感皇帝今云乾元大聖皇帝當是闕文 **雍和** 後漢書后紀述敘平生雍和終日 **允穆** 南史陳武帝紀百揆

時序四門 **畫衣** 漢書刑法志有虞氏之時畫衣冠異章服以為戮而民弗犯 **不經** 虞書與其殺不辜寧失不經孔安國傳寧失不常之罪不枉不辜之善

流宥 虞書流宥五刑孔安國傳宥寬也 以流放之法寬五刑 **無刑** 虞書刑期于無刑民協于中 **庶羞** 周禮羞用百二十品鄭康成註羞出于牲

及禽獸以備滋味謂之庶羞公食大夫禮內則下大夫十六上大夫二十其物數備焉天子諸侯有其數而物未得盡聞史記口甘五味為之庶羞酸鹹以致其美曹子建詩樂飲過三爵緩帶傾庶羞

李周翰註庶羞眾味也 **祭肺** 禮記歲凶年穀不登君膳不祭肺鄭康成註禮食殺牲則祭先有虞氏以首夏后氏以心殷人以肝周人以肺不祭肺則不殺也 **餽**

口 左傳而使餽其口于四方孔穎達正義說文云餽寄食也以此傳言餽口四方故以寄食言之昭七年傳云饘于是鬻于是以餽余口釋言云餽饘也則餽是饘鬻別名今人以薄鬻塗物謂

之餽紙餽帛則餽者以鬻食口之名故云餽其口也 **巨猾** 東京賦巨猾聞聲竊弄神器 **十夫** 南史郭原平父亡自賣十夫以供眾費葬畢詣所買主執役無懈與諸奴

分務讓逸取勞主人不忍使每遣之原平服勤未嘗
暫替吳達之嫂亡無以葬自賣為十夫客以營冢棹守在四夷淮南子天子得道守在四夷外戶

不閉禮運故外戶而不閉是謂大同孔穎達正義外戶者扉從外闔也不閉者不用關閉之也重門擊柝本禦暴客既無盜竊亂賊則戶無俟于閉也但為風塵入寢故設扉耳無所捍

拒故從外六府虞書水火金木土穀惟修六府三事允洽萬世永賴時乃功鳧藻後漢書杜詩傳將相和睦士卒鳧藻章懷太子註言其和睦歡悅如鳧之

戲于水藻也顏延年詩鳧藻馳目成呂延濟註如鳧鳥得水草歡躍而進也庾信賀平鄴都表臣忝竊榮幸蒞政東藩不獲躬到闕庭預觀大慶不勝鳧藻踴躍之至

謝除太子中允表

臣維稽首言伏奉某月日制除臣太子中允詔出宸
衷恩過望表捧戴惶懼不知所裁臣聞食君之祿死
君之難當逆胡干紀上皇出宮臣進不得從行退不
能自殺情雖可察罪不容誅伏惟光天文武至聖皇
帝陛下孝德動天聖功冠古復宗社於墜地救塗炭
於橫流少康不及君親光武出于支庶今上皇返正
陛下御乾歷數前王曾無比德萬靈抃躍六合歡康

仍開祝網之恩免臣釁鼓之戮投書削罪端祗立朝
穢汗殘骸死滅餘氣伏謁明主豈不自愧于心仰廁
羣臣亦復何施其面跼天內省無地自容且政化之
源刑賞為急陷身凶虜尚沐官榮陳力興王將何寵
異況臣夙有誠願伏願陛下中興逆賊殄滅臣即出
家修道極其精勤庶裨萬一頃者身方待罪國未書
刑若慕龍象之傳是避魑魅之地所以鉗口不敢萌
心今聖澤含宏天波昭洗朝容罪人食祿必招屈法
之嫌臣得奉佛報恩自寬不死之痛謹詣銀臺門冒
死陳請以聞無任惶恐戰越之至

太子中允

唐書百官志太子中允二人正五品下

不知所裁

陸機謝平原內史表拜授祗竦不知所裁李周翰註裁制也

尊

號

唐書肅宗本紀乾元元年正月戊寅上皇天帝御宣政殿授皇帝傳國受命寶符冊號曰光天文武大聖孝感皇帝

橫流

傅亮修張夏廟教夷項定漢大拯橫流呂向註橫流

謂亂也。少康左傳昔有過澆殺斟灌以伐斟鄩滅夏后相后緡方娠逃出自竇歸于有仍生少康焉為仍牧正蒸澆能戒之澆使椒求之逃奔有虞為之庖正以除其害虞思于是妻

之以二姚邑諸綸有田一成有衆一旅能布其德而兆其謀以收夏衆撫其官職使女艾諜澆使季杼誘豷遂滅過戈復禹之績祀夏配天不失舊物。光武後漢書世祖光武皇

帝高祖九世之孫也出自景帝生長沙定王發發生春陵節侯買買。萬靈封禪書其後黃帝接萬靈明庭。豐

生鬱林太守外生鉅鹿都尉回回生南頓令欽欽生光武。鼓左傳君之惠不以纍巨鼙鼓杜預註殺人以血塗鼓謂之鼙鼓。跼天陸機謝平原內史表跼天踣地若無所容劉良註跼曲也。興王南史運屬興王依光

日月龍象大般若經是諸菩薩行深般若波羅蜜多是人中龍象翻譯名義摩訶那伽大論云那伽或名龍或名象是五千阿羅漢諸羅漢中最大力以是故言如龍如象水行中

龍力最大陸行中象力最大。魑魅左傳舜臣堯賓于四門流四凶族渾敦窮奇檮杌饕餮投諸四裔以禦魑魅杜預註裔遠也放之四遠使當魑魅之災魑魅山林異氣所生為害人

者。鉗口淮南子鉗口而不以言委心而不以慮陸機謝平原內史表鉗口結舌不敢上訴所天。天波陸機謝平原內史表塵洗天波謗絕衆口張銑註天

波喻天子恩澤。屈法邱遲與陳伯之書主上屈法申恩吞舟是漏。銀臺門按唐大明宮圖有左銀臺門右銀臺門

謝集賢學士表

朝議大夫試太子中允臣維稽首言伏奉今月十八

日敕令臣克集集賢殿學士擢及無能恩加非望抃躍

慙懼不知所裁且謂之集賢非賢莫集固當宣其五

德列在四科逖聽衆推方紆聖鑒臣抽毫作賦非古
詩之流挾策讀書無專經之業伏惟陛下文思超前
哲之后書契踰畫卦之君龜圖不能比其詞龍甲不
足究其義聞相如在蜀畏不同時徵枚乘于齊惜其
已老急賢之旨欲賜追鋒如臣不才豈宜濫吹將何
以編次漆簡刊定石經東堂賦詩將招不成之罰北
面待詔必無善對之才以榮爲憂席寵知懼無任感
恩踴躍戰越之至謹詣延英門陳謝以聞

集賢學士

唐六典集賢院學士掌刊輯古今之經籍以辨明邦國之大典而備顧問應對
凡天下圖書之遺逸賢才之隱滯則承旨而徵求焉其有籌策之可施于時著

述之可行于代者較其才藝考其學術而申表之凡承旨撰集文章校理經籍月終則進課于內歲
終則考最于外唐書百官志開元十二年改麗正修書院爲集賢殿書院五品以上爲學士六品以

下爲直學士

朝議大夫

唐六典凡敘階二十有九正五品下曰朝議大夫註云漢班儀大夫
以上得奉朝議則其義也隋文帝置朝議大夫爲從三品散官

五德

新論五德者智
信仁勇嚴也

四科

後漢書方術傳才兼四科行包九德漢官儀曰建初八年十二
月己未詔書辟士四科其一曰德行高妙志節清白二曰經明

行修能任博士三曰明曉法律足以決疑能案覆問才任御史四曰剛毅多略遭事不
惑明足照奸勇足決斷才任三輔令皆有孝弟清公之行自今以後審四科辟召

司馬相如封禪書率邇者踵武
逃聽者風聲徐廣註逃遠也
古詩之流
詩序曰詩有六義二曰賦故賦為古詩之流也李善註毛

挾策讀書
莊子問臧奚事則挾策讀書
專經
南史王儉傳宋孝武好文章天下悉以文采相尚莫以專經為業

文思
尙書
欽明文思孔穎達正義鄭元云經緯天地謂之文慮深通敏謂之思
畫卦
禮含文嘉伏羲德洽上下始畫八卦三皇本紀太皞庖犧氏始畫八卦以通神明之德以類萬物之情造

書契以代
龜圖
龍魚河圖堯時與羣臣賢智到翠嬌之川大龜負圖來授堯堯救臣下寫取告瑞符應寫畢龜還水中
龍甲
尙書中候堯時龍馬銜甲赤文

綠色臨壇上甲似龜廣袤九尺圓理平上五色
文有列星之分斗政之度帝王錄紀之數
相如
見八卷長卿註中

名及即位乘年老乃以安
追鋒
裴松之三國志註傳暢晉諸公贊曰帝常與中護軍司馬望侍車蒲輪徵乘道死
中王沈散騎常侍裴秀黃門侍郎鍾會等講宴于東堂并屬文

論名秀為儒林丈人沈為文籍先生望會亦各有名號帝性急請召欲速秀等在內
職到得及時以望在外特給追鋒車虎賁卒五人每有集會望輒奔馳而至
濫吹
江淹詩更

以畏友朋濫吹乖名實李善註韓子曰齊王使人吹竽南郭處士請為王吹竽粟食與三
百人等宣王死文王即位一一聽之處士乃逃或云韓昭侯嚴使一一聽之乃知濫也
漆簡

晉書太康二年汲郡人不準盜發魏襄王墓或言安釐王冢得竹書數十車其紀年十三篇記夏以
來至周幽王為犬戎所滅以事接之三家分仍述魏事至安釐王之二十年蓋魏國之史書大略與

春秋皆多相應其中經傳大異則云夏年多殷益于啓位啓殺之太甲殺伊尹文丁殺季歷自周受
命至穆王百年非穆王壽百歲也幽王既亡有共伯和者攝行天子事非二相共和也其易經二篇

與周易上下經同易絲陰陽卦二篇與周易略同絲辭則異卦下易經一篇似說卦而異公孫段二
篇公孫段與邵陟論易國語三篇言楚晉事各三篇似禮記又似爾雅論語師春一篇書左傳諸卜

寇師春似是造書者姓名也瑣語十一篇諸國卜夢妖怪相書也梁邱藏一篇先敘魏之世數次言邱藏金玉事繳書二篇論弋射法生封一篇帝王所封大曆二篇鄰子談天類也穆天子傳五篇言

周穆王遊行四海見帝臺西王母圖詩一篇書贊之屬也又雜書十九篇周食田法周書論楚事周穆王美人盛姬死事大凡七十五篇七篇簡書折壞不識名題漆書皆科斗字初發冢者燒策照取

寶物及官收之多燼簡斷札文既殘缺不復詮次武帝以其書付秘書校綴次第尋考指歸而以今文寫之東晉在著作得觀竹書隨疑分釋皆有義證

石經後漢書盧植傳時始立太學石經以正五經文字又儒林傳熹平四年靈帝乃詔諸儒正定五經刊于石碑為古文篆隸三體書法以相參檢樹之學門使天下咸取則焉

東堂賦詩晉書李密遷漢中太守賜錢東堂詔普令賦詩不成之罰南史梁武帝招延後進二十餘人置酒賦詩臧盾以詩不成罰酒一斗盾飲盡顏色不變言笑自若

席寵周書畢命茲殷庶士席寵惟舊延英門唐六典大明宮宣政殿之左曰東上閣右曰西上閣次西曰延英門

謝御書集賢院額表

臣維言伏奉今月某日聖札題集賢殿御書院額捧戴抃舞不知所裁竊以先聖微言前王令典所以興行禮義訓正人倫顧逆胡兇頑不識經籍恣行毀裂有甚焚燒伏惟陛下御極統天功成理定愍其墜簡旁搜古壁發求書之使置寫書之官于是九流百家

韋編緇帙爛然虎觀盛彼鴻都加以親重儒門將爲
教首俯題金榜自運銀鈎龍鳳翔于烟雲日月照于
天地曾無以諭誰敢強名況乎方丈之書七分入木
仲將虛爲白首羲之枉在墨池將使率土之人知陛
下寵茲書府普天之下敷陛下敦彼儒風政化之源
實始于此臣忝編次漆簡刊校石經載光載輝誠歡
誠喜

集賢院

唐六典註今上卽位大收羣書以廣儒術洎開元五年于乾元殿東廊下寫四部書以充內庫令右散騎常侍褚無量秘書監馬懷素總其事置刊定官四人以一人判

事其後因之六年駕幸東京七年于麗正殿安置爲修書使褚馬既卒元行沖爲使尋以張說代之十二年駕幸東都于命婦院安置十三年召學士張說等宴于集仙殿于是改名集賢殿改修書所爲集賢殿書院五品以上爲學士六品以下爲直學士

令典

晉書褒德顯仁前王令典

功成理定

樂記王者功成作樂治定制禮鄭康成註

功成治定同時耳功主于王業治主于教民

古壁

漢書魯恭王壞孔子宅欲以爲宮而得古文于壞壁之中逸禮有三十九篇書十六篇

發求書

之使置寫書之官

漢書藝文志漢興改秦之政大收篇籍廣開獻書之路迄孝武世書缺簡脫禮壞樂崩聖上喟然而稱曰朕甚閔焉于是建藏

書之策置寫書之官下及諸子傳說皆充秘府至成帝時以書頗散亡使謁者陳農求遺書于天下

九流 後漢書張衡傳劉向父子領校秘書閣定九流章懷太子註九流謂儒家

道家陰陽家法名家墨家縱橫家雜家農家

百家 漢書武帝紀罷黜百家表章六經師古註百家謂諸子雜說違背六經後漢書伏湛傳詔無忌與議即黃景校定中書五經諸

子百家藝術章懷太子註藝文志曰諸子凡一百八十九家言百家舉其成數也 **韋編** 漢書孔子晚而好易讀之韋編三絕而為之傳師古曰編所以聯次簡也 **緗帙**

昭明太子文選序飛文染翰則卷盈乎緗帙呂向註緗淺黃色也帙書衣也 **虎觀** 後漢書章帝紀于是下太常將大夫博士議郎郎官及諸生諸儒會白虎觀講議五經同異使

使五官中郎將魏應承制問侍中淳于恭奏帝親稱制臨決如孝宣甘露石渠故事作白虎議奏又丁鴻傳肅宗詔鴻與廣平王羨及諸儒樓望成封桓郁賈逵等論定五經同異于北宮白虎觀章懷

太子註白虎門名于門立觀因以名之焉又儒林傳建初中大會諸儒于白虎 **鴻都** 後漢書蔡邕傳光和元年置鴻都門學畫孔子及七十二弟子像其諸生皆勅州郡三公

舉用辟召或出為刺史太守入為尚書侍中乃有封侯賜爵者 **金榜** 梁元帝詩玉題書仙篆金榜燭神光

銀鈎 晉書蓋草書之為狀也宛若銀鈎漂若驚鸞 **方丈之書** 晉書王獻之嘗書壁為方丈大字羲之甚以為能法書要錄師宜官後漢不知何許

人何官能為大字 **入木** 筆勢傳晉成帝時祀北郊更祝 **仲將** 晉書魏時陵雲殿榜未題而匠字方一丈版工人削之羲之筆入木七分者誤釘之不可下乃使韋仲將

懸磴書之比訖鬚鬢盡白裁餘氣息還語子弟宜絕此法書斷韋誕字仲將京兆人官至侍中伏膺于張芝兼邯鄲淳之法諸書並善尤精題署明帝時凌雲臺成令誕題榜高下異好宜就加點正因

致危懼鬚鬢皆白既以下 **墨池** 太平實字記墨池王右軍洗硯池也并舊宅在蕺山下去會稽戒子孫無為大字楷法 縣二里餘太平實字記撫州臨川縣有王右軍故宅荀伯子臨

川記云王羲之嘗為臨川內史置宅于郡東高坡名曰新城傍臨迴溪特據層阜其地爽塏山川如畫今舊井及墨池猶存方輿勝覽紹興府戒珠寺本王羲之故宅門外有二池曰墨池鵝池

王右丞集卷之十六

王右丞集卷之十七

仁和趙殿成松谷箋註

表九首

爲薛使君謝婺州刺史表

臣某言伏奉今月日制除臣某官拜命若驚稽首無地臣聞洪波退流必盪其溷穢慶雲所潤不遺於荆棘伏惟陛下孝悌之至通于神明馨香之德格于天地故指旗而黑衽旋靜揮戈而白日再中豈臣蟲臂鼠肝所能談天述聖臣之本末強欲自陳擢髮數罪臣戮餘也剖心自明天知之矣臣素書生少爲文吏折衝禦侮幾何不亡奉法守文一日之長當賊逼溫洛兵接河潼拜臣陝州催臣上道驅馬才至長圍已

合未暇施力旋復陷城戟枝又頭刀環築口身關木
索縛就虎狼臣實驚狂自恨駑怯脫身雖則無計自
刃有何不可而折節兇頑偷生廁溷縱齒盤水之劍
未消臣惡空題墓門之石豈解臣悲今于抱釁之中
寄以分憂之重且天兵討賊曾無汗馬之勞天命興
王得返屠羊之肆免其釁鼓之戮仍開祝網之恩臣
縱粉骨糜軀不報萬分之一況褰帷露冕是去歲之
縲囚洗垢滌瑕爲聖朝之岳牧臣欲殺身滅愧刎首
謝恩生無益于一毛死何異于腐鼠謹當閉閣以思
政酌泉以勵心親畢力于平人無煩八部誓不負于
明主非畏四知用釋愆誅敢求課最

婺州

唐書地理志江南東道有婺州東陽郡

慶雲

曹植上責躬應詔詩表不別荆棘者慶雲之惠也七子均養者鳴鳩之仁也劉良註言慶雲陰物不分荆棘蘭桂而

覆之
孝悌
孝經孝悌之至 通于神明
馨香
尚書君陳至治馨香感于神明黍稷非馨明德惟馨
黑祲
左傳吾見赤黑之祲 杜預註祲妖氛也

揮戈
淮南子魯陽公與韓構難戰酣日暮 援戈而擣之日爲之反三舍
蟲臂鼠肝
莊子以汝爲鼠肝乎 以汝爲蟲臂乎
擢髮

數罪
史記須賈頓首言死罪范雎曰汝罪有幾 曰擢賈之髮以續賈之罪尙未足
戮餘
左傳若棄書之力而思繫之罪臣戮 餘也將歸死于尉氏不敢還矣

剖心
李陵報蘇武書陵不難刺 心以自明勿頸以見志
折衝
家語其守也則必折衝千里之外其征也則必還師 枕席之上呂氏春秋夫修之于廟堂之上而折衝乎

千里者其司城子罕之謂乎高誘註衝車所以衝突敵之軍能陷破之也
禦侮
毛萇詩傳武臣 折衝曰禦侮孔

穎達正義云禦侮者有武力之臣能折止敵人 之衝突者是能扞禦侮故曰禦侮也
溫洛
述征記洛水底有礬石故上無冰人謂之 溫洛又易乾鑿度帝威德之應洛水先溫

九日乃寒五日變爲五色元黃文心彫龍縈河溫洛是孕圖緯任昉九日待宴 樂遊苑詩時來濁河變瑞起溫洛清皆指洛水而言右丞則借用爲洛陽解矣
河潼
按通鑑天 寶十四載

十二月祿山陷東京封常清戰敗帥餘衆至陝知不可守與高仙芝西趨潼關賊尋至官 軍狼狽走無復部伍士馬相騰踐死者甚衆至潼關修完守備賊至不得入而去
陝州

唐書地理志河南道有陝州陝郡本宏農郡義 寧元年置武德元年曰陝州天寶元年更郡名
戟枝叉頭
裴松之三國志註舊制三公領 兵入見皆交戟叉頭而前

刀環築口
三國志諸葛恪圍合肥新城城中遣士鄭像出城傳消息或以語恪恪遣馬騎 尋圍跡索得像還四五人的頭面縛將繞城表勅語像使大呼言大軍已還洛

不如早降像不從其言更大呼城中曰大軍近在圍外壯士努力賊以刀築其口使不得言像遂大 呼令城中聞知像爲兵能守義執節子弟宜有差異詔追賜像爵關中侯除士名使子襲爵北齊書

祖珽傳以刀環 築口鞭杖亂下
水索
漢書司馬遷傳其次關木索被筆楚受辱 張銑註關木杻械索繩也以拘縛之也
盤水之劍
漢書故其 在大體大

何之域者聞謹何則白冠鞶纓盤水加劍造請室而請罪耳上不執縛係引而行也如淳註水性平若已有正罪君以平法治之也加劍當以自刎也或曰殺牲者以盤水取頸血故示若此也

墓門之石

西京雜記杜子夏葬長安北四里臨終作文曰魏郡杜鄴立志忠款犬馬未陳奄先草露骨肉歸于后土氣魂無所不之何必故邱然後即化封于長安北郭

此焉宴息及死命刊石埋于墓側

抱覺

曹植上責躬應詔詩表臣自抱覺歸藩刻肌刻骨呂向註覺罪也

汗馬

漢書今臣愚驚無汗馬之勞師古曰言未

嘗從屠羊肆

莊子楚昭王失國屠羊說走而從乎昭王昭王反國將賞從者及屠羊說屠羊軍旅曰大王失國說失屠羊大王反國說亦反屠羊臣之爵祿已復矣又何賞之

有王曰強之屠羊說曰大王失國非臣之罪故不敢伏其誅大王反國非臣之功故不敢當其賞王曰見之屠羊說曰楚國之法必有重賞大功而後得見今臣之知不足以存國而勇不足以死寇吳

軍入郭說畏難而避寇非故隨大王也今大王欲廢法毀約而見說此非臣之所以聞天下也王謂司馬子綦曰屠羊說居處卑賤而陳義甚高子綦為我延之以三旌之位屠羊說曰夫三旌之位吾

知其貴于屠羊之肆也萬鍾之祿吾知其富于屠羊之利也然豈可以貪縲囚左傳兩釋縲囚爵祿而使吾君有妄施之名乎說不敢當願復反吾屠羊之肆遂不受也

縲囚

左傳兩釋縲囚以成其好杜預

岳牧

古有四岳十二牧孔安國書傳四岳即羲和之四子分掌四岳之諸侯故稱焉鄭康成禮記註每一州之中天子選諸侯之賢者以為之牧也周禮曰乃施典于邦國而

建其

後漢書竇憲傳國家然多瘴疫人情憚焉唯貧窶不能自立者求補長史

腐鼠

棄憲如孤雛腐鼠耳

故前後刺史皆多黷貨朝廷欲革嶺南之弊隆安中以吳隱之為廣州刺史未至州二十里地名石門有水曰貪泉飲者懷無厭之欲隱之既至語其親人曰不見可欲使心不亂越嶺喪清吾知之矣乃至泉所酌而飲之因賦詩曰古人云此水一飲懷千金試使夷齊飲終當不易心及在州清操踰厲

八部

世說王丞相為揚州遣八部從事之職顧和時為下傳還同時俱見諸從事各奏二千石官長得失至和獨無言王問顧曰卿何所聞答曰明公作輔寧使網漏吞舟何緣采聽風聞以為察察之政丞相咨嗟稱佳諸從事自視缺然也

四知

後漢書楊

震當之郡道經昌邑故所舉荊州茂才王密爲昌邑令謁見至夜懷金十斤以遺震震曰故人知君君不知故人何也密曰暮夜無知者震曰天知神知我知子知何謂無知密愧而出
最 晉書賀循舉秀才除陽羨令以寬惠爲本不求課最 **課**

爲崔常侍謝賜物表

臣某言總管關敬之至奉九月十五日敕吐蕃贊普公主信物金胡瓶等十一事伏蒙恩旨特以賜臣捧戴慚惶以抃以躍臣幸居無事待罪西門恭守嘉謨欽承成憲王師不戰無汗馬之勞堯屋可封何理人之有實無異効特降殊恩竊用勤以忘家志不顧命分膏草野以報萬一無任感戴戰越之至

總管 唐書百官志武德初邊要之地置總管以統軍加號使持節蓋漢刺史之任七年改總管曰都督開元天寶時無此官矣此所云總管者未詳其義 **吐蕃** 杜氏通典

吐蕃在吐谷渾西南不知有國之所由或云禿髮利鹿孤有子樊尼其主儁檀爲乞伏熾盤所滅樊尼率餘種依沮渠蒙遜其後子孫西魏時爲臨松郡丞與主簿皆得衆心因魏末中華擾亂招撫羣羌日以強大改姓爲窳勃野至今故其人號其主曰贊府貴臣曰主簿又或云始祖贊普自言天神所生號鸛堤悉補野因爲姓其國出鄯城五百里過烏海入吐谷渾部落彌多彌蘇毗及白蘭等

國至吐蕃界唐書吐蕃傳吐蕃本西羌屬蓋百有五十種散處河湟江岷間有發羌唐旄等然未始與中國通居析支水西祖曰鶻提勃悉野健武多智稍并諸羌據其地蕃發聲近故其子孫曰吐蕃而姓勃罕野或曰南涼禿髮利鹿孤之後二子曰樊尼曰俛檀俛檀嗣為乞佛熾盤所滅樊尼擊殘部臣沮渠蒙遜以為臨松太守蒙遜滅樊尼率兵西濟河逾積石遂撫有羣羌云 **贊**

普唐書吐蕃傳其俗謂強雄曰贊大夫曰普故號君長曰贊普 **公主**按劉昫唐書神龍三年四月辛巳以嗣雍王守禮女為金城公主出降吐蕃贊普景龍四年正月己卯幸

始平送金城公主歸吐蕃開元二十八年金城公主薨 **嘉謨**法言或問忠言嘉謨曰言合稷契謂之忠謨合皋陶謂之嘉 **成憲**商書監于先王成憲其永無愆

志不顧命後漢書馬皇后紀吾少壯時但慕竹帛志不顧命 **分膏草野**漢書蘇武傳空以身膏草野誰復知之

為畫人謝賜表

臣某言臣猥以賤伎得備衆工誤點屏風乏成蠅之巧偶持團扇無事特之能徒以職官不敢貳事顧惟時論有慚三絕伏惟皇帝陛下撥亂反正受命中興俯協龜圖傍觀鳥迹卦因于畫畫始生書知微知彰惟聖體聖臣奉詔旨令寫功臣運偶鳳翔之初無非鷹揚之士燕頷猿臂裂眚奮髯髮衝鶻冠力舉龍鼎

骨風猛毅眸子分明皆就筆端別生身外傳神寫照
雖非巧心審象求形或皆暗識妍蚩無枉敢顧黃金
取舍惟精時憑白粉且如日磬下泣知其孝思于禁
懷慚媿此忠節乃無聲之箴頌亦何賤于丹青宣父
之似臯繇元子之類越石不待或人之說無煩故妓
之言此又一奇誠爲可尙臣得舐筆麟閣繼踵虎頭
頻蒙獎教之恩益用精誠自勵勤以補拙雖未仙飛
感而遂通實因聖訓況賜衣服累問官資中使相望
屢加宣慰微臣戰灼無答恩私之至

事特

晉書王獻之桓溫嘗使書扇筆
誤落因畫作鳥駁犍牛甚妙

貳事

禮記王制凡執技以事上者不貳事不移官左
傳晉侯觀于軍府見鍾儀問其族對曰伶人也

公曰能樂乎對曰先父之職官也敢
有二事杜預註言不敢學他事也

三絕

晉書俗傳顧愷之有
三絕才絕畫絕癖絕

撥亂反正

後漢書陳
元傳陛下

撥亂反正
文武並用

鳥迹

水經註倉頡本鳥迹
爲字取其孳乳相生

知微知彰

出易經繫
詞

鳳翔

劉昫唐書肅宗
至德二載二月

幸鳳翔郡九月癸卯廣平王收西京十月
壬戌廣平王入東京癸亥上自鳳翔還京
鷹揚大雅惟師尚父時維鷹揚涼彼武王
猿臂

史記李廣為人長猿
臂其善射亦天性也
裂眦史記樊噲瞋目視項王頭髮上指目眦盡
裂眦淮南子荆軻西刺秦王

冠
奮髯漢書朱博
冠後漢書武冠俗謂之大冠環纓無髻以青系為緄加雙鵝尾豎

冠鷩冠紗縠單衣虎黃將虎文縞白虎文劍佩刀虎黃武騎皆鷩冠虎文
單衣鷩者勇雉也其鬪對一死乃止故趙武靈王以表武士秦施安焉

龍文赤鼎
猛毅淮南子剛強猛
瞳子分明劉孝標世說註嚴尤三將敘曰平原君勸

安君必將誰能當之者乎對曰淵池之會臣察武安君小頭而面銳瞳子白黑分明視瞻不轉小頭
而面銳者敢斷決也瞳子白黑分明者見事明也視瞻不轉者執志強也可與持久難與爭鋒廉頗

為人勇鷩而愛士知難而忍恥與之野戰
則不如持守足以當之王從其計

傳神寫照晉書顧愷之每畫人或數年不點
目睛人問其故答曰四體妍蚩本無

闕少于妙處傳神寫
照正在阿堵中

日碑漢書金日碑母教誨兩子甚有法度上聞而嘉之病死詔圖畫于甘
泉宮署曰休屠王闕氏日碑每見畫常拜向之涕泣然後乃去

于禁三國志太祖使曹仁討關羽于樊又遣于禁助仁秋大霖雨漢水溢平地水數丈禁等七
軍皆沒禁與諸將登高望水無所回避羽乘大船就攻禁等禁遂降惟龐惠不屈節而死

太祖聞之哀嘆者久之曰吾知禁三十年何意臨危處難反不及龐惠邪會孫權禽羽獲其衆禁復
在吳文帝踐祚權稱藩遣禁還帝引見禁鬚髮皓白形容憔悴泣涕頓首帝慰喻以荀林父孟明視
故事拜為安遠將軍欲遣使吳先令北詣鄴謁高陵帝使豫于
陵屋畫關羽戰克龐惠憤怒禁降服之狀禁見慙悲發病薨
宣父史記孔子適鄭與弟子相
失孔子獨立郭東門鄭人
或謂子貢曰東門有人其類似堯其項類皋陶其肩類子產然自腰以下不及禹三寸繫纆若
喪家之狗唐書禮樂志貞觀十一年詔尊孔子為宣父作廟于兗州給戶二十以奉之

子

晉書桓温字元子自以雄姿風氣是宣帝劉琨之儔于北方得一巧作老婢訪之乃琨妓女也一見温便濟然而泣温問其故答曰公甚似劉司空温大悅出外整理衣冠又呼婢問婢云面

甚似恨薄眼甚似恨小鬚甚似恨赤形甚似恨短聲甚似恨雌温于是褫冠解帶昏然而睡不怡者數日

越石

晉書劉琨字越石

虎頭

歷代名畫記顧愷之字長康小

字虎頭晉陵無錫人多才藝尤工丹青傳寫形勢莫不妙絕吳曾漫錄云世說顧愷之為虎頭將軍非小字也按晉書無此官世說亦無此語

仙飛

用顧愷之妙畫通靈變化而去事詳

見十二卷註

為曹將軍謝寫真表

臣某言天幸微臣身逢大聖得為列卒以備戎行於臣一生已為萬足況建旗為將裂組受官蒙推食之恩辱賜衣之寵匹夫之勇雖不顧身長策無聞未能盡敵仰慚介冑俯媿橐鞬加以弓不重于六鈞箭不穿于七札詎中雀目誠慙援臂以劉琨而恨小非關羽之絕倫何以廁跡虎臣儀形麟閣伏惟皇帝陛下昭格天地懸超七十二家微臣託附風雲不如二十

八將而蒙垂聖旨特命圖工畫植戟之黃鬚圖石稜之紫色才如過隙顧侯已得其神不待臨淄鄒子自知其醜豈可藏之祕府以示後人將謂飛龍之時無俟貔貅之士寵過其効力不稱恩願死藝於伏弑誓殺身于鳴轂無任感激欣戴之至

戎行

左傳下臣不幸屬當戎行

建旗

曹植詩願蒙矢石建旗東岳

裂組

江淹為蕭三讓揚州表深乃裂組遠故分珪

推食

賜衣

史記韓信曰漢王授我上將軍印予我數萬衆解衣衣我推食食我

盡敵

國語夫戰盡敵為上

六鈞

左傳顏高之弓六鈞杜預註顏高魯人三

十斤為鈞六鈞百八十斤古稱重故以為異強

七札

左傳潘阝之黨與養由基躡甲而射之徹七札焉以示王曰君有二臣如此何憂于戰王怒曰大辱國詰朝爾其死藝杜預註

言汝以射自多必當以藝死也

絕倫

蜀志關羽聞馬超來降舊非故人羽書與諸葛亮問超人才可誰比類亮知羽護前乃答之曰孟起兼資文武雄烈過人一世之傑隸彭之徒當與

益德並驅爭先猶未及髯之絕倫逸羣也羽美鬚髯故亮謂之髯

虎臣

魯頌矯矯虎臣在泮獻猷

七十一家

史記古者封太山禪梁父者七

十二 二十八將

後漢書中興二十八將前世以為上應二十八宿未之詳也然威能感會風雲奮其志勇稱為佐命亦各志能之士也永平中顯宗追感前世功臣

乃圖畫二十八將于南宮雲臺

石稜

世說劉尹道桓公鬚如反獬皮眉如紫石稜

臨淄

藝文類聚新序曰齊王聘田巴先生而將問政焉對曰政在正身正身之

本在于羣臣王召臣臣改制齋飾問于妾奚若妾愛臣諫臣曰佼臣臨淄水而觀然後自知醜惡也今齊之臣諫王者衆王能臨淄水見己之惡過而自改斯齊國治矣此云鄒子未詳
祕

府漢書藝文志下及諸子傳說皆充祕府晉書裴秀作禹貢地域圖十八篇奏之藏于祕府
飛龍易飛龍在天利見大人
貔貅晉書熊遠傳今順天

下之心命
死藝見本文七
伏弢左傳王召養由基與之兩矢使射呂錡中項伏弢以一矢復命杜預註弢弓衣也
鳴轂見六卷越

甲註

爲幹和尚進註仁王經表

沙門惠幹言法離言說了言說卽解脫者終日可言
法無名相知名相卽真如者何嘗壞相實際以無際
可示無生以不生相傳非夫自得性空密印心地見
聞自在宗說皆通者何以證玉毫之光辨金口之義
伏惟乾元光天皇帝陛下高登十地降撫九天宏濟
羣生濡蓮花之足示行世法屈金粟之身心淨超禪
頂法懸解廣釋門之六度包儒行之五常老僧空空

復何語語以無見之見不言之言淺智勝疑冰之蟲
微戒愈溺溼之象以自覺離念註先聖微言如人何
足盡思食木偶然成字人字疑是蟲字之訛豈堪上塵慧眼仰稱聖
心有命自天藏拙無地伏以集解仁王般若經十卷
謹隨表奉進無任慚惶然本註經先發大願釋第一
義開不二門與四十九僧離一百八句六時禪誦三
載懇祈俾廓妖氛得瞻慧日三千世界悉奉仁王五
千善神常衛樂土令果盪定無量安寧緇服蒼生不
勝慶躍

仁王經釋藏有仁王護國波若波羅蜜經二卷姚秦三藏鳩摩羅什譯沙門後漢紀佛教以修善慈心為主不殺生專務清淨其精者號為沙門沙門者漢言息

心蓋息意去欲而歸于無為也四十二章經辭親出家識心達本解無為解脫涅槃經有煩惱故名為繫縛無

煩惱故名為解脫僧肇維摩詰經註解脫者自在心法也得此解脫則凡所作為內行外應自在無礙翻譯名義心得自在不為不能所縛故曰解脫法無名相

佛報恩經法無言說如來以妙方便能以無名相法作名相說

真如

大般若經真如者謂諸法性非如愚夫異生所得亦非異

趣真實常無變易故名真如即此真如說為菩薩甚深般若波羅蜜多起信論心真如者即是一法

界大總相法門體所謂心性不生不滅一切諸法惟依妄念而有差別若離妄念則無一切境界之

相是故一切法從本已來離言說相離名字相離心緣相畢竟平等無有變異不可破壞惟是一心

故名真如以一切言說假名無實但隨妄念不可得故言真如者亦無有相謂言說之極因言遣言

此真如體無有可遣以一切法悉皆真故亦無可立以一切法皆同如故當知一切法不可說不可

念故名為真如成唯識論真如真謂真實顯非虛妄如謂如常表無變易謂此真實於一切位常如

其性故曰真如即是湛然不虛妄義亦言顯此復有

多名謂名法界及實際等如餘論中隨義廣釋

實際鳩摩羅什維摩詰經註始見其實謂之如轉深謂之性盡其邊謂之實際

宗鏡錄天台淨名疏云一法異名者諸經異名說真性實相或言一實諦或言自性清淨心或言如

來藏或言如如或言實際或言實相般若或言一乘或言即是首楞嚴或言法性或言法身如是等

種種異名此皆

宗說

楞伽經一切聲聞緣覺菩薩有二種通相謂宗通及說通宗通者謂緣自

是實相之異稱得勝進相遠離言說文字妄想趣無漏界自覺地自相遠離一切虛妄覺

想降伏一切外道眾魔緣自覺趣光明輝發是名宗通相云何說通相謂說九部種

種教法離異不異有無等相以巧方便隨順眾生如應說法令得度脫是名說通相

玉毫大般若經如來眉間有白毫相右旋柔軟如觀羅綿鮮白

初獲聖性具證二空能益自他生大喜故二離垢地具淨尸羅遠離能起微細毀犯煩惱垢故三發

光地成就勝定大法總持能發無邊妙慧光故四焰慧地安住最勝菩提分法燒煩惱薪慧焰增故

五極難勝地真俗兩智行相互違合令相應極難勝故六現前地住緣起智引無分別最勝般若令

生長故名爲地樛嚴經是善男子於大菩提善得通達覺通如來盡佛境界名歡喜地異性入同同性亦滅名離垢地淨極明生名發光地明極覺滿名發慧地一切同異所不能至名難勝地無爲真如性淨明露名現前地盡真如際名遠行地一真如心名不動地發真如用名善慧地是諸菩薩從此已往修習畢功德圓滿亦目此地名修習位慈陰妙雲覆溼槃海名法雲地華嚴經一切佛法皆以十地爲本十地究竟
蓮花足 西域記菩薩隨足所踏出大蓮花
金粟 淨名經義鈔梵語維摩詰此云淨名般提之子母名

離垢妻名金機男名善思女名月上過去成佛號金粟如來
超禪 涅槃經後分爾時世尊說是語已復入超禪從初禪出入無所有處出入滅盡想定從滅盡想定出次第還入至非想非非想處從非想非非想出入無邊識處從無邊識處出入第四禪從四禪出入第二禪從二禪出入于初禪如是逆順入超禪已

頂法 涅槃經有煖法頂法忍法世第一法
六度 三教論衡六度者六波羅蜜六波羅蜜者即檀波羅蜜尸波羅蜜羼提波羅蜜毗梨耶波羅蜜禪定波羅蜜般若波羅蜜以唐言譯之即布施持戒忍辱精進禪定智慧是也

五常 白虎通五常者何謂仁義禮智信也孔穎達尚書正義五常即五典謂父義母慈兄友弟恭子孝五者人之常行

空空 般若經善現白佛言世尊云何空空佛言善現空謂一切法空此空由空空何以故非常非壞本性爾故是爲空空北山移文談空空于釋部數元元于道流

語 詩于時言于時語語

無見之見 僧肇維摩詰經註實相慧眼之境非肉眼所見慧眼尙不見實而況非實雖曰無見而無所不見此真慧眼之體

不言之言 莊子仲尼之楚楚王觴之孫叔敖執爵而立市南宜僚受酒而祭曰古之人乎于此言已曰丘也聞不言之言矣未之嘗言于此乎言之郭象註聖人無言其

所言者百姓之言耳故曰不言之言苟以言爲不言則雖言出于口故爲未之嘗言
疑冰 孫綽遊天台山賦晒夏蟲之疑冰李善註言淺近小智同乎夏蟲莊子夏蟲不可以

語于冰者篤于時也
溺塗象 遺教經世間縛著沒于衆苦譬如老象溺泥不能自出楞
食木成

字 澹紫經如蟲食木有成字者此蟲不知是字非
字智人見之終不唱言是蟲解字亦不驚怪
慧眼 華嚴經肉眼眼見一切色慧
眼見一切衆生諸根境界
第一

義 楞伽經第一義者聖智自覺所得非言說妄想覺境界維摩詰經能
善分別諸法相于第一義而不動僧肇註第一義謂諸法一相義也
開不二門 維摩
詰經

爾時維摩詰謂衆菩薩言諸仁者云
何菩薩入不二法門各隨所樂說之
四十九僧 時註經者凡五十人除惠
幹一人而言是四十九矣
一百八

句 楞伽經不生句生句常句無常句相句無相句住異句非住異句刹那句非刹那句自性句離
自性句空句不空句斷句不斷句邊句非邊句中句非中句常句非常句緣句非緣句因句非

因句煩惱句非煩惱句愛句非愛句方便句非方便句巧句非巧句淨句非淨句成句非成句譬句
非譬句弟子句非弟子句師句非師句種性句非種性句三乘句非三乘句所有句非所有句願句

非願句三輪句非三輪句相句非相句有品句非有品句俱句非俱句緣句非緣句數句非數句現法
樂句刹土句非刹土句阿菟句非阿菟句水句非水句弓句非弓句實句非實句數句非數句數句

非數句明句非明句虛空句非虛空句雲句非雲句工巧伎術明處句非工巧伎術明處句風句非
風句地句非地句心句非心句施設句非施設句自性句非自性句陰句非陰句衆生句非衆生句

慧句非慧句澹紫句非澹紫句爾燄句非爾燄句外道句非外道句荒亂句非荒亂句幻句非幻句
夢句非夢句燄句非燄句像句非像句輪句非輪句捷闍婆句非捷闍婆句天句非天句飲食句非

飲食句淫欲句非淫欲句見句非見句波羅蜜句非波羅蜜句戒句非戒句日月星宿句非日月星
宿句諦句非諦句果句非果句滅起句非滅起句治句非治句相句非相句文句非文句巧明處句

非巧明處句禪句非禪句迷句非迷句現句非現句護句非護句族句非族句仙句非仙句王句非
王句攝受句非攝受句寶句非寶句記句非記句一闍提句非一闍提句女男不男句非女男不男

句味句非味句事句非事句身句非身句覺句非覺句動句非動句根句非根句有爲句非有爲句
無爲句非無爲句因果句非因果句色究竟句非色究竟句節句非節句叢樹葛藤句非叢樹葛藤

句雜句非雜句說句非說句毗尼句非毗尼句比邱句非比邱句處句非處句
字句非字句大慧是百八句先佛所說汝及諸菩薩摩訶薩應當修學
妖氛 十六國春
秋靖掃妖

氛廣清異

慧日

法華經無垢清淨光慧日破諸暗王中頭陀寺碑文蔭法雲于真際則火宅晨涼曜慧日于康衢則重昏夜曉李善註劉蚪曰菩薩圓淨照均明兩故曰慧日

五千善神

仁王經五大士五千大神王于汝國中作大利益當立像行而供養之

緇服

僧之服緇色故或呼緇流或呼緇侶釋氏要覽僧史略云問緇

衣者色何狀貌答紫而淺黑考功記云三入為纁五入為緇七入為緇矣知緇本出絳雀頭色即紫赤色也故梁尼淨秀見聖衆衣如桑熟椹此乃淺赤深黑色也

為舜閣黎謝御題大通大照和尚塔額表

沙門僧某等言伏蒙聖札題二大師塔額及度僧抽
僧等並畢伏喜天心俯從人欲恩光至重抃舞難勝
臣聞聖者正也住正法者為聖人佛者覺也得覺滿
者入佛慧伏惟光天皇帝陛下登滿足地超究竟天
入三解脫門過九次第定見聞自在不住無為理事
皆如終非有漏復皇國而御宇尊白法以教人百穀
順成六氣時若不加兵而賊破不擾物以人和緇侶
勝緣蒼生厚幸昨蒙書額度僧等龍騰金榜鳳轉銀

鈞河漢昭回烟雲飛動韋誕恥其遺法梁鵠慚爲古
人降出天門升于寶塔玉繩綴于重級珠斗挂于露
盤以方宸翰實多慚德又宿修梵行願在法流者覆
以慚媿之衣落其煩惱之髮冀成寶器仁王爲琢玉
之因廣運佛心聖主受恆沙之祐沙門等叩承禪訓
幸偶昌期御札賜書足報本師之德梵筵邀福願酬
大聖之恩不勝戴荷之至

闍黎

釋氏要覽寄歸傳云梵語阿遮黎耶唐言軌範今稱闍黎蓋梵音訛略也

大通

劉昫唐書僧神秀姓李氏汴州尉氏人少遍覽經史隋末出家爲僧後遇蘄州雙峰

山東山寺僧宏忍以坐禪爲業乃嘆伏曰此真吾師也便往事宏忍專以樵汲自役以求其道宏忍深器異之謂曰吾度人多矣至于懸解圓照無先汝者宏忍以咸亨五年卒神秀乃往荊州居于當

陽山則天聞其名追赴都肩輿上殿親加跪禮勅當陽山置度門寺以旌其德時王公以下及京都市庶聞風爭來謁見望塵拜伏日以萬數中宗卽位尤加敬異中書舍人張說嘗問道執弟子之禮

退謂人曰禪師身長八尺龐眉秀耳威德巍巍王霸之器也以神龍二年卒土庶皆來送葬有詔賜諡曰大通禪師

大照

劉昫唐書普寂姓馮氏蒲州河東人年少時遍尋高僧以學經

律時神秀在荊州玉泉寺普寂乃往師事凡六年神秀奇之盡以其道授焉久視中則天召神秀至東都神秀因薦普寂乃度爲僧及神秀卒天下好釋氏者咸師事之中宗聞其高年特下制令普寂

代神秀統其法衆開元十三年勅普寂于都城居止時王公士庶競來禮謁普寂嚴重少言來者難見其和悅之色遠近尤以此重之二十七年終于成都興唐寺年八十九時都城士庶會謁者皆制

弟子之服有制賜號爲大照禪師及葬土庶傾城哭送閭里爲之空焉
恩光 江淹上建平王書大王惠以恩光顧以顏色
住正法 涅槃經我

浮提中作大長者爲欲安立無量衆生住于正法
佛者覺也 涅槃經云何爲佛佛者名覺既自覺悟復能覺他孫綽喻道論佛者梵語晉訓覺也覺之爲義悟物之謂

猶孟軻以聖人爲先覺其旨一也
滿足地 楞伽經若不持者如來地不滿足大藏一覽釋迦譜云善慧菩薩功行滿足位登十地生兜率天一生補處名聖善白爲諸天

師隨應說
究竟天 按內典色界十八天中有色究竟天楞嚴經究竟羣幾窮色性性入無邊際如是一類名色究竟天
三解脫門

大般若經云何名三解脫門空解脫門無相解脫門無願解脫門是各三解脫門云何名空解脫門若空行相無我行相虛僞行相無自性行相一心境性是名空解脫門云何名無相解脫門若滅行

相寂靜行相遠離行相一心境性是名無相解脫門云何名無願解脫門若苦行相無常行相顛倒行相一心境性是名無願解脫門又云三解脫門能攝一切妙善法故所以者何空解脫門觀一切

法自相皆空無相解脫門觀一切法遠離諸相無願解脫門觀一切法遠離所願
九次第定 涅槃經所謂九次第定四禪四空及

次第定謂有一類離欲惡不善法有尋有伺離生喜樂初靜慮具足住是爲第一復有一類尋伺寂靜內等淨心一趣性無尋無伺定生喜樂第二靜慮具足住是爲第二復有一類離喜住捨正念正

知身受樂唯諸聖者能說應捨具念樂住第三靜慮具足住是爲第三復有一類斷樂斷苦先喜憂沒不苦不樂捨念清淨第四靜慮具足住是爲第四復有一類超一切色想滅有對想不思惟種種

想入無邊空空無邊處定具足住是爲第五復有一類超一切空無邊處入無邊識識無邊處定具足住是爲第六復有一類超一切識無邊處入無所有無所有處定具足住是爲第七復有一類超

一切無所有處入非想非非想處定具足住是爲第八復有一類超一切非想非非想處入想受滅定具足住是爲第九名爲九次第定
不住無爲 維摩詰經何謂菩薩

不住無為謂修學不以空為證修學無相無作不以無相無作為證修學無起不以無起為證觀于無常而不厭善本觀世間苦而不惡生死觀于無我而誨人不倦觀于寂滅而不永寂滅觀于遠離而身心修善觀無所歸而歸趣善法觀于無生而以生法荷負一切觀于無漏而不斷諸漏觀無所行而以行法教化衆生觀于空無而不捨大悲觀正法位而不隨小乘觀諸法虛妄無年無人無主無相本願未滿而不虛福德禪定智慧修如此法是名菩薩不住無為僧肇註自此下
如維摩

皆無為觀行也觀無為必觀恬泊之樂而能不證涅槃永處生死名不住無為也
諸法亦然不出于如僧肇註如謂如本相也又云隨順本
有漏 涅槃經迦葉菩薩白佛言世尊如佛所說三有漏者云何名爲

欲漏有漏無明漏耶佛言欲漏者一切內惡覺觀外諸因緣各之爲欲是名欲漏有漏者色無色界內諸惡法外諸因緣除欲界中外諸因緣內諸覺觀是名有漏無明漏者不能了知我及我所不別

內外名無
明漏 百穀 爾雅翼古人說百穀以爲梁者黍稷之總名稻者漑種之總名菽者衆豆之總名

類每物不下十數亦何假
蔬果而後爲百耶 順成 禮記順成之方其蜡乃通孔穎達正義年穀和順成熟
六氣 左傳天有六氣杜預註謂陰陽風雨晦明

也 時若 義出尚書 龍騰 衛恆四體書勢矯然特出若龍騰于川森爾下頽若雨墜于天
昭回 詩大雅倬彼雲漢昭回于天毛萇傳回轉

也鄭康成箋雲漢謂
天河也昭光也 韋誕 晉書太和中韋誕爲武都太守以能書留補侍中魏氏寶器銘題皆是

誕手 梁鵠 法書要錄安定梁鵠後漢人官至選部尚書得師宜官法
玉繩 春秋元命苞玉衡北兩星爲玉

繩 慚德 見商書仲 梵行 涅槃經迦葉菩薩白佛言云何名爲清淨梵行
法流 梁元帝謝

勅送齊王瑞像還啓 身持淨戒心扑法流 慚愧衣 菩薩瓔珞經首戴七覺華身被慚愧服華嚴經
煩惱髮

華嚴經剝除鬚髮當願衆
生永離煩惱究竟寂滅
寶器
華嚴經願一切衆生成無上寶器悉能受持三世佛法

恆沙
恆河之沙也恆河在西域其源從阿耨達

池獅子口流出周圍四十餘里其中沙細如麪西國人謂無數無量不可計者多以恆沙為喻涅槃經如恆河沙無能數者

為僧等請上佛殿梁表

僧某言天地之大未滿法身紺殿朱宮豈云光宅陛下尊崇像教大捨外財白法利人黃金布地不役一人之力不費一家之產崇崇寶坊雲構將畢所營某寺以某月日上佛殿梁伏望天恩內賜一織庶使大千世界悉入蓋中六合人天共歸宇下然後以無礙慧大化羣物將使四生皆度豈惟比屋可封則中天之臺才留幻土畫雲之觀徒候神人以古況今前王何陋謹詣右銀臺門奉表陳謝以聞

法身
華嚴經如來法身甚廣大十方邊際不可得

紺殿
徐陵孝義寺碑紺殿安坐蓮花養神

光宅
孔安國尚書傳昔在帝堯聰明文思光宅

天下左思魏都賦暨聖武之龍飛肇受命而光宅

像教 王巾頭陀寺碑文正法既沒像教陵夷李周翰註像教謂為形像以教人也 **寶坊** 梁簡文帝答湘東王

雲構 陸雲詩思樂華堂雲構崇基王融曲水詩序飛觀神行虛檐雲構呂向註雲構言高與雲齊也 **大千世界**

維摩詰經爾時毘耶離城有長者子名曰寶積與五百長者子俱持七寶蓋來詣佛所頭面禮足各以其蓋共供養佛之威神令諸寶蓋合成一蓋徧覆三千大千世界而此世界廣長之相悉于中現李善文選註大千者謂一三千界下至阿毘地獄上至非想天為一世界千 **無礙慧** 菩薩瓔珞

世界為小千世界千小千世界為中千世界至千中千世界為大千世界 **四生** 法苑珠林如般若經云一者卵生二者胎生三者濕生四者化生又阿含口解十二因緣經云有四種生一腹生者謂人及畜生二寒熱和合生者

謂蟲蛾蚤虱三化生者謂天及地獄四卵生者謂飛鳥魚鼈又正法念經云或以天眼見諸畜生有四種生何等為四一者胎生所謂象馬牛羊之類二者卵生所謂蚘蚯鵝鴨雞雉衆鳥三者濕生所謂蚤虱蠅子之類四者化生如長面龍等又涅槃經云衆生佛性住五陰中若住五陰名曰殺生若有殺生即墮惡道依此生死故有四生依殼而生曰卵含藏而出曰胎假潤而與曰濕歛然而現曰化衆生所攝不過此四也

中天臺 列子周穆王時西極之國有化人來入水火黃金石反山川移城邑乘虛不墜觸實不礙千變萬化不可窮極既已變物之形又且易人

之虞穆王敬之若神事之若君化人以王之宮室卑陋而不可處穆王乃為之改築土木之功緒聖之色無遺巧焉五府為虛而臺始成其高千仞臨終南之上號曰中天之臺化人猶不舍然不得已而臨

候神人 史記封禪書公孫卿曰仙人可見而上往常遽以故不見今陛下可為觀如緣城置棗脯神人宜可致也且仙人好樓居于是上令長安則作飛廉桂觀甘泉

則作益延壽觀使卿持節設具而候神人

責躬薦弟表

臣維稽首言臣年老力衰心昏眼暗自料涯分其能

幾何能文苑英華作壽久竊天官每慙尸素慙文苑英華作競頃又沒于逆賊

不能殺身負國偷生以至今日陛下矜其愚弱託病

被囚愚文苑英華作懦不賜疵瑕累遷省閣閣一作閭一作門俱非昭洗罪累免

負惡名洗顧本作失今從文苑英華作洗在于微臣百生萬足足文苑英華作死昔在賊

地泣血自思一日得見聖朝即願出家修道及奉明

主伏戀仁恩明文苑英華作聖貪冒官榮荏苒歲月不知止足尚

忝簪裾始願屢違私心自咎始文苑英華作昔臣又聞用不才之

士才臣不來賞無功之人功臣不勸有國大體為政

本源非敢議論他人竊以兄弟自比竊以兄弟自比六字文苑英華作竊見二字臣

弟蜀州刺史縉太原五年撫養百姓盡心為國竭力

守城臣即陷在賊中苟且延命臣忠不如第一也縉

前後歷任所在著聲

歷文苑英華作効

臣忝職甚多曾無裨益臣

政不如弟二也臣頃負累繫在三司

繫文苑英華作狀

縉上表祈

哀請代臣罪臣之于縉一無憂憐

憐文苑英華作恤

臣義不如弟

三也縉之判策屢登甲科衆推才名素在臣上臣小

言淺學不足謂文臣才不如弟四也縉言不忤物行

不上人植性謙和執心平直

直文苑英華作坦

臣無度量實自空

疏臣德不如弟五也臣之五短弟之五長加以有功

又能爲政顧臣謬官華省而弟遠守方州外媿妨賢

妨文苑英華作其

內慙比義痛心疾首以日爲年臣又逼近懸車

朝暮入地闐然孤獨迴無子孫弟之與臣更相爲命

兩人又俱白首一別恐隔黃泉儻得同居相視而沒

泯滅之際魂魄有依伏乞盡削臣官放歸田里賜弟

散職令在朝廷廷文苑英華作行臣當苦行齋心第自竭誠盡節

並願肝腦塗地隕越為期葵藿之心庶知向日犬馬

之意何足動天不勝私情懇迫之至

王縉劉昫唐書王縉字夏卿河中也少好學與兄維早以文翰著名縉連應草澤及文辭清麗舉累授侍御史武部員外祿山之亂選為太原少尹與李光弼同守太原功效謀略衆

所推先加憲部侍郎兼本官時兄維陷賊受偽署賊平維付吏議縉請以己官贖維之罪特為減等

平章事太微宮使宏文崇賢館大學士其年河南副元帥李光弼薨于徐州以縉為侍中持節都統

改兵部侍郎屬平珍史朝義河朔未安詔縉以本官河北宣慰奉使稱旨廣德二年拜黃門侍郎同

鎮而還委政于燕將朱希彩又屬河東節度辛雲京卒遂兼太原尹北都留守河東節度皮營田觀察

多違約束縉一朝悉召斬之將校股慄二歲罷河東歸朝授門下侍郎中書門下平章事時元載用

京兆尹黎幹者戎州人也數論事載甚病之而力不能去也幹嘗白事於縉縉曰尹南方君子也安

寶應寺諷令施財助己修繕初代宗喜祠祀未甚重佛而元載杜鴻漸與縉喜飯僧徒代宗嘗問以

福業報應事載等因而啓奏代宗由是奉之過當嘗令僧百餘人于宮中陳設佛像經行念誦謂之內道場其飲膳之厚窮極珍異出入乘殿馬度支具廩給每西蕃入寇必令羣僧講誦仁王經以禳

虜寇苟幸其退則橫加錫賜胡僧不空官至卿監封國公通籍禁中勢移公卿爭權擅威日相凌奪
凡京畿之豐田美利多歸于寺觀吏不能制僧之徒侶雖有賊姦畜亂敗戮相繼而代宗信心不易

乃詔天下官吏不得箠曳僧尼又見縉等施財立寺窮極瓌麗每對揚啓沃必以業果為證以為國
家慶祚靈長皆福報所資業力已定雖小有患難不足道也故祿山思明毒亂方熾而皆有子禍僕

固懷恩將亂而死西戎犯闕未擊而退此皆非人事之明徵也帝信之愈甚公卿大臣既挂以業報
則人事棄而不修故大曆刑政日以凌遲有由然也五臺山有金閣寺鑄銅為瓦塗金于上照曜山

谷計錢巨億萬縉為宰相給中書符牒令五臺山僧數十人分行郡縣聚徒講說以求貨利代宗七
月望日于內道場造盂蘭盆飾以金翠所費百萬又設高祖已下七聖神座備幡節龍傘衣裳之制

各書尊號于幡上以織之昇出內陳于寺觀是日排儀仗百寮序立于光順門以俟之幡花鼓舞迎
呼道路歲以為常而識者嗤其不典其傷教之源始于縉也縉又縱弟妹女尼等廣納財賄貪猥之

跡如市買焉元載得罪縉連坐貶括州刺史移處州刺史大曆十四年除太子賓客留司東都建中二年十二月卒年八十二

天官 晉書久點天官塵蔽賢路班固東都賦天官景從寢

威威容李善註蔡邕獨斷曰百官小吏曰**荏苒** 晉書李暘傳時移節邁荏苒三年韻

天官成按今本蔡邕獨斷無此文也 **止足** 老子知不足辱 **三司** 唐書百官志凡鞠大獄以刑部尚書侍郎與御史中丞大理卿為三司使

知止不殆 **小言** 莊子大言炎炎 **方州** 班固典引卓犖乎方 **比義** 後漢書孔

擇木大理卿嚴向為 **痛心疾首** 左傳斯是用痛心疾 **懸車** 白虎通臣七十

三司使處其罪 **方州** 州羨溢乎要荒 **比義** 融傳先君 **朝**

孔子與君先人同德比義而相 **痛心疾首** 首暱就寡人 **懸車** 懸車致仕者臣

師友說苑君子比義農夫比穀 **痛心疾首** 首暱就寡人 **懸車** 懸車致仕者臣

以執事趨走為職七十陽道極耳目不聰明跛躄之屬是以退去避賢者所以長廉恥也懸車 **朝**

示不用也漢書薛廣德為御史大夫乞骸骨賜安車駟馬黃金六十斤罷懸其安車傳子孫 **朝**

暮入地 漢書龔勝傳吾受漢家厚恩無以報今年老矣 **竭誠盡節** 北史高顯有文

日暮入地誼豈以一身事二姓下見故主哉 **竭誠盡節** 武大略明達政

王右丞集 卷十七 十三 中華書局聚

務及蒙任寄之後竭誠盡節進引貞良以天下為己任

肝腦塗地

漢書蘇武傳武父子亡功德皆為陛下所成就位列將爵通侯兄弟親近常願肝腦塗地今得

殺身自效雖蒙斧鉞湯鑊誠甘樂之

隕越

杜預左傳註隕越顛墜也晉書奮不顧命隕越為期

葵藿

曹植求通親親表若葵藿之傾葉太陽雖不為迴光然向之者

誠也

請施莊為寺表

臣維稽首臣聞罔極之恩豈有能報終天不返何堪
 永思然要欲強有所為自寬其痛釋教有崇樹功德
 宏濟幽冥臣亡母故博陵縣君崔氏師事大照禪師
 三十餘歲褐衣蔬食持戒安禪樂住山林志求寂靜
 臣遂于藍田縣營山居一所草堂精舍竹林果園並
 是亡親宴坐之餘經行之所臣往丁凶釁當即發心
 願為伽藍永劫追福比雖未敢陳請終日常積懇誠
 又屬元聖中興羣生受福臣至庸朽得備周行無以

謝生將何答施願獻如天之壽長為率土之君惟佛之力可憑施寺之心轉切効微塵于天地固先國而後家敢以鳥鼠私情冒觸天聽伏乞施此莊為一小寺兼望抽諸寺各行僧七人精勤禪誦齋戒住持上報聖恩下酬慈愛無任懇款之至

施莊為寺

長安志清源寺在藍田縣南鞞谷內唐王維母奉佛山居營草堂精舍維表乞施為寺焉

罔極

詩欲報之德昊天罔極

終

天

潘岳哀永逝文今奈何兮一舉魄終天兮不返李善註天地之道理無終極今云終天不返長逝之辭劉良註終天謂終竟天地

永思

劉向九嘆心悵悵以永思兮意

瞻瞻而自類

博陵縣君

成按唐書百官志云文武官一品國公之母妻為國夫人三品以上母妻為郡夫人四品母妻為郡君五品母妻為縣君勳官四品有封

者母妻為鄉君至于國各地號則以族望所自為冠又按宰相世系表崔氏有博陵安平一派當是右丞母氏所出故以博陵為號也

伽藍

法顯佛國記中天竺佛法甚盛名眾僧住

止處為僧伽藍

周行

國風實彼周行毛萇傳行列也思君子官賢人置周之列位鄭康成箋周之列位謂朝廷臣也

王右丞集卷之十七

王右丞集卷之十八

仁和趙殿成松谷箋註

狀文書記八首

奉敕詳帝皇龜鏡圖狀帝皇龜鏡圖兩卷令簡
擇訖進狀

右某官宣口敕語看可否者臣愚何足以知謹與某
等議竊以名爲帝王圖者蓋龜可以卜也鏡可以照
也以前代帝王行事善惡以卜後代以前代帝王行
事善惡以照後代可以知盛衰興亡故其行事似堯
舜者必盛似湯武者必興似秦皇漢武者必衰似夏
桀殷紂者必滅如卜之必知如照之必見故謂之龜
鏡圖伏如所示之圖謂之自古帝皇圖即可矣謂之

龜鏡圖伏恐稍乖名實又多不出于正經或取諸子之說又取曹植飛龍篇摯虞庖犧讚等是一時文章之語非正經本傳之事至如堯之茅茨不翦土階三尺就之如日望之如雲舜之逐竄四凶舉十六族臣歌九德君撫五絃等善事夏桀之瑤臺瓊室殷紂之肉林酒池等惡事蓋畫如此之類乃成龜鏡之圖至于伏羲生時伏羲之墓女媧腸化搏土爲人如此之流豈爲龜鏡若記帝皇之事總載無妨若爲龜鏡之圖恐須簡擇又論元氣已後其圖似重太初與太始無殊有形與有質不異易云乾元亨利貞卽未有物者乾之始也乾者元之體也元者乾之用也上猶道家旨道生一一生二二生三三生萬物又近佛經八

識是清淨無所有第八識即含藏一切種子第六識
即分別成五陰十八界此圖從元氣以下名目稍多
臣識用愚淺不知忌諱敢率鄙見無任戰越伏惟聖
心裁擇謹狀

飛龍篇

曹植飛龍篇晨遊太山雲霧窈窕忽逢二童顏色鮮好乘彼白鹿手翳芝草我知真人長跪問道西登玉堂金樓複道授我仙藥神皇所造教我服食還精補腦壽同金

石永世難老

庖犧讚

摯虞庖犧讚昔在上古惟德居位庖犧作王世尚醇懿設卦分象開物紀類施罟設網人用不匱

茅茨不翦

土階三尺

韓非子堯之王天下也茅茨不剪采椽不斲糲粢之食藜藿之羹漢書墨者亦上堯舜言其德行曰堂高三尺土階三等茅茨不剪採椽不斲師古曰屋蓋曰

茨茅茨以茅覆屋

就之如日望之如雲

大戴禮記宰我曰請問帝堯孔子曰高辛之子也曰放勳其仁如天其知如神就之如日望之

如雲

四凶十六族

左傳昔高陽氏有才子八人蒼舒曠數檮戾大臨龐降庭堅仲容叔達齊聖廣淵明允篤誠天下之民謂之八愷高辛氏有才子八人伯

奮仲堪叔獻季仲伯虎仲熊叔豹季狸忠肅共懿宣慈惠和天下之民謂之八元此十六族也世濟其美不隕其名以至于堯堯不能舉舜臣堯舉八愷使主后土以撥百事莫不時序地平天成舉八

元使布五教于四方父義母慈兄友弟共子孝內平外成昔帝鴻氏有不才子掩義隱賊好行凶德醜類惡物頑嚚不友是與比周天下之民謂之渾敦少皞氏有不才子毀信廢忠崇飾惡言罔譖庸

回服讒菟隱以誣盛德天下之民謂之窮奇顛頑有不才子不可教訓不知話言告之則頑舍之則驕傲狠明德以亂天常天下之民謂之檮杌此三族也世濟其凶增其惡名以至于堯堯不能去縉

雲氏有不才子貪于飲食冒于貨賄侵欲崇侈不可盈厭聚斂積實不知紀極不分孤寡不恤窮匱天下之民以比三凶謂之饕餮舜臣堯賓于四門流四凶族渾敦窮奇檮杌饕餮投諸四裔以禦魘

魅
歌九德
周禮九德之歌九磬之舞鄭康成註九德之歌春秋傳所謂水火金木土穀謂之六府正德利用厚生謂之三事六府三事謂之九功九功之德皆可歌也謂

之九
五絃
史記舜彈五絃之琴歌南風之詩而天下治
瑤臺瓊室
淮南子晚世之時帝有築紂為瑤室瑤臺象廊玉牀
肉林

酒池
史記帝紂以酒為池懸肉為林
伏羲生時
路史太昊伏羲氏母華胥居于華胥之渚嘗暨叔嫪翔于渚之汾巨跡出焉華胥決履以跲之意有所動

虹且遠之因孕十有二歲以十月四日降神註云帝系譜云人定時生孝經河圖云伏羲在亥得人定之應張說大衍文符曆序云謹以十六年八月端五赤光照室之夜皇雄成紀之辰是以為八月五日矣非

伏羲墓
路史註世紀云伏羲葬南郡在襄陽按帝家今在山陽高平西北高平襄陽之境然九域志兗單皆有伏羲陵又河中府有庖王廟引戴氏西征記

云潼關直北隔河望有層阜巋然獨秀謂之風陵伏羲氏風姓也此當是女媧墓然古帝王墓冢皆非一所宜必有說
女媧腸化
山海經有神十人名曰女媧之

腸化為神處栗廣之野郭璞註女媧古神女而帝者人面蛇身一日中七十變其腸化為此神粟廣野名媧音瓜
搏土為人
風俗通俗說天地初開闢未有人民女媧

搏黃土為人劇務力不暇供乃引繩絙泥中舉以為人故凡富貴賢智者黃土人也貧賤凡愚者引絙人也錄異記房州上庸界有伏羲女媧廟云是搏土為人民之所古跡在焉
太初

太始
列子有太易有太初有太始有太素太易者未見氣也太初者氣之始也太始者形之始也太素者質之始也太
道生一
老子道生一一生二二生三三

生萬物河上公註道始所生者一一生陰與陽也陰陽生和清濁三氣分為天地人也天地共生萬物也天施地化人長養之也
八識
宗鏡錄經論通辯有八種識一眼識二耳

識三鼻識四舌識五身識六意識七末那識八阿賴耶識
五陰
涅槃經所謂五陰色受想行識所言陰者其義謂何能令衆生生死相續不離重擔分散聚合三世所攝求其義理

了不可得故名爲陰大藏一覽五陰者謂色受想行識歷歷分明即是識陰領納在心即是受陰心緣此理即是想陰行用此理即是行陰汗穢真性即是色陰

十八界

錦繡萬花谷眼所見之處耳所聞之處鼻所嗅之處舌所味之處身所觸之處意所思之處謂之六根界色聲香味觸法所在謂之六塵界眼識色處謂之眼識界耳聞聲處謂之耳識界并鼻識界舌識界身識界意識界謂之六識界總謂之十八界大藏一覽六根者謂眼耳鼻舌身意也六塵者謂色聲香味觸法也眼見爲色塵耳聞爲聲塵鼻嗅爲香塵舌嘗爲味塵身染爲觸塵意着爲法塵合爲十二處也復次六識者本自一心遍由六根門頭而成六識謂從見爲眼識從聞爲耳識從嗅爲鼻識從嘗爲舌識從染爲身識從分別爲意識如是根塵識三事和合爲十八界若如實知自性皆空是謂能學六根六塵六識翻譯名義法界次第云界以界別爲義此十八法各有別體義無渾濫故名十八界若根相對卽有識生識以識別爲義識依于根能別于塵故通名識由此根塵識三各有六法成十八界

請迴前任司職田粟施貧人粥狀

右臣比見道路之上凍餒之人朝尚呻吟暮填溝壑
陛下聖慈憐愍賚公粥施之頃年已來多有全濟至
仁之德感動上天故得年穀頗登逆賊皆滅報施之
應福祐昭然臣前任中書舍人給事中兩任職田並
合交納近奉恩敕不許併請望將一司職田迴與施

粥之所于國家不減數粒在窮窘或得再生庶以上
福聖躬永宏寶祚仍望令劉晏分付所由訖具數奏
聞如聖恩允許請降墨敕

職田

杜氏通典諸京官文武職事各有職分田一品十二頃二品十頃三品九頃四品七頃五
品六頃六品四頃七品三頃五頃八品二頃五頃九品二頃並去京城百里內給諸

職分陸田限三月三十日稻田限四月三十日以前上者並入後人以後上者入前人其麥田以九
月三十日為限若前人自畊未種後人酬其功直己自種者准租分法其價六斗已下者依舊定不
得過六斗並取情願不得抑配開元十年六月勅所置職田本非古法爰自近制是以因循事有變
通應須刪改其內外所給職田從今年九月以後並宜停給十八年六月京官職田特令准令給受

復用舊制

中書舍人

唐書百官志中書舍人六人正五品上

寶祚

隋書薛道衡傳陛下聖德天挺光膺寶祚

劉晏

唐書劉晏傳祿山亂

避地襄陽詔拜度支郎中兼侍御史領江淮租庸事召拜彭原太守徙隴華二州刺史遷
河南尹時史朝義盜東都乃治長水進戶部侍郎兼御史中丞度支鑄錢鹽鐵等使

謝弟縉新授左散騎常侍狀

右臣之兄弟皆迫桑榆每至一別恐難再見匪躬之
節誠不顧家臨老之年實悲遠道陛下均平布政中
外澁遷尚錄前勞仍收舊齒使備顧問載珥貂蟬趨

侍玉墀從容瑣闥不材之木跗萼聯芳斷行之雁飛
鳴接翼自天之命特出宸衷塗地之心難酬聖造不
勝戴荷踴躍之至

上元二年五月四日通議大夫守尚書右丞臣王維
狀進

肅宗皇帝答詔

敕幸求獻替久擇勳賢具寮咸推令弟有裕旣膺贊
相之任俯觀規諫之能建禮朝昇鸞行並列承明晚
下雁序同歸乃眷家肥無忘國命所謝知

左散騎常侍

唐書百官志門下省有左散騎常侍二人正三品下掌規諷過失侍從顧
問註云隋廢散騎常侍貞觀元年復置十七年爲職事官顯慶二年分左

右隸門下中書省皆金蟬珥貂左散騎與侍中
爲左貂右散騎與中書令爲右貂謂之八貂

桑榆

張華詩從容養餘日取樂于桑榆劉
良註桑榆日晚亦比年老之稱

匪

躬

易王臣蹇蹇匪躬之故孔穎達正義云九五居于王位而在難中六二是五之臣往應于五履
正居中志匡王室能涉蹇難而往濟蹇故曰王臣蹇蹇盡忠于君匪以私身之故而不往濟君

故曰匪躬之故晉書下壺傳擁衛至尊則舊齒吳志陸績傳虞翻舊齒名威龐統荊州令士晉書褚裒以政道在于得材宜委賢任能升敬舊

齒 **載珥貂蟬**曹植王仲宣誄載珥貂蟬 **不材之木**莊子南伯子綦游乎商之邱見大木焉有異結駟千

乘隱將茹其所賴子綦曰此何木也哉此必有異材夫仰而視其細枝則拳曲而不可以為棟梁俯而視其大根則軸解而不可以為棺槨啞其葉則口爛而為傷嗅之則使人狂醒三日而不可已子綦

曰此果不材之木也 **附萼**北史附萼連暉 **通議大夫**唐六典敘階正四品下曰通議大夫 **獻替**

後漢書君以兼覽博照為德臣以獻可替否為忠 **有裕**小雅此令兄弟綽綽有裕 **家肥**禮記父子篤兄弟睦夫婦和家之肥也

兵部起請露布文

天地之心無不覆載鳥鼠之性自私巢穴國家非徒疆理其地臣妾其人思欲一車書混聲教變毒螫之俗為禮義之鄉伏惟皇帝陛下大道先天至德冠古武功則我有七德文教則舞于兩階億兆廣堯封之時郡縣加禹服之外而犬戎小醜蝸角偷安動搖遠邊遮漢使之路脅從小國絕蕃臣之禮四鎮節度使

高仙芝等虔奉聖策肅將天誅因識□之且憎尋勃
律之舊好暨諸胡國悉會王師萬里風馳六軍電掃
氈裘之長思嚮風以無階毳幙之人惟塗地而可獲
遂通重譯罔不來庭實賴聖謀曷惟帝力無攻不克
百蠻皆歸于計中無遠不賓萬方若在于宇下臣等
不勝喜慶之至

露布

封氏見聞記露布捷書之別名也諸軍破賊則以帛書建諸竿上兵部謂之露布蓋自漢以來已有其名所以名露布者謂不封檢露而宣布欲四方速知之亦謂之露版魏武奏

事云有驚急輒露版插羽是也宋沈璞為盱眙太守與臧質共拒魏軍軍退質與璞全城使自上露版

一車書

庾信哀江南賦序并吞六合混一車書

聲教

夏書朔南暨聲教孔穎達正義云其北與南雖在服外皆與聞天子威聲文教時來朝見

七德

左傳夫武禁暴戡兵保大定功安民和衆豐財者也武有七德我無一焉

兩

階

虞書帝曰咨禹惟時有苗弗率汝徂征三旬苗民逆命帝乃誕敷文德舞千羽于兩階七旬有苗格孔安國傳云千楯羽翳也皆舞者所執修闡文教舞于賓主階間抑武事

封

謂堯時封疆所至韓非子昔者堯有天下飯于土簋飲于土劍其地南至交趾北至幽都東西至日月之所出入者莫不賓服

禹服

史記禹令天子之國以外五百里甸服甸

服外五百里侯服侯服外五百里綏服綏服外五百里要服要服外五百里荒服

蝸角

莊子魏瑩與田侯牟約田侯牟背之魏瑩怒將使人刺之犀首聞而恥之曰君為萬乘之君也

而以匹夫從讎衍請受甲二十萬為君攻之虜其人民係其牛馬使其君內熱發于背然後拔其國
忌也出走然後誅其背折其脊惠子聞之而見戴晉人戴晉人曰有所謂蝸者君知之乎曰然有國
于蝸之左角者曰觸氏有國于蝸之右角者曰蠻氏時相與爭地而戰伏尸數萬逐北旬有五日而
後反君曰噫其虛言與曰臣請為君實之君以意在上下四方有窮乎君曰無窮曰知游心于無窮
而反在通達之國若存若亡乎君曰然曰通達之中有魏于魏中有梁于梁中有王王與蠻氏有辨乎君曰無辨客出而君愉然若有亡也

遮漢使

漢書武帝感張騫之

言甘心欲通大宛諸國使者相望于道一歲中多至十餘蓋樓蘭姑
師當道苦之攻劫漢使王恢等又數為匈奴耳目令其兵遮漢使

高仙芝

唐書高仙芝傳帝乃擢仙芝為

臚卿假御史中丞代夫蒙
靈警為四鎮節度使

天誅

漢書陳湯傳將義兵行天誅

勃律

唐書西域傳大勃律或曰布露直吐蕃西與小勃律接西鄰北天竺為

地宜鬱金役屬吐蕃萬歲通天遠開元特三遣使者朝故冊其君蘇弗舍利支離泥為王死又冊蘇
麟陀逸之嗣王凡再遣大首領貢方物小勃律去京師九千里而羸東少南三千里距吐蕃贊普牙

東八百里屬烏菟東南三百里大勃律南五百里箇失蜜北五百里當護密之娑勒城王居孽多城
臨娑夷水其西山巔有大城曰迦布羅開元初王沒謹忙來朝元宗以兒子畜之以其地為綏遠軍

國迫吐蕃數為所困吐蕃曰我非謀爾國假道攻四鎮耳久之吐蕃奪其九城沒謹忙求救北廷節
度使張孝嵩遣疏勒副使張恩禮率銳兵四千倍道往沒謹忙因出兵大破吐蕃殺其眾數萬復九

城詔冊為小勃律王遣大首領察卓那斯摩沒勝入謝沒謹忙死子難泥立死兄麻來今立死蘇失
利之立為吐蕃陰誘妻以女故西北二十餘國皆臣吐蕃貢獻不入安西都護三討之無功天寶六

載詔副都護高仙芝伐之遂平其國于是拂菻大食諸胡七十二國皆震恐咸
歸附執小勃律王及妻歸京師詔改其國號歸仁置歸仁軍募千人鎮之

風馳

王褒四子講德論莫

不風馳兩集襲
雜並至

電掃

後漢書皇甫嵩傳旬月之間神兵電掃

氈裘之長

漢書匈奴傳自君王以下咸食畜肉衣其皮革被旃裘司馬遷

傳旃裘之君長咸震怖李
善註旃裘謂匈奴所服也

毳帳

李陵報蘇武書韝毳幕以禦風雨李善註毳帳帳也

重譯

尚書大傳成王之時越裳重譯而來朝曰

道路悠遠山川阻深恐使之不通故重三譯而朝也漢書平帝紀越裳氏重譯
獻白雉一黑雉二師古曰譯謂傳言也道路絕遠風俗殊隔故累譯而後乃通
來庭大雅四方既平徐方

來庭毛萸傳來
王庭也
百蠻家語昔武王克商遂通道于九夷百蠻王肅註百蠻夷狄百種

與工部李侍郎書

一昨出後伏承令從官將軍車騎至陋巷見命恨不
得隨使者詣舍下謁才非張載枉傅元以車相迎德
謝侯生辱信陵虛左見待古人有此今也未聞所以
竦踊惕息通夕不寐維自結髮即枉眷顧侍郎素風
維知之矣宿昔貴公子常不交布衣盡禮髦士絕甘
分少致醴以飯汲汲于當世之士常如不及故夙著
問望為孟嘗平原之儔及乎晚歲時危益見臣節草
莽之中乘輿播越列郡或棄車走林畏賊顧望貢獻
不至莫有鬪心侍郎慨然枕戈泣血奮不顧命捍衛

聖主楊奉之以兵奉迎蕭何之運糧致饋曹洪之以
良馬濟趙衰之以壺飧從收合亡騎繕治兵甲喻以
大義慰而勉之然後以劍率卒執戈前驅浹旬之間
六軍響振以成興復之業豈非侍郎忠節蓋世義貫
白日垂名竹帛爲一代宗臣誠可愛也或曰宗子與
國同休不得不爾也夫仁弱自愛者且奔竄伏匿偷
延晷刻窮蹙旣至卽匹夫匹婦自經于溝瀆安能決
命爭首慷慨大節死生以之乎而能不邀寵于上不
干功于下不怠邦政不受私謁時與風流儒雅之士
置酒高會吟詠先王遺風翛然有東山之志善矣維
雖老賤沉跡無狀豈不知有忠義之士乎亦常延頸
企踵嚮風慕義無窮也然不敢自列于下執事者以

為賤貴有倫等威有序以閒人持不急之務朝夕倚

門窺戶抑亦侍郎之所惡也而猥不見遺思曹公命

吳質曹字疑是車字之訛將何以塞知己之望報厚顧之恩內省空

虛流汗而已輒先持狀候涼時即躬詣門下奉謝王

維頓首

李侍郎唐會要至德二年十二月十五日敕扈從劍南締構靈武冊勳共三十二人內有宗正卿兼工部侍郎李遵加特進封鄭國公封二百戶劉昫唐書肅宗紀天寶十五載

六月哥舒翰為賊所敗關門不守元宗幸蜀丁酉至馬嵬頓百姓請從太子收復長安庚子至烏氏驛彭原太守李遵謁見率兵士奉迎仍進衣服糧糗上至彭原又募得甲士四百率私馬以助軍

張載晉書張載為濛汜賦司隸校尉傳元見而嗟歎以車迎之言談盡日為之延譽遂知名髦士小雅攸介攸止烝我髦士毛萇傳髦俊也絕甘

分少漢書李陵素與士大夫絕甘分少能得人之死力師古註自絕旨甘而與衆人分之共同其多少也問望大雅如圭如璋令聞令望鄭康成箋人聞之則有善

棄車走林左傳王乘左廣以逐趙旃趙旃棄車而走林枕戈泣血晉書桓溫傳枕戈泣血志在復

楊奉後漢書獻帝紀十一月庚午李傕郭汜等追乘輿戰于東澗王師敗績壬申幸曹陽露次田中楊奉董承引白波帥李樂韓暹及匈奴左賢王去卑率師奉迎與李傕等

蕭何漢書漢與楚相守滎陽數年軍無見糧蕭何轉漕關中給食不乏曹洪三國志曹洪太祖從弟也太祖起義兵討董卓至滎

王右丞集卷十八 七 中華書局聚

陽為卓將徐榮所敗太祖失馬賊追甚急洪下以馬授太祖太祖辭讓洪曰天下可無洪不可無君遂步從

趙衰

左傳晉侯問原守于寺人勃鞞對曰昔趙衰以壺餐從徑餒而

弗食故使

以劍率卒

左傳范氏之徒在臺後欒氏乘公門宣子謂欒曰矢及君屋死之缺用劍以率卒杜預註用短劍兵接敵欲致死

前驅

衛風伯也執女為王前驅

浹旬

國語浹日而令大夫朝之章昭註從甲至甲為浹浹匝也南史曾不浹旬夷兇翦暴

六軍

周禮凡制軍萬有二千五百人為軍王六

軍大國三軍次國二軍小國一軍杜氏通典左右羽林左右龍武左右神武為六軍

貫白日

晉書志烈秋霜精貫白日

竹帛

曹植求自試表功銘著于鼎鐘

名稱垂于竹帛南史非唯匡主靜亂乃可以垂名竹帛

宗臣

漢書蕭何曹參傳位冠軍臣聲施後世為一代宗臣師古註言為後世之所尊仰故曰宗臣也

決命

爭首

李陵答蘇武書疲兵再戰一以當千然猶扶乘創痛決命爭首呂向註士卒用命扶其創乘其痛爭為先首而戰也

東山之志

晉書謝安雖受朝寄

然東山之志始末不渝每形于言色

沉跡

袁宏三國名臣序贊況沉跡溝壑遇與不遇者乎

延頸企踵

劇秦美新海外遐方信延頸企踵回面內

嚮李周翰註企舉也踵足也

嚮風慕義

漢書延頸舉踵喁喁然皆嚮風慕義欲為臣妾

吳質

魏略吳質字季重以才學通博為五官將及諸侯所

禮愛質亦善處其兄弟之間若前世樓君卿之游五侯矣

山中與裴秀才迪書

近臘月下景氣和暢故山殊可過足下方溫經猥不

敢相煩輒便往山中憩感配寺與山僧飯訖而去北

涉元灑清月暎郭夜登華子岡輞水淪漣與月上下
寒山遠火明滅林外深巷寒犬吠聲如豹村墟夜春
復與疎鐘相間此時獨坐僮僕靜默多思曩昔攜手
賦詩步仄逕臨清流也當待春中草木蔓發春山可
望輕儵出水白鷗矯翼露濕青臯麥隴朝雉斯之不
遠儻能從我遊乎非子天機清妙者豈能以此不急
之務相邀然是有深趣矣無忽因馭黃蘗人往不
二山中人王維白

猥

廣韻猥鄙也

元灑

潘岳西征賦南有元灑素漣

淪漣

魏風伐檀其一章曰河水清且漣漪毛萇傳風行水成文曰漣其三章曰河水清且淪漪毛萇

傳小風水成文轉如輪也韓詩曰臨流而風曰淪淪文貌爾雅小波爲淪

輕儵

韻會白鯨魚名陸佃云形狹而長若條性浮似鱣而白詩鱣鱣鯪鯪或作儵莊子儵魚出遊

矯

翼

揚雄解嘲矯翼厲翮李周翰註矯舉也

與魏居士書

足下太師之後世有明德宜其四代五公克復舊業而伯仲諸昆頃或早世惟有壽光復遭播越幼生弱姪藐然諸孤布衣徒步降在阜隸足下不忍其親杖策入關降志屈體託于所知身不衣帛而于六親孝慈終日一飯而以百口爲累攻苦食淡流汗霰霰爲之驅馳僕見足下裂裳毀冕二十餘年山棲谷飲高居深視造次不違于仁舉止必由于道高世之德欲蓋而彰又屬聖主搜揚仄陋束帛加璧被于巖穴相國急賢以副旁求朝聞夕拜片善一能垂章拖組況足下崇德茂緒清節冠世風高于黔婁善卷行獨于石門荷祿朝廷所以超拜右史思其入踐赤墀執牘珥筆羽儀當朝爲天子文明且又祿及其室養昆弟

免于負薪樵蘇晚爨柴門閉于積雪藜牀穿而未起
若有稱職上有致君之盛下有厚俗之化亦何顧影
踞步行歌采薇是懷寶迷邦愛身賤物也豈謂足下
利鐘釜之祿榮數尺之綬雖方丈盈前而蔬食菜羹
雖高門甲第而畢竟空寂人莫不相愛而觀身如聚
沫人莫不自厚而視財若浮雲于足下實何有哉聖
人知身不足有也故曰欲潔其身而亂大倫知名無
所着也故曰欲使如來名聲普聞故離身而返屈其
身知名空而返不避其名也古之高者曰許由挂瓢
于樹風吹瓢惡而去之聞堯讓臨水而洗其耳耳非
駐聲之地聲無染耳之跡惡外者垢內病物者自我
此尚不能至于曠士豈入道者之門歟降及嵇康亦

云頓纓狂顧逾思長林而憶豐草頓纓狂顧豈與俛
受維繫有異乎長林豐草豈與官署門闌有異乎異
見起而正性隱色事礙而慧用微豈等同虛空無所
不遍光明遍照知見獨存之旨邪此又足下之所知
也近有陶潛不肯把板屈腰見督郵解印綬棄官去
後貧乞食詩云叩門拙言辭是屢乞而多慙也嘗一
見督郵安食公田數頃一慙之不忍而終身慙乎此
亦人我攻中忘大守小不□其後之累也孔宣父云
我則異于是無可無不可者適意不可者不適意
也君子以布仁施義活國濟仁爲適意縱其道不行
亦無意爲不適意也苟身心相離理事俱如則何往
而不適此近于不易願足下思可不可之旨以種類

俱生無行作以爲大依無守默以爲絕塵以不動爲出世也僕年且六十足力不强上不能原本理體裨補國朝下不能殖貨聚穀博施窮窘偷祿苟活誠罪人也然才不出衆德在人下存亡去就如九牛一毛耳實非欲引尸祝以自助求分謗于高賢也畧陳起予惟審圖之

太師

劉昫唐書本紀貞觀十六年九月丁巳特進鄭國公魏徵爲太子太師知門下省事如故

四代五公

後漢袁安子敞孫湯湯子逢隗皆相繼

爲三公後漢書諸袁事漢四世五公

藐然諸孤

左傳以是藐諸孤辱在大夫杜預註言其幼賤與諸子懸藐孔穎達正義藐者懸遠之言言諸子皆長而奚齊獨幼

是大小相去懸藐也藐諸孤者言年既幼穉懸藐于諸子之孤

阜隸

左傳欒郤胥原狐續慶伯降在皂隸杜預註八姓晉舊臣之族也皂隸賤官

攻苦食

淡

漢書叔孫通傳呂后與陛下攻苦食啖其可背哉如淳註食無菜茹爲啖師古註啖當作淡謂無味之食也言共攻擊勤苦之事而食無味之食也

覈霰

左思吳都賦流汗覈

霖而中塗泥濘呂向註霖霖小兩言汗似之

山棲谷飲

魏書肅宗紀懷道邱園味跡板築山棲谷飲舒卷從時

仄陋

謂僻隱鄙陋之地義

見堯典

東帛加璧

史記趙縮王臧請天子欲立明堂以朝諸侯不能就其事乃言師申公于是天子使使東帛加璧安車駟馬迎申公

旁求

書太甲旁

求俊彥啓

朝聞夕拜

晉書王猛傳臣所以朝聞夕拜不顧艱虞者

黔婁

高士傳黔婁先生者齊人也修身清節不求進于諸侯魯恭公

聞其賢遣使致禮賜粟三千鍾欲以為相辭不受齊王又禮之以黃金百斤聘為卿又不就著書四篇言道家之務號黔婁子終身不屈以壽終

右史

唐六典起居舍人二人從六品

上註起居舍人因起居注而名官焉古者人君言則右史書之即其任也隋煬帝三年減內史舍人四員置起居舍人二人從第六品上次內史舍人下皇朝因之貞觀二年省顯慶二年又置龍朔二

年改為右史咸亨元年復故天授元年又改為右史神龍元年復故

赤墀

漢書梅福傳故願一登文石之陛涉赤墀之塗應劭曰以丹掩泥塗殿上也李善文選註禮天子赤墀也

執牘珥筆

崔駰奏記竇憲曰珥筆持牘拜謁車下

羽儀

見周易漸卦

藜牀

高士傳管寧常坐一木榻上積五十餘年未嘗箕踞

榻上當膝皆穿庚信小園賦况乎管寧藜牀雖穿而可坐又隱士詩鹿裘披稍裂藜牀坐欲穿

綬

後漢書古者君臣佩玉尊卑有度上有韋貴賤有殊佩所以章德服之衷也較所以執事禮之

共也故禮有其度威儀之制三代同之五伯迭興戰兵不息佩非戰器較非兵旗于是解去較佩留其係璲以為章表故詩曰鞞鞞佩璲此之謂也較珮既廢秦乃以采組連結于璲光明章表轉相結

受故謂之綬漢承秦制用而弗改

甲第

漢書霍光傳賞賜甲第一區釋常談好宅謂之甲第甲者首也

聚沫

維摩詰經是身如聚沫不可撮摩傳燈錄阿難後自

念言我身危脆猶如聚沫況後衰老豈堪長久

普聞

用香積如來事見三卷香積飯註中

曠士

鮑照詩安知曠士懷

故使榮進之心日積任實之情轉篤此由禽鹿少見馴育則服從教制長而見羈則狂顧頓纓赴蹈湯火雖飾以金鑣饗以嘉肴愈思長林而志在豐草也

乞食詩

陶淵明乞

食詩饑來驅我去不知竟何之行行至斯里叩門拙言辭主人解予意遺贈虛來談諧終日夕觴至輒傾盃情欣新知歡興言遂賦詩感子漂母惠愧我非韓才銜戢知何謝冥報以相遺

慙之不忍

左傳子家子曰君與之歸一慙之不忍而終身慙乎

九牛一毛

漢書司馬遷傳假令僕伏法受誅若九牛亡一毛與螻蟻何異

尸祝

莊子庵人雖不治庵尸祝不越樽俎而代之矣
穉康絕交書羞庵人之獨割引尸祝以自助

分謗

左傳韓獻子將斬人卻獻子馳將救之至則既斬之矣卻子使

速以徇告其僕
曰吾以分謗也

冬筭記

會心者行會行者祥故行藏于密而祥發于外欲人

不知不可得也夫孝于人為和德其應為陽氣筭陽

物也而以陰出斯其效歟重冰閉地密雪滔天

開顧元緯本作開誤

今校而綠籜包生不日盈尺公之家執德庇人仗義藩

國忘身于王室不家于朱戶公世載盛德人文冠冕

又天姿大賢庭訓括羽之日諸季式亦克用訓我爾

身也共被為疎禮庇身焉禦侮無所花萼韡韡爛其

盈門兄弟怡怡穆然映女且孝有上和下睦之難尊

賢容眾之難厚人薄己之難自家刑國之難加行之

以忠信文之以禮樂斯其大者遠者況承順顏色乎
況温清枕席乎如是故天高聽卑神鑒孔明不然笋
曷為出哉視諸故府則昔之人亦以孝致斯瑞也

重冰

馬融廣成頌刊重冰撥蟄戶測潛鱗踵介旅夏侯湛齊賦鑽重冰而挺茂蒙嚴霜以發鮮

庭訓

晉書孫威性方嚴有軌憲雖子孫班白而庭訓愈峻

括

羽

家語子路曰南山有竹不採自直斬而用之達于犀革以此言之何學之有孔子曰括而羽之鏃而礪之其入之不亦深乎子路再拜敬而受教

共被

謝承後漢書江肱性

篤孝事繼母恪勤母既年少又嚴厲肱感凱風之孝兄弟同被而寢不入房室以慰母心

禮庇身焉

左傳信以守禮禮以庇身

花萼韡

韡

詩小雅棠棣之華鄂不韡韡凡今之人莫如兄弟毛萼傳韡韡光明也鄭康成箋承華者曰鄂不當作拊拊鄂足也鄂足得花之光明則韡韡然感興者喻弟以敬事兄兄以榮覆弟恩義之

顯亦韡韡

爛其盈門

詩大雅韓侯顯之爛其盈門

温清

禮記凡為人之禮冬温而夏清

天高聽卑

呂氏春秋天之處高而聽卑

神鑒孔明

夏侯湛東方朔書贊天秩有禮神鑒孔明

昔人

楚國先賢傳孟宗母嗜笋冬節將至笋尚未生宗入竹林哀嘆

而笋為之出得以供母皆以為為孝之所致感

王右丞集卷之十八

王右丞集卷之十九

仁和趙殿成松谷箋註

序十首

暮春太師左右丞相諸公于韋氏逍遙谷讌集
序

山有姑射人蓋方外海有蓬瀛地非宇下逍遙谷天
都近者王官有之不廢大倫存乎小隱跡崆峒而身
拖朱紱朝承明而暮宿青靄故可尚也先天之君俾
人在宥歡心格于上帝喜氣降爲陽春時則太子太
師徐國公左丞相稷山公右丞相始興公少師宜陽
公少保崔公特進鄧公吏部尚書武都公禮部尚書
杜公賓客王公黼衣方領垂璫珥筆詔有不名命無

下拜熙天工者坐而論道典邦教者官司其方典邦教唐文粹作掌

邦典相與察天地之和人神之泰聽于朝則雅頌矣問

于野則賡歌矣迺曰猗哉至理之代也吾徒可以酒

合讌樂考擊鐘鼓退于彤庭選辰擇地選唐文粹作撰右班劍

驂六駟畫輪載轂羽幢先路以詣夫逍遙焉唐文粹遙字下有谷字

神臯藉其綠草驪山啓于朱戶渭之美竹魯之嘉樹

雲出其棟水源于室唐文粹作雲出于棟水環其室灞陵下連乎菜地菜顧本作萊誤今從

唐文粹本新豐半入于家林館層巔檻側逕逕舊作趣非師古節儉

惟新丹堊巖谷先曙羲和不能信其時卉木後春勾

芒不能一其令卉木唐文粹作芳卉花逕窈窕蘅臯漣漪花唐文粹作桃漣漪唐文粹作超忽

驂御延佇于叢薄佩玉升降于蒼翠于是外僕告次

獸人獻鮮樽以大壘烹用五鼎木器擁腫即天姿以

爲飾沼毛蘋蘩在山羞而可薦伶人在位曼姬始穀
齊瑟慷慨于座右趙舞徘徊于白雲袞旒松風珠翠
烟露日在濛汜羣山夕嵐猶有濯纓清歌據梧高詠
與松喬爲伍是羲皇上人且三代之後而其君帝舜
九服之內而其俗華胥上客則冠冕巢由主人則弟
兄元愷是四美同乎一時廢而不書罪在司禮竊賢
楚傅常詣茅堂之居仰謝右軍忽序蘭亭之事賢唐文粹
作思
蓋不獲命豈曰能賢

姑射

莊子堯治天下之民平海內之政往見四子于藐姑射之山汾水之陽皆然喪其天下焉
太平寰宇記平山一名壺口山尚書謂壺口治梁及岐卽此也今名姑射山在晉州臨汾

縣西八里平水出焉足美石山海經云憲山之南三百里有姑射山冀州圖云西入文城郡以山爲
界莊子藐姑射之上有神人居焉肌膚若冰雪綽約若處子不食五穀吸風飲露乘雲氣御飛龍而
遊乎四海之外堯見之皆
然喪其天下卽此地也
方外 莊子彼遊方之外者也而丘遊方之內者
也曹植七啓雍容暇豫娛志方外
王官 左傳若治
其故則王

官之
邑也

小隱

見十一卷
大隱註中

在宥

莊子聞在宥天下不聞治天下也在之也者恐天下之淫其性
也宥之也者恐天下之遷其德也天下不淫其性不遷其德有

洽天下者謂之三 **黼衣**見五卷朱紱註中 **下拜**左傳王使宰孔賜齊侯昨齊侯將下拜孔曰且有後命天子使孔曰以伯舅耄老加勞賜一級無下拜 **坐**

而論道謂之三 **官司其方**左傳夫物物有其官官修其方朝夕思之 **賡**

歌賡續也事見虞書帝舜作歌歸美股肱臯陶以其義未足乃續為歌詩責難于君以成其義 **猗哉**玉篇猗嘆辭也韻會猗假借為美也 **班劍**王儉

碑文給班劍二十人劉良註班劍謂執劍而從行者也李周翰註班劍木劍無刃假作劍形畫之以文故曰班也任昉竟陵文宣王行狀虎賁班劍百人李善註晉公卿禮秩曰諸公及開府位從公者

給虎賁二十人持班劍焉呂向註班列也言使勇士行列持劍以為儀仗 **六駟**左傳程鄭為乘也通鑑宋紀劭使班劍及左右排湛胡三省註班劍持劍為班立在車前

杜預註六駟六閑之駟周禮諸侯有六閑焉孔穎達正義以駟是主駕之官 **羽幢**漢書韓延壽傳建幢棨植羽葆晉灼曰幢旗幢也師古曰幢麾也說文幢旗旗之屬 **先**

路楚辭乘騏驎以馳騁 **驪山**太平寰宇記驪山在昭應縣東南三里即藍田山也温湯出山

里人行橋上車行橋下今石柱猶存一統志驪山在臨潼縣東南二里因驪戎所居故名 **美竹**

史記渭川千畝竹其人與千戶侯等 **嘉樹**左傳晉侯使韓宣子來聘宴于季氏有嘉樹焉宣子譽之 **菜地**即采地也古菜 **層巔**

謝靈運詩葦宇臨迴江築觀基曾巔 **丹堊**子虛賦其土則丹青赭堊雌黃白粉師古曰丹今之

劉良註會高也言築觀于高山之巔 **窈窕**謝靈運詩側逕窈窕環洲亦

義和廣雅日御謂之義和 **勾芒**月令孟春仲春季春之月其神勾芒 **延佇**楚辭結桂兮延佇王 **叢薄**淮南

臯曹植洛神賦稅駕乎蘅皋秣駟乎芝田李善註蘅杜蘅也臯澤也劉良註蘅皋香草之澤也

飛千仞之上獸走叢薄之中高誘註聚木曰叢深草曰薄鮑照蕪城賦灌莽杳而無際叢薄紛其相依呂向註叢薄草木相雜也
外僕 杜預左傳註外僕掌次舍者
獸

人 左傳子有軍事獸人無乃不給于鮮敢獻于從者杜預註新殺為鮮
大壘 鄭康成周禮註大壘瓦鼻也
五鼎 漢書丈夫生不五鼎食張晏註五鼎食牛

羊豕魚麋也諸侯五卿大夫三
擁腫 莊子吾有大樹人謂之樗其大本擁腫而不中繩墨
沼毛 左傳澗谿沼沚之毛蘋蘩蘊藻之菜杜預註沼池也毛草也蘋大萍也蘩

也
曼姬 子虛賦鄭女曼姬文穎註鄭國出好女曼者其色理曼澤也
齊瑟 曹子建詩秦箏發西氣齊瑟揚東謳
濛汜 楚辭出自

濛汜王逸註汜水涯也言日出東方湯谷之中暮入西極蒙水之涯也淮南子躡回濛汜之渚高誘註濛汜日所入之地也
松喬 西都賦庶松喬之羣類時遊從乎斯庭赤松王喬皆

古仙人
羲皇 宋書陶潛嘗言五六月北牕下臥遇涼風暫至自謂是羲皇上人
司禮 唐書百官志龍朔二年改禮部曰司禮
楚傅 漢書

為楚元王傅傅子夷王及孫王戊戊荒淫不遵道孟作詩風諫後遂去位徙家于鄒又作一篇其在鄒詩曰爰戾于鄒鬻茅作堂我徒我環築室于墻
右軍 晉書王羲之嘗與同

志宴集于會稽山陰之蘭亭羲之自為之序以申其志或以潘岳金谷詩序方其文羲之比于石崇聞而甚喜
豈曰能賢 左傳若棄德不讓是廢先君之舉也豈曰

能賢
成按篇中所稱太子太師徐國公是蕭嵩右丞相始興公是張九齡少師宜陽公是韓休禮部尚書杜公是杜暹賓客王公是王邱左丞相稷山公當是裴耀卿然史傳但言封趙城侯不言封稷山公

當是闕文餘二人未詳據劉昫唐書本紀云開元二十四年十一月侍中裴耀卿為尚書左丞相中書令張九齡為尚書右丞相尚書右丞相蕭嵩為太子太師工部尚書韓休為太子少保至二十五

年四月張九齡左授荊州長史不在朝廷矣是諸公讎集實在二十五年之春

名賢畢集錫咏交錯何減金谷蘭亭之會而篇什不傳德音烟沒惜哉
王右丞集卷十九
二
中華書局聚

洛陽鄭少府與兩省遺補宴韋司戶南亭序

惟帝克辟惟股肱克左右庶績允釐有司多暇舉無
違德孰獻其可雖列侍丹陛而罕伏青蒲攄懷致館

灞陵南望曲江左轉轉善本作輔非登一級而鄂杜如近盡三

休而天地始大凝氣向晦蒼蒼寒木式與汝歌多酌

我酒墨客既序親當獸炭膳夫交馳屢奏鮮食夫含

德之厚與時偕化拂衣為放為唐文粹作而則野人于小隱之

中束帶而朝則君子于大夫之後何軌轍一境是非

外物哉且騎有羈繼繼唐文粹作勒徒有次舍可以永日可以

繼夜客非詩人之徒歟奚其嘿也

司戶唐六典上州司戶參軍事二人從七品下中州一人正八品下下州一人從八品下股肱左傳君之卿佐是為股肱克左右商書惟尹

躬克左右厥辟宅師允釐尚書允釐百工庶績咸熙孔安國傳允信釐治工官績功也青蒲漢書史丹直入臥內頓首伏青蒲上應劭曰以青規地曰青蒲自非皇后

不得西都賦願賓據懷古**鄠杜**西都賦商洛緣其隈鄠杜濱其**式**式用**獸炭**

至此晉書羊琇性豪後費用無復齊限而屑炭和作獸形以温酒洛下豪貴咸競效之**膳夫**成按周禮膳夫乃是食官之長掌王之食飲膳羞者後人借為廚子之稱**鮮食**

尚書暨益奏庶鮮食孔安**羈繼**左傳臣負羈繼從君巡于天下杜預註羈馬羈也繼馬韉也孔穎達正義說文云羈馬絡頭也又曰馬絆繼係也少儀云犬則

執繼牛則執紉馬則執鞫服虔云一曰犬纏曰繼古者行則有犬杜今正以繼為馬纏者繼是係之別名係馬係駒皆得稱繼彼對文耳散則可以通巡于天下用馬為多故主于馬耳玉篇繼思列切

馬韉**次舍**漢書吳王濞傳治次舍須大王師古註次舍息止之處也

送高判官從軍赴河西序

河西顧本作西河誤今校正

今上合大道以撫荒外振長策以馭宇內故左言返

踵穿胸沸脣膺騰白波驟輸碧帑之貢腹阻赤坂傳

致紫琥之琛辦髮名王養馬于下廐魑結去帝獻珠

于小臣而犬戎不識蝸角自大偷安九服之外謂天

誅罕及自絕所國之後而王祭不供天子按劍謀臣

切齒思以赤山為城青海為塹盡平其地悉虜其人

而上將有哥舒大夫者名蓋四方身長八尺眼如紫
石稜鬚如蝟毛磔指撝而百蠻不守叱咤而萬人俱
廢髻鬕奮髯哮吼如虎裂眚大怒磨牙欲吞不待成
師固將身先士卒常思盡敵不以賊遺君父矢集月
窟劍斬天驕蹴岷崙使西倒縛呼韓令北面豈直趙
人祭其東門匈奴不敢南牧而已開府之日辟書始
下以爲踴躍用兵健將之事意氣跨馬俠少之能蓋
欲謀夫起予哲士俾我殲黠虜以無類舉外國如拾
遺待夷門而不食置廣武于上座始得我高子焉高
子讀書五車運籌百勝慷慨謀議折天口之是非指
畫山川知地形之要害嘗著七發曹王慕義每奏一
篇漢文稱善緣情之製獨步當時主人橫挑而有餘

墨客仰攻而不下公卿籍甚遍交歡于五侯孫吳暗
合將建功于萬里徵以露版召見甘泉衣短後之衣
帶櫛具之劍象弧彫服鞭弭橐鞬目無先零氣射西
旅蒼頭宿將持漢節以臨戎白面書生坐胡牀而破
賊然孤烽遠戍黃雲千里巖城落日而閉鐵騎升山
而出胡笳咽于塞下畫角發于軍中亦可悲也遲子
之獻凱雲臺奏事宣室紫綬曳地金印如斗列居東
第位爲通侯舊友拜塵羣公書幣祁大夫老矣武安
侯問乎

振長策

史記振長策而御宇內師古曰以乘馬爲喻也策所以攝馬也

返踵

淮南子丹穴太蒙反踵空同大夏北戶奇肱修股之民高誘註反踵國名其人南行

武跡
向北穿胸

山海經貫胸國其爲人胸有竅郭璞註尸子曰四夷之民有貫胸者有深目者有長肱者黃帝之德嘗致之異物志曰穿胸之國去其衣則無自然者蓋似效此貫胸人

也淮南子地形訓有穿胸民高誘註穿胸胸前穿孔達背博物志昔禹平天下會諸侯會稽之野防風氏後到戮之夏德之威二龍降之禹使范成克御之行域外既周而還至南海經防風防風之神

二臣以塗山之戮見禹使怒而射之迅風雷雨二龍昇去二臣恐以刃自貫其心而死禹哀之乃拔其刃療以不死之草是為穿胸民 **沸脣** 晉書沸脣成俗鳴鑄為羣劉孝標辨命論

左帶沸脣乘間電發李善計齊梁之間通 **膺騰** 王褒四子講德論膺騰撤波而濟水不如乘舟之逸也 **碧怒** 梁簡文帝

大法頌序金鑄鐵面貢碧怒之琛航海梯山奉白環之使王融曲水詩序文鉞碧怒之琛奇幹善芳之賦李善註徐廣晉紀曰鮮卑以碧石為寶王沉魏書曰東夷矢用楛青石為鏃 **赤**

坂 漢書西域傳又歷大頭痛小頭痛之山赤土身熱之坂令人身熱無色頭痛嘔吐驢畜盡然鮑照苦熱行赤坂橫西阻 **養馬** 漢書金日磾字翁叔本匈奴休屠王太子

也單于怨昆邪休屠居西方多為漢所破召其王欲誅之昆邪休屠恐降漢休屠王後悔昆邪王殺之并將其眾降漢封昆邪王為列侯日磾以父不降見殺與母閼氏弟倫俱沒入官輸黃門養馬

魁結去帝 史記陸賈傳尉他平南越因王之高祖使陸賈賜尉他印為南越王陸生至尉他魁結箕踞見陸生陸生因進說尉他乃蹶然起坐謝陸生又南越尉陀傳詔

丞相陳平等舉可使南越者平言好時陸賈先帝時習使南越乃召賈以為大中大夫往使因讓陀自立為帝曾無一介之使報者陸賈至南越王甚恐于是下令國中自今以後去帝制黃屋左纛服

虔曰魁音椎今兵士椎頭結也索隱云魁直追反結音計謂為誓一撮以椎而結之故字從結且按魁結二字依字讀之亦通謂夷人本被髮左衽今陀同其風俗但魁其髮而結之也顏師古漢書註

結讀曰誓椎誓者一撮之誓其形如椎 **王祭不供** 見十二卷 **天子按劍** 鮑照詩天子按劍怒 **赤山** 後漢書烏

桓傳赤山在遼 **青海** 周書吐谷渾治伏俟城在青海西十五里青海 **哥舒大夫** 劉昫唐書

哥舒翰突騎施首領哥舒部落之裔也蕃人多以部落稱姓因為氏世居安西翰家富于財佃儻任俠好然諾縱蒲酒年四十遭父喪三年客居京師為長安尉不禮慨然發憤折節仗劍之河西事

節度使王倕倕攻新城使翰經略三軍無不震懼後節度使王忠嗣補為衙將翰好讀左氏春秋傳及漢書踈財重氣士多歸之忠嗣以為大斗軍副使嘗使翰討吐蕃于新城有同列為副者見翰禮

倨不為用翰怒搗殺之軍中股慄遷左衛郎將後吐蕃寇邊翰拒之于苦拔海其眾三行從山差池而下翰持半段槍當其鋒擊之三行皆敗無不摧靡由是知名天寶六載擢授右武衛員外將軍充隴西節度副使都知關西兵馬使河源軍使先是吐蕃每至麥熟時即率部眾至積石軍獲取之共呼為吐蕃麥莊前後無敢拒之者至是翰使王難德楊景暉等潛引兵至積石軍設伏以待之吐蕃以五千騎至翰于城中率驍勇馳擊殺之略盡餘或挺走伏兵邀擊匹馬不還其冬元宗在華清宮勅召翰至與語悅之遂以為鴻臚卿兼西平郡太守攝御史中丞代忠嗣為隴右節度支度營田副大使知節度事明年築神威軍于青海上吐蕃至攻破之又築城于青海中龍駒島有白龍見遂名為應龍城吐蕃屏跡不敢近青海吐蕃保石堡城路遠而險久不拔八載以朔方河東羣牧十萬眾委翰總統攻石堡城翰使麾下將高秀巖張守瑜進攻不旬日而拔之上錄其功拜特進鴻臚員外卿與一子五品官賜物千匹莊宅各一所加攝御史大夫十一載加開府儀同三司十二載進封涼國公食實封三百戶加河西節度使尋封西平郡王十三載拜太子太保更加實封三百戶又兼御史大夫

眼如紫石稜鬚如蝟

毛磔 晉書桓溫豪爽有風槩姿貌甚偉面有七星少與沛國劉惔善惔常稱之曰溫眼如紫石稜鬚作蝟毛磔孫仲謀晉宣王之流亞也 **叱咤** 史記項王

千人皆廢索隱曰叱昌栗反咤卓嫁反或作吒暗噤 **髮鬚** 張衡西京賦及其猛毅髮鬚隔 **磨** 懷怒氣叱咤發怒聲孟康曰廢伏也張晏曰廢偃也 **髮鬚** 目高眶廣韻鬚鬚猛獸奮鬚貌

牙 揚雄長楊賦鑿齒之徒相與磨牙而爭之 **成師** 左傳成師以出 **身先士卒** 吳志孫輔傳孫策西襲廬

士卒 **賊遺君父** 後漢書是時帝在魯聞耿弇為張步所攻自往救之未至陳俊謂弇曰劇 **有功** 虜兵威可且閉營休士以須上來弇曰乘輿且到臣子當擊牛灑酒以待

百官反欲以賊 **月窟** 揚雄長楊賦西壓月窟東震日域服 **崑崙** 趙至與嵇茂齊書披艱掃 **虞遺君父耶** 虞曰蜻音窟穴之窟月窟月所生也 **穢蕩海夷岳蹴崑崙使西**

倒蹋太山 **呼韓** 漢書匈奴傳姑夕王與烏禪幕及左 **東門** 史記齊威王曰吾吏有黔夫者 **令東覆** 地實人共立稽侯獬為呼韓邪單于 **使守徐州則燕人祭北門趙人**

祭西門徙而從者七十餘家賈逵曰燕趙之人畏見侵伐故祭以求福此云東門疑誤

南牧

史記乃使蒙恬北築長城而守藩籬却匈奴七百餘里胡人不敢南下而牧馬

辟書

阮籍奏記開府之日人人自以為掾屬辟書始下走為首李善註辟猶召也

踴躍用兵

邙風擊鼓其鏜踴躍用兵

健將

後漢書呂布傳與其健將成廉魏越等數十騎馳突燕陣

謀夫

小雅謀夫孔多俾人卑聲

拾遺

漢書梅福傳高祖舉秦如鴻毛

取楚如拾遺

廣武

漢書韓信以兵數萬欲東下井陘擊趙趙王成安君陳餘聞漢且襲之聚兵井陘口號稱二十萬廣武君李左車說成安君曰臣聞千里饋糧士有饑色樵薪

後爨師不宿飽今井陘之道車不得方軌騎不得成列行數百里其勢糧食必在後願足下假臣奇兵三萬人從間路絕其輜重足下深溝高壘勿與戰彼前不得鬪退不得還吾騎兵絕其後野無所掠鹵不至十日兩將之頭可致戲下願君留意臣之計必不為二子所禽矣成安君儒者常稱義兵不用詐謀奇計不聽廣武君策信使間人窺知其不用還報則大喜乃敢引兵遂下破虜趙軍斬成

安君泝水上禽趙王歇乃令軍毋斬廣武君有生得之者購千金頭之有縛而至戲下者信解其縛東鄉坐西鄉對而師事之

百勝

史記臣有百戰百勝之術

天口

任彥昇宣德皇后令辯析天口而似不能言李善註七略曰齊田駢好談論故齊人為語曰天口駢天口者言田駢子不可窮

運籌

淮南子運籌于廟堂之上而決勝千里之外矣

其口若事

北史長孫晟口陳形勢手畫山川寫其虛實皆如指掌

七發

曹子建七發序昔枚乘作七發傅毅作七激張衡作

七辯崔駰作七依辭各美麗余有慕之焉遂作七啓

每奏一篇

史記陸賈傳高帝乃謂陸生曰試為我著秦所以失天下吾所以得之者何及古成敗之國陸生乃讎述

緣情

陸機文賦詩緣情而綺靡賦體物而

存亡之徵凡著十二篇每奏一篇高帝未嘗不稱善

公卿籍

陸機文賦詩緣情而綺靡賦體物而

左右呼萬歲號其書曰新語此云漢文疑訛

公卿籍

陸機文賦詩緣情而綺靡賦體物而

以陳事故曰體物

獨步當時

北史自孝明之後文雅大感邢邵雕蟲之美獨步當時每一文初出京師為之紙貴誦讀俄遍遠近

公卿籍

甚 漢書陸賈以此游漢庭公卿間名聲籍甚孟康曰言狼籍甚

孫吳

晉書平吳之後帝詔天下罷軍役示海內大安州郡悉去兵大郡置武吏百人小郡五十人帝嘗講武于

宣武場山濤時有疾詔乘步輦從因與盧欽論用兵之本以為不宜去州郡武備其論甚精于時咸以濤不學孫吳而闇與之合

召見甘泉

漢書劉德少時數言

事召見甘泉宮武帝謂之千里駒

短後之衣

莊子吾王所見劍士皆蓬頭突鬢垂冠曼胡之纓短後之衣瞋目而語難

櫛具之劍

漢書雋不疑冠進賢冠帶櫛具劍珮環玦褒衣博帶盛服至門上謁應劭註櫛具木標首之劍櫛落壯大也晉灼曰古長劍首以玉作井鹿盧形上刻木作山形如蓮花初生未敷時今大劍木首其狀

似此師古曰晉說是也櫛音磊

象弧彫服

鮑照詩氈帶佩雙鞬象弧插彫服張銑註象弧象牙飾弓也服盛箭器彫畫也

鞭弭橐鞬

左傳其左執鞭弭右屬橐鞬以與君周旋杜預註弭弓末無緣者橐以受箭鞬以受弓孔穎達正義曰釋器云弓有緣者謂之弓無緣者謂之弭李巡曰骨飾兩頭曰弓不以骨飾兩頭曰弭孫炎曰緣

謂繳束而漆之弭謂不以繳束骨飾兩頭者也二說雖反俱以弭為弓末也詩云載橐鞬弓矢則弓矢所藏俱名橐也昭元年傳伍舉請垂橐而入註云示無弓則橐亦受弓之物方言云弓藏謂之鞬此

橐鞬二物必一弓一矢以鞬是受弓故云橐以受箭因對文而分之耳

先零

後漢書西羌傳元康三年先零乃與諸羌大共盟誓將欲寇邊帝聞使安國將兵觀之安國至召先零豪

四十餘人斬之因放兵擊其種斬首千餘級于是諸羌怨怒遂寇金城乃遣趙充國與諸將將兵六萬人擊破平之鄭氏曰零音憐

西旅

尚書西旅底貢厥獒孔穎達正義西方之

戎有國名蒼頭宿將

宋書沈慶之患頭風好著狐皮帽羣蠻惡之號曰蒼頭公每見慶之軍輒畏懼曰蒼頭公已復來矣戰國策田盼宿將也

白

面書生

宋書沈慶之傳陛下今欲伐國而與白面書生蠶謀之晉書張重華以謝艾為使持節軍師將軍率步騎三萬進軍臨河麻秋以三萬眾距之艾乘輅車冠白帽鳴鼓而

行秋望而怒曰艾年少書生冠服如此輕我也命黑稍龍驤三千人馳擊之艾左右大擾左戰帥李偉勸艾乘馬艾不從乃下車踞胡牀指麾處分賊以為伏兵發也懼不敢進張瑄從左南緣河而截

其後秋軍乃退艾乘
勝奔擊遂大敗之
鐵騎晉書精甲耀日
鐵騎前驅
宣室三輔黃圖宣室未央前殿正室也淮南子
云周武王殺紂于宣室漢取舊名也漢書

曰文帝受釐宣室夜半前席賈
生問鬼神之事即此也
紫綬劉昫唐書二品三品紫綬三采紫黃赤紅
紫實長一丈六尺一百八十首廣八寸
金印如

斗晉書周顛傳今年殺諸賊
奴取金印如斗大繫肘
東第漢書司馬相如傳位為通侯居列東第師古註東第甲宅
也居帝城之東故曰東第也張揖註列東第在天子下方

通侯漢書高帝紀通侯諸將毋敢隱朕應劭曰舊曰徹侯避武
帝諱曰通侯通亦徹也通者言其功德通于王室也漢書

拜塵晉書潘岳與石崇等詔事賈謐
每候其出與崇輒望塵而拜
祁大

夫左傳襄三年祁奚請老晉侯問嗣焉稱解狐其讎也將立之而卒又問焉對曰午也可于是羊
舌職死矣晉侯曰孰可以代之對曰赤也可于是使祁午為中軍尉羊舌赤佐之君子謂祁奚

于是能舉善矣稱其讎不為詔立其子不為比舉其偏不為黨商書曰無偏無黨王道蕩蕩其祁奚
之謂矣又襄二十一年范宣子囚叔向樂王鮒見叔向曰吾為子請叔向不應出不拜其人皆咎叔

向叔向曰必祁大夫祁大夫外舉不棄讎內舉不失親其獨遺我乎
于是祁奚老矣聞之乘駟而見宣子宣子與之乘以言諸公而免之
武安侯成按漢時田蚡
封武安侯三國

時曹爽亦封武安侯
然與此俱不合

送李補闕充河西支度營田判官序

漢張右掖以備左衽西遮空道北護居延然犬戎夜

獵于山外匈奴射鵬于塞下歲或有之我散騎常侍

曰王公勇能盡敵禮可用兵讀黃石書殺白馬將入
備顧問載以乘輿副車出命專征賜以內棧文馬將
軍幕府請命介于本朝天子瑣闈輟諫官以從士補
闕李公家世龍門詞場虎步五經在笥一言蔽詩廣
屯田之蓄度長府之羨以贍邊人以弱敵國然後馳
檄識匿略地崑崙使麾下騎刃樓蘭之腹發外國兵
繫郅支之頸五單于遁逃于漠北雜種羌不近于隴
上子之行也不謂是乎拜首漢庭驅傳而出窮塞砂
磧以西極黃河混沌而東注胡風動地朔雁成行拔
劍登車慷慨而別

補闕

唐書百官志門下省有左補闕六人
中書省有右補闕六人皆從七品上

支度營田判官

唐書百官志節度使
兼支度營田招討經

略使則有副使
判官各一人

漢張右掖

漢書地理志張掖郡故匈奴昆邪王地武帝太
初元年開應劭曰張國營掖故曰張掖也

西遮空

道漢書西域傳漢興至于孝武事征四夷廣威德而張騫始開西域之迹其後驃騎將軍擊破匈奴右地降渾邪休屠王遂空其地始築令居以西初置酒泉郡後稍發徙民充實之分置武威

張掖敦煌列四郡據兩關焉 **射鵰**史記天子使中貴人從廣勒習兵擊匈奴中貴人將騎數十縱見匈奴三

也廣乃遂從百騎往馳三人三人亡馬步行行數十里廣令其騎張左右翼而廣身自射彼三人者殺其二人生得一人果匈奴射鵰者也索隱曰案服虔云鵰大驚鳥也一名鶩黑色多子可以其毛

羽 **禮可用兵**左傳晉侯登有莘之虛以觀師 **黃石書**漢書張良遊下邳圯上有

則為王者師後十年興十三年孺子見我濟北穀城山下 **副車**晉書與服志屬車一曰副車一

黃石即我已遂去不見且日視其書乃太公兵法 **內棧**顏延年緒白馬賦序歲老氣殫

駕屬車八十一乘行 **專征**白虎通好惡無私執意不 **文馬**左傳宋人以兵車百乘文馬百駟孔穎達正義

彪曰棧若椽牀施之濕地也呂 **幕府**史記李牧傳市租皆輸入莫府如淳曰將軍征行無常處所在為治故言莫府莫大也索隱曰如淳

解莫為大非也崔浩云古者出征為將帥軍還則罷理無常處以幕帟為府署故曰幕府則莫當為

幕字之誤也又李廣傳莫府省約文書籍事索隱曰案大顏云凡將軍謂之莫府者蓋兵門合施帷

帳故稱幕府古字通用遂作莫耳小爾雅訓為大非也漢書李廣傳莫府省文書晉灼曰將軍職在

征行無常處所在為治故言莫府也莫大也或曰衛青征匈奴絕大莫大克獲帝就拜大將軍于幕

中府故曰莫府莫府之名始于此也師古曰二說皆非也莫府者以軍幕為義古字通單用耳軍旅

五

龍門

介

虎步

詞場

有升其堂者皆以為登龍門

下名教是非為己任後進之士

此則非因衛青始有其號又莫訓大于義乖矣

無常居也故以帳幕言之廉頗李牧市租皆入幕府

征行無常處所在為治故言莫府也莫大也或曰衛青征匈奴絕大莫大克獲帝就拜大將軍于幕

中府故曰莫府莫府之名始于此也師古曰二說皆非也莫府者以軍幕為義古字通單用耳軍旅

帳故稱幕府古字通用遂作莫耳小爾雅訓為大非也漢書李廣傳莫府省文書晉灼曰將軍職在

解莫為大非也崔浩云古者出征為將帥軍還則罷理無常處以幕帟為府署故曰幕府則莫當為

幕字之誤也又李廣傳莫府省約文書籍事索隱曰案大顏云凡將軍謂之莫府者蓋兵門合施帷

彪曰棧若椽牀施之濕地也呂

則中央左右分為行

則為王者師後十年興十三年孺子見我濟北穀城山下

黃石即我已遂去不見且日視其書乃太公兵法

駕屬車八十一乘行

則中央左右分為行

則為王者師後十年興十三年孺子見我濟北穀城山下

黃石即我已遂去不見且日視其書乃太公兵法

駕屬車八十一乘行

則中央左右分為行

經在笥

後漢書邊韶字孝先陳留浚儀人也以文學知名教授數百人韶口辯會晝日假臥

腹便便五經笥但欲眠思經事寐與周公通夢

長府

何晏論語集解長府藏名也藏貨財曰府

曰尸棄尼曰瑟匿東南直京師九千里東五百里距葱嶺守捉所南三百里屬護密西北五百里抵

商賈播蜜川四谷稍不用王號令俗窟室

岷崙

禹貢織皮岷崙析支渠搜西戎即敘孔安國傳織皮毛布有此四國

以織皮冠之傳言織皮毛布有此四國岷崙也析支也渠也搜也四國皆是戎狄也末以西戎總之

遠及戎狄故記之也鄭元云衣皮之民居此岷崙析支渠搜三山之野者皆西戎也王肅云岷崙在

不必為山

刃樓蘭

漢書樓蘭王為匈奴反間數遮殺漢使其弟尉屠耆降漢具言狀元鳳四

揚言以賜外國為名既至樓蘭詐其王欲賜之王喜與介子飲醉將其王屏語壯士二人從後刺王

母敢動自令滅國矣介子遂斬王嘗歸首

郅支

漢書宣帝時匈奴乖亂五單于並爭漢擁立呼

居其後都護甘延壽副校尉陳湯發戍己

漠北

漢書武帝紀元封元年遣使者告單于曰南越

邊不能取來臣服何但亡匿幕

雜種羌

後漢書西羌傳元和三年迷吾與弟號吾諸雜種反

號吾將詣郡號吾曰獨殺我無損于羌誠得生歸必悉罷兵不

驅傳

蕭管啟時賦始解印于稽

無庸奉天驍驅傳牧南秦

混沌

枚乘七發混沌渾渾狀如奔馬李善註混沌渾渾波相隨之貌

朔雁

謝靈運撰征賦眷轉蓬之辭根悼朔雁之赴越

送懷州杜參軍赴京選集序

國自有初以節守西門者得自召吏選客故我常侍
 崔公以貳車迎杜侯于杜陵而咨之矣舍之門下衣
 儒者之服立于軍中說諸侯之劍猗元帥之理也行
 有賁育鐵馬成羣而雄戟罕耀角弓載橐秉王者師
 不邀奇功樓庭籍甚高冠長劍拜命雲臺在是行也
 羣公自出轅門驂駢滿路置酒欲飲高歌自悽寂寥
 孤城惆愴朔管飛雪蔽野長河始冰吾子勉之慷慨
 而別

懷州

唐書地理志河北道有懷州河內郡

參軍

唐書百官志外官有錄事參軍功曹參軍倉曹參軍田曹參軍戶曹參軍兵曹參軍法曹參軍士曹參軍

貳

車

國語大夫有貳車備承事也韋昭解貳副也

諸侯劍

莊子諸侯之劍以知勇士為鋒以清廉士為鏗以賢良士為脊以忠勝士為鐔以豪傑士為夾此劍直之

亦無前舉之亦無上案之亦無下運之亦無旁上法圓天以順三光下法方地以順四時中和民意以安四鄉此劍一用如雷霆之震也四封之內無不賓服而聽從君命者矣此諸侯之劍也

賁育 漢書司馬相如傳力稱烏獲捷言慶忌勇期賁育師古曰孟賁古之勇士也水行不避蛟龍陸行不避豺狼發怒吐氣聲響動天夏育亦猛士也史記註夏育衛人力舉千鈞

鐵馬 陸倕石闕銘鐵馬千羣朱旗萬里李善註鐵馬鐵甲之馬也 **雄戟** 子虛賦建干將之雄戟張揖云干將韓王劍師也雄戟胡中有鉅者干將所造史記索隱方言

云戟中小子刺者所謂雄戟也周處風土記云戟為五兵雄也鉅音巨案周禮冶氏為戈胡三之註云胡其子也又周禮圖謂戟反曲下為胡也 **載橐** 周頌載戢干戈載橐弓矢毛萇

傳橐韜也孔穎達正義曰橐者弓衣一名韜故納弓于衣謂之韜弓 **高冠長劍** 後漢書若夫高冠長劍紆朱懷紫者布滿宮闈 **轅門** 周禮設車宮轅門鄭康成註謂王行止宿阻險之處備非常次車以為藩則仰車以其轅表門

孔穎達正義云謂仰兩乘車轅相向以表門故名為轅門後人稱軍門為轅門本此 **朔管** 謝莊月賦聆臯禽之女聞聽朔管之秋引李善註朔管羌笛也說文云管十二月位在北方故云朔呂向註朔管謂北胡之笛也

送鄆州須昌馮少府赴任序

少年明經試出補吏學通大義政習前典本之于德輔之以才大官大邑可也不惟是歟予昔仕魯蓋嘗之鄆書社萬室帶以魚山濟水旗亭千隧雜以鄭商周客有鄆人之風以厚俗有汶陽之田以富農齊紈

在笥河魴登俎一都會也子其不寶貨不耽樂不弄法不慢官無侮老成人無虐孤與幼上官奏課輜軒以聞則繡衣方領垂璫珥筆子所得也誰敢有之予病且憊歲晚彌獨窮巷衡門落日秋草趙服過我且東其轅促飯中廚子不可以蔬食送車出郭吾不可以徒行屨以及門拜于宇下猶且抱杖延頸送之以目城 樹轉悲其馬嘶云

須昌

唐書地理志河南道鄆州東平郡有須昌縣

明經

唐大典凡舉試之制每歲仲冬率與計偕其科有六二曰明經凡明經先帖經然後口試并答策取粗有

文性者為通註云舊制諸明經試每經十帖孝經二帖論語八帖老子兼註五帖每帖三言通六已上然後試策十條通七即為高第開元二十五年勅諸明經先帖經通五已上然後口試每經通問大義十條通六已上并答時務策三道

前典

晉書憲章令軌祖述前典

書社

左傳自濟以西襁媚杏以南書社五百杜預註二十五家為一社籍書而致之史記

昭王將以書社地七百里封孔子服虔曰書籍也索隱曰古者二十五家為里里則各立社則書社者書其社之人于籍蓋以七百里書社之人封孔子也

魚山

元和郡縣志魚山一

名吾山在鄆州東阿縣南二十里瓠子歌曰吾山平兮巨野溢魚沸鬱兮迫冬日即此山也

濟水

元和郡縣志鄆州須昌縣濟水南自鄆城縣界流入去縣西二里

旗

亭

張衡西京賦旗亭五重俯察百隧薛綜註旗亭市樓也隧列肆道也李周翰註隧市道也

汶陽之田

左傳公賜季友汶陽之田杜預註汶陽田汶水北地

汶水出泰山萊蕪縣西入濟太平寰宇記故汶陽縣在兗州龔邱縣東北五十里其城側田沃壤故魯號汶陽之田成公二年齊人歸我汶陽之田是也

齊紈

漢書地理志齊地織

作冰紈綺繡純麗之物如淳曰紈白熟也臣瓚曰冰紈紈細密堅如冰者也師古曰紈素也梁元帝謝東宮啓鮮潔齊紈聲高趙穀

河魴

國風豈其食魚必河之魴

無

侮老成人

商書無侮老成人無弱孤有幼

奏課

任昉齊竟陵王行狀又以奏課連最進號冠軍將軍 輶軒

風俗通周秦常以八月遣輶軒

之使求異代方言還奏籍之藏于祕室

送之以目

呂氏春秋客有見田駢者被服中法進退中度趨翔閑雅辭令遜敏田駢聽之畢而辭之客出田駢送之以目

送鄭五赴任新都序

邠人前京兆右扶風居上谷間

上疑是山字或川字之訛

與寢園接七月之什蕩無遺風五陵之豪雜居其地故有黠吏惡

少犯命干紀干舊作于非政寬則以姦病人操急則以事中

吏鄭子爲邑也絃歌之化洋溢四封雷霆之威燁赫

百里下車按捕盡致法焉繡衣下帷風俗之治之疑是以字之訛

苟以文墨抵罪除名爲人削跡于野杜陵解印時賣

故侯之瓜彭澤無官詎有公田之黍牽衣肘見步雪履穿獲戾由中是貧非病屬聖朝龍旂鑾輅登封告成之事畢蒼玉黃琮郊天祀地之禮備天下無事海內乂安盡登仁壽之域猶下哀憐之詔萬方有罪與之更新百寮失職使復其位降邑宰爲輿尉從館墨而解褐龍星始見馬首欲西搢紳先生居多結友諸曹列署且有同時時工部侍郎蕭公詞翰之宗德義之府弱年筮仕一命聯官于奉常幾日左遷六人同罪于外郡籛金盛業克傳丞相文儒萬石高風彌重故人賓客賦詩寵別贈言誠行騎登棧道館于板屋劍門中斷蜀國滿于二川銅梁下臨巴江入于萬井黃鸝欲語夏木成陰悲哉此時相送千里

新都

唐書地理志劍南道成都府蜀郡有新都縣

邠

唐書地理志邠州新平郡義寧二年析北地郡之新平三州界一百二里自界首至京兆府一百八十里東南至本州界一百二里自界首至京兆府一百五

州京兆府西北至邠州三百里岐州扶風郡東北至邠州三百三十里九域志邠州新平郡南至本

州界一百二里自界首至京兆府一百八十里東南至本州界一百二里自界首至京兆府一百五

十五里橋陵在奉先縣西北三十里皆屬京兆府至天祐三年始割奉先一縣屬同州

由致王業之艱難也

五陵豪漢書原涉傳郡國諸豪及長安五陵諸為氣節者皆歸慕之師古曰五陵

杜陵霸陵非此五陵之類也而說者以為高祖以下至茂陵為五陵失其本意

黠吏漢書尹翁歸傳縣收取黠吏豪民按致其罪

惡少漢書昭帝紀發三輔

及郡國惡少年師古曰惡少年為無賴子弟也

田晉書陶潛為彭澤令在縣公田悉令種秫穀曰令吾常醉于酒

無表顏色腫噲手足胼胝三日不舉火十年不製衣正冠而纓絕捉衿而肘見納履而踵決

有上無下足盡踐地道中人笑之東郭先生應之曰誰能履行雪中令人視之其上履也其履下處乃似人足者乎

是貧非病

莊子子貢乘大馬中紺而表素軒車不容巷往見原憲原憲華冠縱履杖藜而應門子貢曰嘻先生何病原憲應之曰憲聞之

無財謂之貧學而不能行謂之病今龍旂魯頌龍旂承祀鄭康成箋交龍為旂

變輅江總詩翠渚還變輅瑤池命羽觴

登封告成

後漢書祭祀志羣司禮官咸以爲宜登封告成爲民報德

蒼玉黃琮

周禮以蒼璧禮天以黃琮禮地鄭康成註禮神者必

象其類璧圓象天琮八方象地

仁壽之域

漢書王吉傳毆一世之民躋之仁壽之域

更新

後漢書袁紹傳獨除細故與下更新

百寮

尙書皋陶謨百寮師師百工惟時孔安國傳僚官也

輿尉

左傳廢其輿尉服虔註輿尉軍尉主發衆使民國語知鐸遏寇之恭敬而信彊也使爲輿尉韋昭註輿尉上軍尉也非唐時縣尉之職右丞借

作縣尉用

解褐

褐衣庶人之服解去褐衣而登仕版晉書曹毗傳安期解褐于秀林魚父攬釣于長川

龍星始見

左傳龍見

而零杜預註龍見建巳之月蒼龍宿之體昏見東方孔穎達正義曰天官東方之星盡爲蒼龍之宿見謂合昏見也

馬首

左傳樂驥曰余馬首欲東

搢紳

文耆老大夫搢紳先生之徒二十有七人儼然造焉劉良註搢紳謂衣冠也後漢書楊彪傳今天下縷綏搢紳所以瞻仰明公者章懷太子註紳帶也搢插也插笏于紳也或作搢者淺赤言帶之色晉

書輿服志古者賈賤皆執笏其有事則搢之于腰帶所謂搢紳之士者搢笏而垂紳帶也

結友

後漢書吳祐舉孝廉將行郡中爲祖道祐越壇共小史雍邱黃真歡語移時與結友

而別三國志呂蒙因爲魯肅畫五策肅于是越席就之拊其背曰呂子明吾不知卿才略所及乃至于此也遂拜蒙母結友而別

諸曹

杜氏通典大唐州府佐吏有司功司倉司

戶司兵司法司士等六參軍在府爲曹在州爲司

列署

何晏景福殿賦屯方列署三十有二呂延濟註列署百官諸曹

蕭公

按唐書蕭嵩傳嵩子華當嵩罷相時擢給

事申久之爲工部侍郎天寶末爲兵部侍郎

德義之府

國語夫先王之法志德義之府也

奉常

唐六典太常寺龍朔二年改爲奉常咸亨

元年

左遷

史記周昌傳吾極知其左遷索隱曰地道尊右右貴左賤故謂貶秩爲左遷

籛金

漢書韋賢爲人質朴少欲篤志于學兼通禮尙書以詩教授號

稱鄒魯大儒本始三年代蔡義爲丞相少子元成後以明經歷位至丞相故鄒魯諺曰遺子黃金滿籛不如一經如淳曰籛竹器受三四斗今陳留俗有此器

萬石

史記萬石君家以孝

謹聞于郡國雖齊魯諸儒
實行皆自以為不及也
棧道史記索隱棧道閣道也音士諫反包愷音士版反崔浩云險絕之處傍鑿山巖而施版梁為閣

送從弟惟祥宰海陵序

天子若曰咨爾三事百辟寇賊姦宄震驚朕師其舉
吏二千石至墨綬予將大命于朝以撫方夏羣從曰
惟祥舊有令聞克奉成憲往踐乃職無恫于人獄貨
非寶農食滋碩浮于淮泗浩然天波海潮噴于乾坤
江城入于泱泭彼有美錦爾嘗操刀學古入官倚法
為吏上官奏課國將大選爾勞勉哉行乎唱予和汝

海陵

唐書地理志揚州廣陵郡有海陵縣

寇賊姦宄

舜典蠻夷猾夏寇賊姦宄孔安國傳羣行攻劫曰寇殺人曰賊在外曰姦在內曰宄

驚朕師

舜典朕聖讒說殄行震驚朕師孔安國傳震動也動驚我衆

二千石

漢書郡守秦官掌治其郡秩二千石

墨綬

賈公彥周

禮疏漢法丞相中二千石金印紫綬御史大夫二千石銀印黃綬縣令六百石銅印墨綬

以撫方夏

尚書誕膺天命以撫方夏孔安國傳以撫綏四方中夏

令聞

禮記三代之王也必先其令聞鄭康成註令善也

往踐乃職

左傳予嘉乃勳應乃懿德謂督不忘往踐乃職無逆朕命

獄貨

非寶

呂刑獄貨非寶惟府辜功報以庶尤孔安國傳受獄貨非家寶也

泱泱

西京賦山谷原隰泱泱無疆薛綜註泱泱無限域之貌

操刀

左傳子皮欲使尹何為邑子產曰少未知可否子皮曰愿吾愛之不吾叛也使夫往而學焉夫亦愈知治矣子產曰不可人之愛人求利之也今吾子愛人則以政猶未能操刀而使割也其傷實多子之愛人傷之而已其誰敢求愛于子子有美錦不使人學製焉大官大邑身之所庇也而使學者製焉其為美錦不已多乎

國傳言當先學古訓然後入官治政

唱予和汝

鄭風叔兮伯兮倡予和汝

學古入官

周官學古入官議事以制孔安

送衡嶽瑗公南歸詩序

衡嶽瑗上人者常學道于五峯蔭松棲雲與狼虎雜處得無所得矣天寶癸巳歲始遊于長安手提瓶笠至自萬里宴居吐論緇屬高之初給事中房公謫居宜春與上人風土相接因為道友伏臘往來房公既海內盛名上人亦以此增價秋九月杖錫南返扣門來別秦地草木撼然已黃蒼梧白雲不日而見滇陽有曹溪學者為我謝之

五峯

方輿勝覽衡山七十二峯最大者五祝融紫蓋雲密石廩天柱而祝融為最高

得無所得

涅槃經以自在故得一切法如來之心亦無得想何

以故無所得故若是有者可名為得實無所有云何名得若使如來計有得想是則諸佛不得涅槃以無得故名得涅槃以自在故得一切法得諸法故名為大我華嚴經于一切法得無所得

瓶笠

釋氏要覽淨瓶梵語軍遲此云瓶常貯水隨身用以淨手寄歸傳云軍持有二若藝瓦者是淨用若銅鐵者是觸用蓋律有二種一竹蓋二葉蓋寄歸傳云西域僧有持竹蓋或持

傘者梁高僧慧韶遇有請則自攜杖笠也今僧戴竹笠棕笠乃竹蓋葉蓋之遺製但去柄爾今又加油絹于上即唐馬周製在蓆帽以禦雨故効之也

房公

劉昫唐書房瑄傳天

寶五載擢試給事中賜爵漳南縣男坐與李適之章堅等善貶宜春太守

宜春

唐書地理志江南西道有袁州宜春郡

伏臘

史記秦本紀德公二年初伏正義曰六月

三伏之節起秦德公為之故云初伏伏者隱伏避暑也曆忌釋云伏者何也金氣伏藏之日也四時代謝皆以相生立春木代水水生木立夏火代木木生火立冬水代金金生水至于立秋以金代

火火畏于金故至庚日必伏庚者金故也說文臘冬至後三戌臘祭百神也左傳虞不臘矣杜預註臘歲終祭眾神之名孔穎達正義曰月令孟冬臘門閭及先祖五祀臘之見于傳記者唯月令與此

二文而已秦本紀惠王十二年初臘始皇二十一年更改臘曰嘉平蔡邕獨斷云臘者歲終大祭縱吏民宴飲非迎氣故但送不迎應劭風俗通云案禮夏曰嘉平殷曰清祀周曰大蜡漢改為臘臘者

獵也田獵取獸祭先祖也此言虞不臘矣明當時有臘祭周時臘與大蜡各為一祭言漢改曰臘不蜡而為臘矣

臧

潘岳秋興賦庭樹臧以灑落兮李善註臧枝空之貌李延濟註臧葉落貌

虞謚詩臧城芳葉零李善註臧凋柯貌

蒼梧白雲

藝文類聚歸藏曰有白雲出自蒼梧入于大梁

滇陽

滇陽疑是滇陽太平實字記英州滇陽縣

本漢舊縣屬桂陽郡隋為真陽縣五年屬涇州唐貞觀初州廢改真陽為滇陽屬廣州以滇山為名音貞

曹溪學者

六祖駐錫曹溪說法利人學徒甚眾所謂曹溪學者

是其門人也曹溪舊志曹溪故為曹侯村乃魏武帝元孫曹叔良里也以一水自東遶山而曲故稱曹溪

薦福寺光師房花藥詩序

心舍于有無眼界于色空皆幻也離亦幻也至人者
不捨幻而過于色空有無之際故目可塵也而心未
始同心不世也而身未嘗物物方酌我于無垠之域
亦已殆矣上人順陰陽之動與勞侶而作在雙樹之
道場以衆花爲佛事天上海外異卉奇藥齊諧未識
伯益未知者地始載于茲人始聞于我瓊蕤滋蔓侵
迴階而欲上寶庭盡蕪當露井而不合羣艷耀日衆
香同風開敷次第連九冬之月種類若干多四天所
雨至用楊枝已開貝葉高閣聞鐘升堂覲佛右繞七
匝卻坐一面則流芳忽起雜英亂飛焚香不俟于旃
檀散花奚取于優鉢漆園傲吏著書以稊稗爲言蓮

座大仙說法開藥草之品道無不在物何足忘故歌之詠之者吾愈見其嘿也

薦福寺 長安志開化坊半以東隋煬帝在藩舊宅武德中賜尚書左僕射蕭瑀為園後瑀子銳尚襄城公主詔別營主第辭以姑婦異居有乖禮則因固陳請乃取園地充主

第又辭公主榮戟不欲異門乃併施瑀之院門襄城薨後官市為英王宅文明元年高宗崩後百日立為大獻福寺度僧二百人以實之天授元年改為薦福寺中宗即位大加營飾自神龍以後翻譯

佛經並于此寺東院有放生池周二百餘步傳云即漢代洪池陂也 **齊諧** 莊子齊諧者志怪者也 **伯益** 列子大禹行而見之伯益知而名之夷堅聞而志之

山海經古序說禹乘四載隨山刊木定高山大川益與伯翳主驅禽獸命山川類草木別水土四嶽佐之以周四方逮人跡之所希至及舟輿之所罕到內別五方之山外分八方之海紀其珍寶奇物

異方之所生水土草木禽獸昆蟲鱗鳳之所止積祥之所隱及四海之外絕域之國殊類之人禹別九州任土作貢而益等類物善惡著山海經皆聖賢之遺事古文之著名者也 **瓊蕤**

陸機詩玉顏侔瓊蕤張銑註瓊蕤玉花也 **露井** 古樂府桃生露井上李樹生桃旁 **九冬** 張正見詩九冬飄遠雪六出表豐年 **四天** 釋書有四

禪天謂初禪有三天二禪有三天三禪有三天四禪有九天合之為色界十八天又欲界十天中有四天王天沈約內典序包括四天卷舒萬劫 **楊枝** 西域記饌食既訖嚼楊枝而為

淨 **七匝** 維摩詰經稽首佛足右繞七匝一心合掌在一面立法苑珠林經律之中制令右旋若左繞行為神所訶乃至右繞麥積為俗所責其徒眾矣今時行事者順于天時面

西北轉右肩袒膊向佛而恭也或旋百匝十匝七匝三匝各有所表釋氏要覽遠佛又云旋繞此方稱行道西域記云西天隨所宗事禮後皆須旋繞蓋歸敬之至也惟佛法右繞法苑云順天行也若

匝數則不定三匝表三業七匝表七支如經云百千匝無數匝但以為數表敬之極也 **卻坐一面** 涅槃經疾至佛所稽首佛足繞

雜英

謝朓詩喧鳥覆春洲
雜英滿芳甸

旃檀

香譜旃檀
即白檀也

優鉢

翻譯名義優鉢羅此云青蓮花涅槃
經云如優鉢羅花鉢頭摩花拘物頭

花分陀利花生於淤泥而
終不為淤泥所汙

稊稗

莊子東郭子問于莊子曰所謂道惡乎在莊子曰無所不在東
郭子曰期而後可莊子曰在螻蟻曰何其下耶曰在稊稗曰何

其愈下耶曰在瓦甃曰何
其愈甚耶曰在屎溺

蓮座

華嚴經爾時世尊在摩竭提國阿蘭若法菩提場中始成正覺
于普光明殿坐蓮花藏師子之座釋氏要覽蓮花座知度論問

云諸牀可坐何必蓮花答諸牀為世間白衣坐法又蓮花濡淨
柔脆欲現神力能坐其上令蓮不壞故又以莊嚴妙法坐故

大仙

釋氏要覽古譯經有稱佛
名大仙者此與天仙不同

般若燈論云聲聞菩薩等亦名仙佛于中最尊上故
已登一切波羅蜜多功德善根彼岸故名大仙

藥草品

法華經有
藥草喻品

王右丞集卷之十九